

नमः श्री-अनुयोगाचार्यैः प्रज्ञांशुश्रीमद्विजयदानेश्वरैः

श्रीवीरसमाजग्रन्थरत्नं प्रथमम् (?)

श्रीमच्छ्रीवशर्मसूरीश्वरसंहर्षं सचूषिकम् ।

श्रीशतकप्रकरणम् ।



सकलतपोधनचूडामणिपद्म्यासधामन्मणिविजयगणिशिष्यरत्नमहातवस्विक्षमारभोतिधिश्रीमद्विजयसिद्धिसूरी-

श्वरोपदिष्टश्रीराजनगरस्वास्तव्यश्रेष्ठिवर्यश्रीहृद्दीभाइसुपुत्रउमाभाइपत्नीचञ्चलवाई-

पुत्रजगुभाइसंस्मर्णार्थनिष्काशितद्रव्यसाहाय्येन ।

प्रकाशकः राजनगरस्थश्रीवीरसमाजः ।

इदं पुस्तकं राजनगर(अमदावाद)मध्ये शाह केशवलाल दलसुखभाई श्रीवीरसमाजसंकेटरी इत्यनेन

युनियनप्रीटिंगप्रेस मध्ये शाह मोहनलाल चीमनलाल द्वारा मुद्रयित्वा प्रकाशितम् ।

वीर संवत् २४४८.

आत्म संवत् २६.

सन १९२२.

विक्रम संवत् १९७८.

ॐ नमोऽर्हद्भ्यः

न्यायाम्भोनिधि श्रीमद्विजयानन्दसूरीश्वरकर्मकजेभ्यो नमः

॥ पूर्वाचार्यकृतचूर्णिसमलङ्कृतं श्रीशतकप्रकरणम् ॥

सिद्धो निन्द्यकामो सद्धम्मपणायगो तिजगणाहो । सव्वजगुज्जोयकरो अमोहवयणो जयइ वीरो ॥ १ ॥

सव्वेवि गणहरिदा सव्वजगीसेण लखसक्कारा । सव्वजगमज्जयारे सुयकेवल्लिणो जयंति सया ॥ २ ॥

जिणवरमुहसंभूया गणहरविरइयसरीरपविमागा । भवियजणहिययइया सुयमयदेवी सया जयइ ॥ ३ ॥

सम्मदंसणणाणचरणतवमएहि सत्थेहि अट्ठविहकम्मगंठि जाइजगामरणरोगअन्नाणदुक्खवीयभूयं छिदिता अजरममरमरु-
जमकम्बयमवावाहं परमणिब्बुइसुहं कहं नाम भव्वसत्ता पावेज्ज ति आयपरहितेसीणं साहूणं पड्वित्ति । अओ अज्जकालियाणं
साहूणं वुस्समाणुभावेणं आयुबलमेहाकरणाइगुणेहि परिहीयमाणानं अनुगहत्थं आयरिएण कयं सयपरिमाणणिक्कण्णामगं
सतगं ति पगरणं । तमणुक्कस्साइस्सामि तत्थ पुब्बं ताव संबधो मण्णइ “संज्ञां निमित्तं कत्तारिं परिमाणं प्रयोजनं । प्रागु-
क्त्वा सर्वतन्त्राणां पञ्चाद्वक्ता तं वर्णयेत् ॥ १ ॥” इति वचनात् एतस्स पमरणस्स किं णामं ? किं निमित्तं ? केण वा
कयं ? किं परिमाणं ? किं प्रयोजनं ? इति तत्थ णामं दसप्पगारं “गुण १ णोगुण २ आदाणे ३ पडिवक्ख ४ पहाण ५ नि-
स्मितं ६ चेव । संयोग ७ माण ८ पच्चय ९ अणादिसिद्धंत १० विहियंति ॥ १ ॥” तत्थ एयं पगरणं पमाणणिक्कण्णामगं
सतगं ति । किं निमित्तं कयं ? ति निमित्तं भाणयं । केण कयं ? ति शब्दतर्कन्यायप्रकरणकर्मप्रकृतिसिद्धान्तविज्ञापण
अणेतवायसमालङ्कविजएण सिवसम्मायरियणामयेजेण कयं । किं परिमाणं ? गाहापरिमाणेण सयमेत्तं, अक्खरादिपरिमाणेण

संवेजं, अन्यपरिमाणेन अपरिमितपरिमाणेन भेदाभिन्नं । किं पयोयणं ? ति जीवागं उवओगजोगरखयय्योदयोदीरणामंजो-
गंधविहाणादिभिरिगमणत्वं, तं चैव णाणं संमजं च, तदो वंवाइनिरोहणसमत्थे चरणे उज्जमो, तं मोक्ख इति एयं पयो-
यणं भणिअं । संवेधोत्थ एवं संवेधानि तस्मै पगरणस्स इमा आइमा गाहा मंगलाभिधेयाधारसत्थसंवेधत्था-

अरहंते भगवन्ते अणुरूपरूपे पणमिऊणं । वंधसयगे निवड्डं संगहमिणमो पवक्खामि ॥

मुणह इह जीवगुणमंनिण्णु ठाणेसु सारजुत्ताओ । वोच्छं कइवइयाओ गाहाओ दिट्ठिवायाओ ॥ १ ॥

व्याख्या—'मुणहंति' सोनविमयत्तानो मुयणणस्स मुयणजं संवेज्झइ । कइं ? अविगनत्तायो दिट्ठिवायातो गाहाओ
मुणहंति । तं च मुयणजं मंगलं । कइहा ? भज्झं जंदी भावमंगलं ति काउं, मंगलपरिगहियाणि सत्थाणि णिष्फुत्ति गच्छंति
स्मिस्समिस्सपणपरया पड्डाहि ति चेति नो मुणहसदो मंगलत्थो । 'इह जीवगुणमंनिण्णु ठाणेसु सारजुत्ताओ वोच्छं
कइवइयाओ गाहाओ' ति अभिधेयाधारत्थो । अभिधेया उवओगादयो, दिट्ठिवायाओ ति, सत्थसम्बन्धत्थो, एस पिंडत्थो ।
इयाणि अवयवा विवरिज्जंति—मुणहंति—सीसामंनणवयणं । किं कारणमामन्त्रयति । इति चेत् ? उच्यते, सीसायरियसंबद्ध-
परोवकारोवदस्मिणत्वं सोतिदिउवयोगजणणत्वं च आमन्त्रयति । 'इह' ति अस्मिन्प्रकरणे । 'जीवगुणमंनिण्णु ठाणेसु'
ति । सन्नियसदो ठाणसदो य प्रत्येकं परिमप्राप्यते—जीवमंनिण्णु ठाणेसु गुणमंनिण्णु य ठाणेसु ति जीवदृष्टाणगुणदृष्टाण-
णामपेज्जंति भणियं होति । एतेसि अत्थो णिदंमे वक्खणिज्झिहिति । एतेसि विन्यासप्रयोजनं पूर्वं जीवास्तित्वचिन्तनं
तत्सिद्धौ शेषप्रश्नविद्विगिति जीवदृष्टाणां प्रथमं न्यस्तानि । विद्यमानानां जीवानां गुणचिन्तनमिति तदनन्तरं गुणदृष्टाणां,
एवं विप्रामे पयोयणं । 'सारजुत्ताओ' ति, सारो अत्थो अन्धजुत्ताओ । काओ ताओ गाहाओ ति संवेज्झइ । 'वोच्छं कइ-
वइयाओ ति' । वोच्छं भगामि कइवइयाओ गाहाओ ति भणियं होइ । गीयन्तेऽर्थास्वस्थामिति गाथा । ताओ गाहाओ एयमि
पगरणे जीवदृष्टाणगुणदृष्टाणान्याश्रित्य अन्यमस्ताओ थोवाओ गाहाओ कहेमि ताओ सुणहंति संवेज्झइ । संवेज्झाकहणपरिहरणत्वं

सन्ध्यासंध्यं वा सन्ध्यासंध्यं भणामि- दिट्ठिवायाओ ति आयसियपायमूले विणणण सिक्खियाओ दिट्ठिवायाओ कहेमि ॥२॥
 किं परिकम्म-मुत्त-उत्तमागुओग-पुव्वगयचूळिगामइयातो सव्वाओ दिट्ठिवायाओ कहेमि ? न इत्युच्यते, पुव्वगयाओ ।
 किं उप्पायपुव्व अग्गेणिय जाव लोगविदुसाराओ ति एयाओ चोदसविहाओ सव्वाओ पुव्वगयाओ कहेमि ? न इत्युच्यते,
 अग्गेणियतो वीयाओ पुव्वानो । किं अट्ठवन्थुपरिमाणओ अग्गेणियपुव्वानो सव्वाओ कहेमि ? न इत्युच्यते, पुव्वाने अव्वरंते
 धुवे अधुवे एत्थं 'खअट्ठिणांमपंचमं वन्थुं तानो पंचमानो वन्थुतो कहेमि किं सव्वाओ वीमइपाहुडपमाणमेत्ताओ कहेमि
 न इत्युच्यते, तस्स पंचमस्स वन्थुस्स चउत्थं पाहुडं कम्मपगडीनामधेज्जं ततो कहेमि । तस्स चउत्थीसं अणुजोगदागइं
 भवन्ति । तंजहा " कइ १ वेदणा २ य फामे ३ कम्मं ४ पगडी य ५ बंधण ६ णिबंधे ७ । पक्कम ८ उवकम्म ९ दण १०
 मोक्खे ११ पुण संक्रमे १२ लेस्सा १३ ॥१॥ लेसाकम्म १४ लेसापरिणामे १५ तह य सायमस्साते १६ । दीहेहस्से १७ भव-
 धारणी य १८ तह पोगगडा १९, अत्ता २० ॥२॥ णिहत्तमणिहत्तं च २० णिक्काइयमणिक्काइयं २१ कम्मदडिति २२ । पच्छिम-
 खन्धे २३ अत्थावहुगं च २४ सडक्खओ ॥३॥ " ति, किं सव्वतो चउत्थीसाणुभोगदारमइयातो कहेमि ? न इत्युच्यते, तस्स
 छट्ठमणुओगदारं बंधणं ति ततो कहेमि । तस्स चत्तारि भेदा तंजहा बंधो बंधगो बंधणीयं बंधविहाणं ति, किं सव्वतो चउ-
 त्थिहाणुओगदारतो कहेमि ? न इत्युच्यते, बंधविहाणं ति चउत्थमणुओगदारं ततो कहेमि । तस्स चत्तारि विभागा । तंजहा-
 पगइबंधो ठिडबंधो अनुभागबंधो पदेसबंधो ति मूलुत्तरपगइमेयमिओ, ततो चउत्थिहातांति किंचि २ समुत्तरिय २ भणामि ।
 सन्ध्या संध्यो भणितो ।

पुविं जीवदटाणगुणदटाणेसु सारजुत्ताओ गाहाओ भणामि ति भणियं, ताओ केरिस्मि ? सन्धाहिगागओ ति तास्मि अन्धा-
 हिकारणेखणत्थं दो दाग्गाहाओ-

उपयोगजोगविही जेसु य ठाणेसु जत्तिया अत्थि । जप्पच्चइओ बंधो होइ जहा जेसु ठाणेसु ॥२॥

बंधं उदयमुदीरणविहिं च तिण्हं पि तेसि मंजोगे । बंधविहाणे य तहा किंचि समासं पक्खामि ॥३॥

व्याख्या—उपयोगविही जेसु य ठाणेसु जत्तिया अत्थि ति, उपयुज्यत इति उपयोगः, आसन्नो योगो उपयोगो, उपजु-
ज्जति इति वा उपयोगो, अविरहियजोगो वा उपयोगो । संसारत्थाणं णिव्वुयाणं च जीवाणं सव्वकालं तेण जोगो ति काउं
उपयोगो वुच्चति । किं कारणं ? जीवस्वभावत्वात् तच्चिरहिओ प्रीवी ण भवइ ति । सो दुविहो-सागारोवओगो अणागारो-
वओगो य । सागारोवओगो सरूवावहारणं रूवाइविमेषविआणमित्थयः । तेसि चैव सामन्नात्थावओहो खंधावारोपयोगवत्
सो अणागारोवओगो । पंचविहं णाणं अन्नाणतिगं च सागारीवओगो । चक्खुमाइचउव्विहं दंसणं अणागारोवओगो । तत्थ
पंचविहं णाणं आभिणिबोहियाइ । तत्थ पंचण्हमिदिथारणं मणो उड्डाणं उग्गहादयो चत्तारि मेया, तेहिं य सुयाणुसारेण घडपड
संखाइविआणं संपवकालीयं तमामिणिबाहियं । इदियमणोणिमित्तं अतीतादिसु अत्थेसु सुयाणुसारेण जं णाणं उप्पज्जइ तं
सुयणाणं, आभिणिबोहियं पि तत्थत्थि जेण तं पालिजइ । इदियमणोणिरवेक्खं अणाविरियजीवपंपसखयोवसमणिमित्तं साक्षात्
झेयग्राहि तद्वधिक्कानं । प्रदिपज्वालाकटकान्तरविनिर्गतप्रकाशाद्यदिप्रकाशवत् । मणत्तेणं गहेऊणं पोगले जाणइ जीवो जेहि
ते मणो भणंति, तेसि पोगलानं पज्जाया मणोपज्जाया तेसु णाणं मणपज्जवणं । तहेव सुद्धा जीवपदेसो परिच्छिदन्ति ति ते पो-
गले णिमित्तं काउणं तीयाणागयवट्टमाणे भावे पलिओवमासंखेज्जइमणि पच्छाकडे पुरेकडे खओवसमाओ माणुसखेत्ते वट्टमाणे
जाणइ ण परतो, तं मणपज्जवणं । केवलं सकलं संपूर्णं जीवस्स णिस्सेसावरणखयसंभूयं, अहवा सव्वद्वपज्जायसकला-
वोहणेण वा केवलं अचंतखाइयं केवल्लुणाणं । मूलिलेसु तिसु णाणेसु अन्नमणभावो वि होज्जा, मिच्छत्तोदया, पित्तोदयव्याकु-
लीकृतचित्तस्य शुक्लरूपविपर्ययात् पीताभामिरूपवत् । मतिश्रुताद्ययश्च विपर्ययासं गच्छन्ति । कथं ? कटुकालावुगद्व्योपश्लि-

तक्षीरसर्करादिद्रव्यविपर्ययासवत् । भाजनविशुद्धितश्च द्वाणमविणासो दिदृशो जहा सुपरिसुखालाबुदब्धोपक्षिप्तस्त्रीरादिद-
 व्वाविश्वस्तिवत् तथा च तत्त्वार्थश्रद्धानं । अहवा विससम्मीसओसहसंपर्कवत् मइघातोववूहणं च । एते अदृढ सागारोवओगा ।
 अणागारोवओगो चउन्विहो चक्खुदंसणाइ । चक्खिदियसामन्नत्थावओहो चक्खुदंसणं । सेसिदियमणोसामन्नत्थावओहो
 अचक्खुदंसणं । ओहिणाणेणं सामन्नत्थावगाहणं ओहिदंसणं । केवलणाणेण सामन्नगहणं केवलदंसणं । एवमेते बारस उव-
 योगा परुविया । 'जोगो'त्ति, "जोगो विरियं थामो उच्छाहपरक्कमो तथा चेदृढा । सत्ती सामत्थं चिय जोगस्स हवंति पज्जाया॥१॥"
 वीरियंतराइखयोवसमजणिण पज्जाण जुज्जइ जीवो अणेणेति योगो, अहवा जुंजइ जीवो वीरियंतराइखयोवसमजणियपज्जाय-
 मिति जोगो "मणसा वाया काएण वावि जुत्तस्स वीरियपरिणामो । जीवस्स अप्पणिज्जो स जोगसन्नो जिणक्खाओ ॥१॥ तेजो-
 जोगेण जहा रत्तत्ताइ थडस्स परिणामो । जीवकरणप्पओगे वीरियमवि तहप्पपरिणामो ॥२॥" सो मणजोगाई तिविहो दुब्बलस्स य-
 ष्टिकादिद्रव्यवत् उवदृढंभकरो, अहवा जोगो वावओ मणआइणं । मणजोगो चउन्विहो-सच्चमणजोगो जाव असच्चामोसमणजोगो ।
 मणजोगस्स सच्चत्तं मोसत्तं सच्चमोसत्तं असच्चामोसत्तं वा णत्थि, किं तु णोइंदियावरणखयोवसमेण मणणाणपरिणयस्स
 जीवस्स बलाधारभूयस्स जोगस्स सहचरियत्तातो सच्चदिववदेसो, जहा बालस्स बलाधानकारणं अन्नं पाणा इति । अहवा
 जोगस्सेव पाहन्नविषक्खया सच्चसच्चइपरिणामो, जहा बाहिरकारणनिरवेक्खो नाणपरिणामो तच्चातच्चववएसो भवति । एवं
 वायाकरणेण जोगो वइजोगो । वइजोगोवि चउन्विहो तथा चेव । सच्चमोसत्तं कहमिति चेत् ? भन्नति, तंजहा-असोगवणं
 चंपयवणमिति । अन्नेसुवि रुक्खेसु विज्जमाणेसु असोगवणं चंपयवणमेवेति णाणं ववहारो वा तस्स बलाधानकारणभूतो
 जोगोवि तव्ववदेसभागी भवति । कायजोगो सत्तविहो, तंजहा-ओरालियकायजोगो, ओरालियमिस्सकायजोगो, वेउन्विय,
 वेउन्वियमिस्सओ, आहारगो, आहारगमिस्सओ, कम्मइगकायजोग इति । तत्थ ओरालियमिति ओरालं उरलं महत्तं वृहच्चेति
 पगदं । उरालमेव ओरालियं ओराले हवं वा ओरालियं । कहमुदारत्तं ? भन्नइ-पदेसतो असंखेज्जगुणहीणत्तातो ओगाहणातो

असंख्यं गुणम्बुहियमिति । ओरालियकाएण जोगो ओरालियकायजोगो । ओरालियमिस्सकायजोगो ति । मिस्समिति अपडिपुअं, जहा गुडमिस्सं अश्वद्वं गुडमिति ष ण वषदिस्सति, अश्वमिति ष न वषइस्सइ, गुडेतरद्वेण अपडिपुअत्ताओ; एवमिहावि ओरालियकम्मइगसरीरद्व्यमिअत्वात् मिअव्यपदेशः । अथवा सरीरकज्जपयोयणाकरणाओ मिस्सं, अपरिनिष्ठितघटवत् । जहा अपरिनिष्ठितो घडो जलधारणादिसु असमत्थो घडोवि घडववदेसं न लमते, एवमिहावि अपडिपुअत्ताओ अपरिणिष्ठितो ति मिस्समिति वषदिस्सते, एवं सब्बत्थ मिस्सविही । विविहइइठिगुणजुत्तमिति वेउव्वियं, अहवा विविहा क्रिया विक्रिया. विक्रिया एव वैक्रियं, विक्रियायां वा भवं वैक्रियं, वेउव्वियकाएण जोगो वेउव्वियकायजोगो । मिअं पूर्ववत् । णिपुणाणं वा णिहाणं वा सुहमाणं वा आहारगद्व्वाणं सुहुमतरमिति आहारकं, आहारेइ अणेण सुहुमे अत्थे इति वा आहारगं, आहार-गकाएण जोगो आहारगकायजोगो । मिअं पूर्ववत् । कम्ममेवेति कम्मइगं, कम्मणि भवं वा कम्मइगं । कम्मकम्मइगाणमणाणत्तमि-तिचेत्तन्न, कम्मइगस्म कम्मइयसरीरणामोदयनिष्पन्नत्वात्, किंतु कम्मइगसरीरपोगगलाणं कम्मपोगगलाणं च सरिसव्वगणत्ताओ तंमि चेव तस्स वषडेसो । सब्बकम्मप्पोहणुप्पातगसुहदुक्खाण बीयभूयं कम्मइगसरीरं, तेण जोगो कम्मइगकायजोगो । एवमेते पन्नरसजोगा परुविया ।

‘उवजोगाजोगाविहि’ति । विधिसदो पत्तयं पत्तयं संबज्जइ-उवओगाविही जोगाविही विही विहाणं भेदो धिगप्पो जेसु य ठाणेसु ति जीवट्ठाणगुणट्ठाणेसु जत्तिया अत्थि ति जावतिया अत्थि अमुगंमि जीवट्ठाणगुणट्ठाणंमि य जत्तिया उवओगा जोगाय संबवंति ति एयंमि षगरणे एयं भणति । ‘जप्पइओ बंधो’ति, पच्चयो हेउ कारणं णि मिस्सं ति एगट्ठं पच्चयो चउव्विहो मिच्छतं असंजमो कसाया जोगा इति । अमुगंमि गुणट्ठाणे अमुगपच्चइगं कम्मं बज्जइ ति एयंपि एत्थ भन्नइ । ‘होइ जहा’ इति णाणावर-णादीणं कम्माणं बंधो जहा होइ ति विसेसपच्चाओ सूइओ, एयंपि भन्नइ ‘जेसु ठाणेसु’ ति, उवरिल्लपण समं संबज्जइ । जेसु गुणट्ठाणंसु बंधोदयो जत्तिया अत्थि ति एयंपि एत्थ वुच्चइ ॥ २ ॥ ‘बंधं उदयं उदीरणविधिं च’ ति, विधिसदो पत्तयं

पत्तयं संबद्धम् । बंधाविगणो उदयाविगणो उदीरणाविगणो य । ते जेषु ठाणसु जत्तियं संभवन्ति तं भज्जन्ति । बंधोत्ति । सुहुमवायेहि पोग्गलेहि घट्ठमवन णिरंतरे निचिने लोके कम्मजोगे पोग्गले वेत्तुं सामन्नविसेसपञ्चणं जीवपणसेसु कम्म-
त्ताने परिणामणं बंधो वुच्चइ । उक्तं च “जीवपरिणामहेतुं कम्मत्तापोग्गला परिणमन्ति । पोग्गलकम्मणिमित्तं जीवोवि तहेव परिण-
मइ ॥ १ ॥” तस्सेव बंधावलियातीतस्स विवागपत्तस्स अणुभवणं उदयो । उदयावलियातीतीणं अकालपत्ताणं ठीईणं
उदीरिय उदीरिय उदयावलियाए पक्खिविय दलियं पयोगेणं उदयपत्तठिइए सह अणुभवणं उदीरणा निण्हंमि तेमि
संजोगंति, बंधोदओदीरणाणमेव संवेहो संजोगा सो अमृगामि ठाणे अमुको संभवइ त्ति तं भज्जइ । बंधविहाणे त्ति, बंधस्स
विहाणं बंधविहाणं बंधमेद इत्यर्थः । बंधो चउविहो, पगइबंधो, ठिइबंधो, अणुभागबंधो, पएसबंधो य । चउण्हवि बंधाणं मोय-
गदिहुंतो । जहा-कोइ मोयगो समिति, गुडघृतकटुहुंदादिदब्बसंबंधो कोइ वायहरो, कोइ पित्तहरो, कोइ निरोगो, कोइ कप्फहरो,
कोइ मारगो, कोइ बलकरो, कोइ बुद्धिकरो, कोइ धामोहकरो, एवं कम्मार्थं प्रकृतिः-स्वभावः कोइ णाणमावरेइ, कोइ दंसणं,
कोइ सुक्खदुक्खाइवेयणमित्थादि । तस्सेव मोयगस्स कालणियमणं अविनाशित्वेन सा ठिई । तस्सेव णिक्खमदुराएणं पगगुण-
दुगुणाइभागचित्तणं अणुभागो । तस्सेव समियाइदब्बाणं परिमाणचित्तणं पएसो । एवं कम्मस्सवि सभावत्तमत्त चित्तणं
पगइबंधो । तस्सेव तब्बावेण कालावट्ठाणचित्तणं ठिइबंधो । तस्सेव सब्बदेसोवघाइअगाइएकदुगतिगचउट्ठाणसुभासुभतिव्वमं-
दाचित्तणं अणुभागबंधो । तस्सेव पोग्गलपमाणणिकवणं पएसबंधो तह त्ति, जहा कम्मपगडिसंगहणिए भणियं तहा भणामि ।
किंचि समासं पवक्कामि त्ति एएसि पगइठिइअणुभागपएसण किंचि किंचि संत्वेवेणं भणामित्ति भणियं भवइ ॥ ३ ॥

वक्खानेयव्वा अथा उवदिट्ठा । इयाणि नेमि विजासपभोयणं भज्जन्ति । उवभोगो जीवस्स लक्खणं, तस्सिद्धौ शेषसि-
द्धिरिति । तेण उवभोगो षड्भं वुच्चइ, नारिसलक्खणो जीवो मणोवाक्कायजुत्तो चिट्ठइ त्ति । तयणंतरे जोगो । जोगादयो जीवस्स
कम्मबंधपञ्चयन्ति काउं, तदनंतरं सामन्नपञ्चओ । सामन्नं त्रिसेसे अवज्जिट्ठइत्ति, तद्वज्जंतरं त्रिसेसपञ्चओ नेहि पञ्चणहि जीवस्स

कम्मबंधो हवइति तदनंतरं बंधो, बद्धस्स कम्मणो अणुभवनं, ण अबद्धस्स, इति तदनंतरं उदओ। उदए सति उदीरणा भवइ, णो अणुदिप, उदीरणंति, तदनंतरं उदीरणा। एणसि तिण्हं पुढो सिद्धाणं समवायचित्ताणंति, तदणंतरं संजोगो। सामन्नमणियस्स बंधस्स पुणो भेददर्शनार्थं बहुविसयत्ताओ तदधीनत्वाच्च शेष प्रपञ्चस्येति तदनन्तरं बंधविहाणचित्ताणंति। एतं क्रमन्यासे प्रयोजनम्, पुर्व्वं जीवदृष्टाणगुणदृष्टाणेषु सति बुद्धं उवदिदृष्टकमेणेव जीवदृष्टाणणिहेसत्थं भणइ-

एगिदिपसु चत्तारि हुंति विगलिदिपसु उच्चैव। पंचिदिपसुवि तहा चत्तारि हवंति गणाणि ॥ ४ ॥

व्याख्या—एगिदिपसु जीवदृष्टाणनि किं भवियं जवइ? नवइ, जीवाणं दृष्टाणं जीवदृष्टाणं, सव्वे संसारत्था जीवा एपसु चोदससु जीवदृष्टाणेषु वट्टंति, तन्वाहिरा णत्थित्ति काउं, जीवदृष्टाणं 'एगिदिपसु चत्तारि होंति'ति, एगिदिपसु चत्तारि जीवदृष्टाणां। तंजहा-एगिदिया दुविहा बायरा सुहुमा य। बायरा दुविहा-पज्जत्तगा अपज्जत्तगा य। सुहुमा दुविहा पज्जत्तगा अपज्जत्तगा य। एगिदिया णाम फासिदियावस्सणीयस्स कम्मणो खओवसमे वट्टमाणा एकविन्नाणसंजुत्ता सेसिदियसव्वावरणोदयसहिया जीवा, सुत्तमत्तादि मनुष्यवत्। ते दुविहा-बायरा सुहुमा य। बायरणामकम्मोदयाओ बायरा, सुहुमणामकम्मोदयाओ सुहुमा। ण चक्खुगहणं पइ बायरत्तं सुहुमत्तं वा किंतु णामकम्माभिणिव्वत्तं जीवपरिणामं पइ, जहा परमाणुरूवं, ण हि परमाणुस्स चक्खुरिदियगेज्जमिति रुक्खपरिणामो, किंतु स्वामाविको रुक्खपरिणामो, एवं बायरसुहुमपरिणामो णामकम्मोदयाभिणिव्वत्तो। अहवा जीवविवागं किंचि कम्म संरीरे वि अभिवंजयति बायरसुहुमत्तं, जहा-माहणीयकम्मपगइ कोहो जीवविवागित्तेवि सति संरीरे अभिवत्ति जणयइ, कोहोदए जीवो तप्पज्जायपरिणओ होइ, संरीरमवि तिवलियणिडालं पसिन्नमुहं भिउडीमभिवंजयइ। ते एक्केका दुविहा, पज्जत्तगा अपज्जत्तगा य। पज्जत्तगा अपज्जत्तगात्तं च णामकम्माभिणिव्वत्तं। "आहारसरीरिदिय उस्सासवओ मणांभिणिव्वत्ती। होइ जओ दलियाओ करणं पइ सा उ पज्जत्ती। १।" पज्जत्ती णाम सत्तिविसेसो। सो य दलिओवचयाओ उप्पज्जइ। आहारियस्स दव्वस्स खलरसपरिणामणसत्ती आहारपज्जत्ती। सत्तधातुनयार-

सस्स परिणामणसत्ती सरीरपज्जत्ती । इन्द्रियपज्जत्ती पञ्चण्हमिन्द्रियाणं जोग्गे पोग्गले विचिणिय तम्भावणयणसत्ती अत्थाव-
 बोहसत्ती य इन्द्रियपज्जत्ती । बाहिरे आणापाणजोग्गे पोग्गले घेत्तूण आणापाणाए परिणामित्ता ऊसासनीसासत्ताए निस्सरण-
 सत्ती आणापाणपज्जत्ती । वइजोग्गे पोग्गले घेत्तूण भासत्ताए परिणामित्ता वइजोगत्ताए निस्सरणसत्ती भासापज्जत्ती । मणो-
 जोग्गे पोग्गले घेत्तूण मणत्ताए परिणामित्ता मणजोगत्ताए निस्सरणसत्ती मणपज्जत्ती । एयाओ पज्जत्तीओ पज्जत्तगणामक-
 म्मोदएण णिव्वत्तिज्जन्ति । तं जेसि अत्थि ते पज्जत्तगा । एयाओ चेव पज्जत्तीओ अपज्जत्तगणामकम्मोदएण णिव्वत्तिज्जन्ति ।
 तं जेसि अत्थि ते अपज्जत्तगा । तत्थ मूलिल्लुओ चत्तारि पज्जत्तीओ अपज्जत्तिओ य एगिन्द्रियाणं भवन्ति । वाया सहिया ता
 चेव विगलिन्द्रियाणं, असन्निपञ्चिन्द्रियाणं च पञ्च हवन्ति । ता चेव मणोसहियाओ छ पज्जत्तिओ छ अपज्जत्तिओ य सन्निपञ्चि-
 न्द्रियाणं भवन्ति । 'विगलिन्द्रिएसु छब्बेव' त्ति, विगलाइं असंपुन्नाइं इन्द्रियाइं जेसि ते विगलिन्द्रिया, बेइन्द्रियाइ जाव चउरिन्द्रिया ।
 फासिन्द्रियजिम्भिन्द्रियावरणाणं खओवसमे वट्टमाणा, दुविन्नाणसंजुत्ता, सेसिन्द्रियावरणसहिया जीवा बेइन्द्रिया; ते दुविहा, पज्ज-
 त्तगा अपज्जत्तगा य । फासिन्द्रियजिम्भिन्द्रियघ्राणिन्द्रियावरणाणं खओवसमे वट्टमाणा, तिबिन्नाणसंजुत्ता, सेसिन्द्रियसंघविन्ना-
 णावरणसहिया जीवा तेइन्द्रिया; ते दुविहा, पज्जत्तगा अपज्जत्तगा य । फासिन्द्रियजिम्भिन्द्रियघ्राणिन्द्रियचक्खिन्द्रियावरणाणं
 खओवसमे वट्टमाणा, चउविन्नाणसंजुत्ता, मेससंघविन्नाणावरणसहिया जीवा चउरइन्द्रिया; ते दुविहा, पज्जत्तगा अपज्जत्तगा य ।
 एवं विगलिन्द्रिएसुवि छ जीवट्टाणाणि । 'पञ्चिन्द्रिएसुवि तहा चत्तारि भवन्ति ठाणाणि' त्ति पञ्चिन्द्रिया णाम पञ्चण्हमिन्द्रियावर-
 णाणं खओवसमे वट्टन्ता, पञ्चविन्नाणसंजुत्ता, जीवा पञ्चिन्द्रिया; ते दुविहा, असन्नी सन्नी य । तत्थ असन्नी णाम मणोविन्नाण-
 सहिया, ईहापोहमगणगवेसणा तेसि णत्थि, ते दुविहा, पज्जत्तगा अपज्जत्तगा य । सन्निपञ्चिन्द्रिया णाम मणोविन्नाणसहिया
 ईहापोहमगणगवेसणा य जेसि जीवाणं अत्थि ते सन्निया, ते दुविहा पज्जत्तगा अपज्जत्तगा य । एवं पञ्चिन्द्रिएसुवि चत्तारि
 जीवट्टाणाणि ॥ ४ ॥ जीवट्टाणाणं मेओ लक्खणं च परूवियं ॥ इयाणि ते चेव गइआइगेस मगणट्टाणेस् के कहिं अत्थि त्ति

मग्निज्जन्ति तण्णिरुवणत्थं भन्नइ-

तिरियगईए चोइस, हवन्ति सेसासु जाण दो दो उ । मग्गणठाणे एवं, नेयाणि समासठाणाणि ॥ ५ ॥

गइइन्दिए य काए, जोए वेए कसाय नाणे य । संजमदंसणलेसा, भवसम्मे सन्नि आहारे ॥

व्याख्या—'गइ' ति । चउव्विहा गई-णिरियगई, तिरियगई, मणुयगई, देवगई य । तत्थ तिरियगईए चोइसवि जीवट्ठाणाणि भवन्ति । कम्हा ? जेण एगिन्दियादयो जाव पञ्चिन्दिया सव्वे तिरिय ति काउं । 'सेसासु जाण दो दो उ' णिरियगइमणुयगइ-देवगईसु दो दो जीवट्ठाणाणि, सन्निपञ्चिन्दियपज्जत्तगा अपज्जत्तगा य । देवणेइएसु करणपज्जत्तीए अपज्जत्तगो, न लखीए, लखीए पज्जत्तगा एव, जो करणपज्जत्तीए अपज्जत्तगो सो अपज्जत्तगमहणेणं गहिओ, लखिअपज्जत्तगो तेसु णत्थि । मणुस्सेसु दोवि'मग्गणठाणे एवं नेयाणि समासठाणाणि'ति, मग्गणट्ठाणेसु एएणेष विहिणा समासट्ठाणाणि-जीवट्ठाणाणि णायव्वाणि । गइइन्दिए य कहियं भवइ । जाणणाणदंसणाणि अहिगयाणि । सेसेसु भन्नइ-'काये' ति, काओ उव्विहो-पुढाविकाइयाइ; तत्थ पुढाविआइसु वणस्सइपज्जन्तेसु चत्तारि जीवट्ठाणाणि भवन्ति एगिन्दियाणं । तसकाइगेसु दस जीवट्ठाणाणि भवन्ति, वेइन्दियपज्जत्तगाइ जाव सन्निपज्जत्तगो ति । 'वेए' ति वेओ ति विहो-इत्थिवेओ, पुरिस्सवेओ, णपुंसगवेओ य । णपुंसगवेए चोइसवि जीवट्ठाणाणि भवन्ति । इत्थिपुरिस्सवेएसु चत्तारि जीवट्ठाणाणि भवन्ति, असाक्षिसाक्षिपज्जत्तगा अपज्जत्तगा य, करणपज्जत्तीए अपज्जत्तगा गहिया, जओ लखिपज्जत्तीए अपज्जत्तगा सव्वे णपुंसगा । अवेदगेसु सन्निपज्जत्तगो होज्जा थायरसंपराइ जाव अजोगिकेवलि ति । 'कसाय' ति, कसाया चउव्विहा, कोहाइचउसुवि कसाएसु चोइस जीवट्ठाणाणि भवन्ति । अकसाएसुवि सन्निपज्जत्तगो होज्जा । 'संजमे' ति, संजया पञ्चविहा सामाइगाइसंजया, संजयासंजया य असंजया य । पञ्चसु संजएसु संजयासंजएसु य एक्केकं जीवट्ठाणं सन्निपञ्चिन्दियपज्जत्तगो लब्भइ, असंजएसु चोइस जीवट्ठाणाणि लब्भन्ति । 'लेस' ति, लेसा उव्विहा-किण्हाइ ।

किण्हीलकाओलेसामु चोदसजीवट्टाणाणि लब्धन्ति, तेउपगृह्णन्तेसामु सन्निपाञ्चद्वियपञ्जत्तगो अपञ्जत्तगो य लब्धइ, कर-
णअपञ्जत्तगो गहिओ, लद्धिअपञ्जत्तगरस्स हेठिल्ला तिन्नि लेसा भवन्ति । 'अध्वं' ति, अध्वामध्वान वि दोण्ह वि चोदस
वि । 'समत्ते' ति, सम्महिट्ठी कइगवेयगउवसमसासणसग्गामिच्छमिच्छदिट्ठी य, तत्थ वेयगउवसमकइयसग्गहिट्ठीसु
दो दो जीवट्टाणाणि सन्निपज्जत्तअपज्जत्तगाणि, अपज्जत्तगो ति करणअपज्जत्तगो, सग्गामिच्छदिट्ठी सन्निपज्जत्तगो एव,
सासणसम्महिट्ठी बायरपगिन्दियकेन्दियतेइन्दियचउरिन्दियअसन्निपञ्चिन्दियलद्धिएपज्जत्तगेसु करणअपज्जत्तगेसु सन्निपज्ज-
त्तपज्जत्तगेसु य, मिच्छदिट्ठिरस्स चोदसवि । 'रुद्धि' ति, रुद्धि अरुद्धी य, रुद्धिपञ्चिन्दिए मोत्तूण सेसा बारसवि अस-
न्निपो, सन्निपञ्चिन्दिएसु दो जीवट्टाणाणि । 'आहारगे' ति, आहारया अणाहारया य, तत्थ आहारगेसु चोदसवि, अणाहारगेसु
सत्तवि अपज्जत्तगा सन्निपज्जत्तगो य लब्धइ, केवलिसमुत्थाए तिचउत्थपञ्चमसमएसु अणाहारगे लब्धइ ॥ ५ ॥

जीवट्टाणाणि मग्गणट्टाणेसु मग्गियाणि, इयाणि तेसु उवओगणिरुक्खणत्थं भण्णइ—

एकारसेसु तिय तिय दोसु चउक्कं च बारसेगमि । जीवसमासे एवं उवओगविही मुणेयवा ॥ ६ ॥

व्याख्या—'एकारसेसु तिय' ति । एकारसेसु जीवट्टाणेसु, पगिन्दिया चत्तारि, बेइन्दियतेइन्दियपञ्जत्तगाअपञ्जत्तगा,
चउरिन्दियअरुद्धिरुद्धिअपञ्जत्तगा य एए एकारस, एएसु एकारससु पत्तयं पत्तयं तिन्नि तिन्नि उवओगा भवन्ति, तं जहा-
मइअन्नाणं सुयअन्नाणं अचएखुदंसणं ति । 'दोसु चउक्कं' ति, दोसु जीवट्टाणेसु चउरिन्दियपञ्जत्तगेसु अरुद्धिपञ्जत्तगेसु य पत्तयं
पत्तयं चत्तारि उवओगा भवन्ति, तेजहा पुब्बुत्ताणि तिन्नि चएखुदंसणं च, ते पिवरुन्ति ति काउं, 'बारसेगमि' ति, सन्निपज्ज-
त्तगमि पुब्बुत्ता बारसवि उवओगा भवन्ति । केवलणाणीण रुद्धित्तं कहं ? इति चेत् ? उच्यते—द्वयमणसहितत्वात् सन्नि ति
पुब्बइ । एत्थ अपञ्जत्तगगहणेण लद्धिअपञ्जत्तगो गहिओ, करणअपञ्जत्तो पञ्जत्तगगहणेणं गहिओ । जीवसमासे एवं उवओ-
गविही मुणेयवे ति, कण्ठयम ॥ ६ ॥ उवओगा जीवसमासेसु भणिया, इयाणि जोगा भणन्ति—

णवसु चउके एके जोगा एको य दोभि पन्नरस । तन्भवगणसु एए भवन्तरगणसु काओगो ॥ ७ ॥

व्याख्या—‘णवसु चउके एके जोगा एको य दोभि पन्नरस’ ति । णवसु चउसु एकस्मि जीवट्टाणेसु जहासंखेण जोगा एको दोभि पन्नरस ति, एगिन्दिया चत्तारि सेसअपज्जत्तगा य पञ्चे, एएसु णवसु एकेओ जोगो—सामञ्जेण एको कायजोगो, विसे सेणं सुदुमवायरपज्जत्तगाणं ओरालियकायजोगो, तेसिं चैव करणअपज्जत्तगाणं ओरालियमिस्सकायजोगो, वायरएगिन्दियप-ज्जत्तगस्स वेउव्वियकायजोगो वेउव्वियमिस्सकायजोगो य वाउं पडुच्च । लेखिए करणेण य अपज्जत्तगाणं सब्बेसि ओरा-लियमिस्सकायजोगो चैव । चउसु जीवट्टाणेसु वेइन्दियतेइन्दियचउरिन्दियअसन्निपज्जत्तगेसु दो दो जोगा पत्तेयं भवन्ति, ओ-रालियकायजोगो असन्नमोसवइजोगो य, करणपज्जत्तगा गहिया । एकस्मि सन्निपज्जत्तगस्मि पन्नरसवि योगा भवन्ति, मण-जोग (गा) ४ वइजोग (गा) ४ ओरालियवेउव्वियआहारककायजोगा पसिद्धा, ओरालियमिस्सकायजोगो कम्मइगकायजोगो य सयो-गिकेव्वलि पडुच्च समुग्घायकाले लब्धन्ति, वेउव्वियमिस्सकायजोगो आहारकमिस्सकायजोगो य वेउव्वियआहारगे विउव्वयन्ते आहारयन्ते य पडुच्च, ते पज्जत्तगा चैव । ‘तन्भवगणसु एए’ ति, तस्मि भवे गया तन्भवगया अप्पणो सरीरे वट्टन्ताणं एए मणिया । ‘भवन्तरगणसु कायजोगो’ ति, भवादन्यो भवो भवान्तरं, तस्मि गया भवान्तरगया विप्रगतानामित्यर्थः, सब्बेसि भवान्तरगताणं कम्मइगकायजोगो चैव ॥ ७ ॥

उवओगाजोगविही जीवसमासेसु वन्निया एवं । एत्तो गुणेहि सह संगयाणि ठाणाणि मे सुणह ॥ ८ ॥

व्याख्या—‘उवयोग’ ति, गाहाए पुब्बखं कण्ठयम् । जीवट्टाणेसु उवओगा जोगा य मणिया । ‘एत्तो गुणेहि सह परि-संगयाणि ठाणाणि मे सुणह’ ति । एत्तो गुणजुत्ताणि ठाणाणि सुणह भणामि ति भणियं भवइ ॥ ८ ॥

इयाणि उवदिट्ठकमागयाणं गुणट्ठाणाणं णिहेसं करेइ-

मिच्छदिद्वीसासगमिस्ते अजए य देसविरए य । नव संजएसु एवं चउदसँ गुणनामडाणाणि ॥ ९ ॥

व्याख्या—‘मिच्छदिद्वी’ ति, मिच्छादिद्वी, ‘सासण’ ति, सासणसम्मदिद्वी, ‘मिस्स’ ति, सम्मामिच्छदिद्वी, ‘अजते’ ति, असंजयसम्मदिद्वी, ‘देसविरए’ ति, संजयासंजओ, ‘णव संजएसु’ ति, संजएसुणव डाणाणि । तं० पमत्तसंजओ, अपमत्तसंजओ अपुब्बकरणपविट्ठेसु उवसामगा खवगा य, एवं अनियाट्ठिबायरसम्पराइयपविट्ठेसु उवसामगा खवगा य, सुहुमसंपराइयपविट्ठेसु उवसामगा खवगा य, उवसन्तकसायवीयरगच्छउमत्थो, स्त्रीणकसायवीयरगच्छउमत्थो, सजोगिकेवल्लि, अजोगिकेवल्लि चेति॥

तत्थ मिच्छदिद्वी ति—मिच्छा अलियं अतथ्यं दृष्टिर्दर्शनं मिच्छदिद्वी जेसं जीवाणं ते मिच्छादिद्वी विवरीयदिद्वी, अण्ण-हाट्ठियमत्थं अण्णहा विचिन्तेति मिच्छत्तस्स उदएणं । यथा—मद्यपीतहृत्पूरकभक्षितपित्तोदयव्याकुलीकृतपुरुषज्ञानवत्, मिच्छत्तं यथार्थावस्थितरुचिप्रतिघातकारणं । उक्तं च—“मिच्छत्ततिमिरपच्छादयदिद्वी रागदोससंजुत्ता । धम्मं जिणपञ्चत्तं भव्वावि णरा ण रोचंमि ॥ १ ॥ मिच्छदिद्वी जीवो उवइदं पवयणं ण सहइ । सहइ असम्भावं उवइदं वा अणुवइदं ॥ २ ॥ पयमक्खरं व एक्कं पि जो ण रोचंइ सुत्तणिदिद्वं । सेसं रोएन्तोवि हु मिच्छदिद्वी मुणेयव्वो ॥ ३ ॥ सुत्तं गणहरकंहियं तहेव पत्तेयवुद्धकंहियं च । सुयकेवल्लिणा रइयं अभिन्नदसपुव्विणा कंहियं ॥ ४ ॥ अहवा । तं मिच्छत्तं जमसइहणं तच्चाण जाण अन्थाणं । संसइयमभिग्गहियं अणभिग्गहियं च तं तिविहं ॥ ५ ॥ ”

सासणसम्मदिद्वी ति—आसाइज्जइ अणेण सम्मत्तमिति आसायणं, सम्पा दिद्वी सम्पादिद्वी, सह आसायणेण वट्ठन्त इति सासायणा; सासायणसम्मदिद्वी जेसं ते भवन्ति सासायणसम्मदिद्वी । उवसमसम्मत्तञ्चाप वट्ठमाणो जीवो अणत्ताणुबन्धि-उदएण सासणमावं गच्छइ । जहा कोइ पुरिसो दमगो अणेगुणसंपन्नं पायसं भोसूणं धातुवैषम्यात् तस्सोवरि व्यलिक-

चित्तो भवइ, ण ताव छुहेइ, णियमा छुहेहि सि, एवं सम्मत्ते व्यलिकचित्तो ण ताव छुहेइ, णियमा छुहेहि सि, सो सासाणो । उक्तं च-“ उवसामगो उ सव्वो णिब्बाघापण तह णिरासाणो । उवसन्ते सासाणो णिरासाणो होइ जीणम्मि ॥ १ ॥ एसो सासणसम्मो सम्मत्तत्ताएँ वट्टमाणो उ । आसावणाएँ सहिभो सासणसम्मो सि णायव्वो ॥ २ ॥ ”

सम्मामिच्छदिट्ठि सि-सम्मं च मिच्छा च सम्ममिच्छा, सम्ममिच्छा दिट्ठी जेसि जीवाणं ते भवन्ति सम्मामिच्छदिट्ठी मिस्स-दिट्ठि, विरताविरतवत् । पदमं सम्मत्तं उप्पाएन्तो तिभि करणाणि करेत्ता उवसमसम्मत्तं पडिववो मिच्छत्तदलियं तिपुजी करेइ-सुखं मिस्सं अविमुद्धं चेति । जहा मयणकोइवा णिब्बलिया मिस्सा अणिब्बलिया य । निब्बलियसरिसं सम्मत्तं, अणि-ब्बलियसरिसं मिच्छत्तं, मिस्ससरिसं सम्मामिच्छत्तं सइहणासइहणलक्खणं, सुखासुखामिस्सकोइवोदणभोजिपुरिसपरिणामवत् । सुखवेई सम्मदिट्ठी हवइ, जहा सुखकोइवोदणभोजिपुरिसो स्वच्छेन्द्रियज्ञानावबोधो भवति । उक्तं च-“ सम्मत्तगुणेण तमो विसोहई कम्ममेस मिच्छत्तं । सुम्वन्ति कोइवा जह मदणा ते भोसहेणेष ॥ १ ॥ जं सव्वहा विमुद्धं तं चेव य भवइ कम्म सम्मत्तं । मिस्सं अविमुद्धं भवे अमुद्धं च मिच्छत्तं ॥ २ ॥ तिब्बाणुभावजोगो भवइ इ मिच्छत्तवेयणिज्जस्स । सम्मत्ते अइमन्दो मिस्से मिस्साणुभावो य ॥ ३ ॥ (स) मयणकोइवभोजी अणप्पवसयं णरो जहा जाइ । सुखाई उ ण मुज्झइ मिस्सगुणा वा वि मिस्साई ॥ ४ ॥ सइहणासइहणं जस्स य जीवस्स होइ तच्चेसु ? विरयाविरण सभो सम्मामिच्छो सि णायव्वो ॥ ५ ॥

असंजयसम्मदिट्ठी सि-ण संजभो असंजभो, सम्मा दिट्ठि जेसि ते भवन्ति सम्मदिट्ठी, असंजभो य सो सम्मदिट्ठी य सो असंजयसम्मदिट्ठि । अपच्चक्खाणावरणाणं उदए वट्टमाणा विरइ ण लहइ । “ अण्णच्चक्खाणाणं उदए णियमा चउक्कसायाणं । सम्मदिट्ठीवि णरा विरयाविरइ ण पावेन्ति ॥ १ ॥ ” दंसणमोहणिज्जस्स कम्मस्स अयस्सभोवसमोवसमे वट्टमाणो असंजयसम्मदिट्ठी भवइ । उक्तं च “ सइहिऊण य तच्चे इच्छन्तो णेव्वुइ परमसोक्खं । येत्तूण णवपयाइं

अरिहाइसु णिञ्च भत्तिजुतो ॥ १ ॥ बन्धं अविरहहेउं जाणन्तो रागदोसदुक्खं च । विरहसुहं इच्छन्तो विरहं काउं च भस्स-
मत्थो ॥ २ ॥ एत्त असंजयस्समो णिन्दन्तो पावकम्मकरणं च । अभिगयजीवाजीवो अचलियदिट्ठी चलियमोहो ॥ ३ ॥

संजयासंजओत्ति-संजओ य सो असंजओ य सो संजयासंजओ, अद्धओ भस्संजमाओ विरओ अद्धओ अविरओत्ति, अप-
च्चक्खाणावरणाणं उदयक्खए पच्चक्खाणावरणाणं च उदए वट्टमाणे संजयासंजओ भवइ । “आवरयन्ति य पच्चक्खाणं भ-
प्पमवि जेण जीवस्स । तेणाऽपच्चक्खाणावरणा णणु होइ अप्पत्थे ॥ १ ॥ सुब्बं पच्चक्खाणं जेणावरयन्ति अभिलसन्तस्स ।
तेण उ पच्चक्खाणावरणा भणिया णिरुत्ताहि ॥ २ ॥ सम्महंसणसहिओ गेण्हन्तो विरइमप्पसत्तीए । एकव्वयाइ चरिमो भ-
णुमइमेत्तोत्ति देसजई ॥ ३ ॥ परिमियमुवसेवन्तो अपरिमियमणन्तयं परिहरन्तो । पावइ परम्मिलोए अपरिमियमणन्तयं सोक्खं
॥ ४ ॥” पमत्तसंजओत्ति-पमत्तो य सो संजओ य सो पमत्तसंजओ; अपच्चक्खाणावरणोदयरहिओ, संजलणाणं उदए वट्ट-
माणो, पमायसहिओ पमत्तसंजओ । “विकहा कसाय विकडे इन्दियणिहापमायपञ्चविहो । एए सामन्नतरे जुत्तो विरओऽवि हु
पमत्तो ॥ १ ॥ जह रागेण पमत्तो ण सुणइ दोसं गुणं च बहुयं पि । गुत्तिसमिइपमत्तो पमत्तविरओत्ति जायव्वो” ॥ २ ॥

अप्पमत्तसंजओत्ति-अप्पमत्तो य सो संजओ य सो अप्पमत्तसंजओ सर्वप्रमादरहित इत्यर्थः । “विकहादयो पमाया त-
स्सहियो सो पमत्तविरओ उ । सव्वप्पमायरहिओ विरओ सो अप्पमत्तो उ ॥ १ ॥”

अपुव्वकरणपविट्ठेसु अत्थि उवसामगा खवमत्ति-पुव्वं करणं पुट्ठकरणं, ण पुव्वकरणं अपुव्वकरणं, अपुव्वकरणं पविट्ठा
अपुव्वकरणपविट्ठा, तेसु अपुव्वकरणपविट्ठेसु अत्थि उवसामगा खवगा य । बिइयं नामं नियट्ठिणोत्ति-परोप्परं परिणामं
णियट्ठि ति नियट्ठिणो जातो तेसिं समए समए असङ्खेज्जलोगागासपप्समेत्ताणि विसोही ठाणाणि भवन्ति,
तत्थ पढमसमए यदि वट्ठन्ता विसरिस्सपरिणामा किं अपुव्वकरणं? कहं वा पवेस्सो भवइत्ति, तं मज्झ-अपुव्वकर-
णदठाणाणि असंखेज्जलोगागासपप्समेत्ताणि विसोहिदठाणि, तं जहा-अपुव्वकरणस्स पढमसमए विसोहिदठाणाणि

सम्प्रयोवाणि । विद्यसमयां विस्मोहिताणां विसेसाहिगाणि । तद्यसमयं विसेसाहिगाणि । एवं विसेसाहिगाणि विसेसाहिगाणि ताव जाव अपुत्रकरणस्त चरिमसमओ ति । अपुत्रकरणस्त पदमसमयं जहभिया विस्मोहि योवा, तस्सेबुक्कसिया विस्मोहि अणन्तगुणा । विद्यसमयं जहभिया विस्मोहि अणन्तगुणा, तस्सेबुक्कसिया विस्मोही अणन्तगुणा । तद्यसमयं जहभिया विस्मोहि अणन्तगुणा, तस्सेबुक्कसिया विस्मोहि अणन्तगुणा । एवं अणन्तगुणा सेटोप नायडं जाव अपुत्रकरणस्त चरिमसमओ ति । अपुत्रकरणस्त पदमसमयं जाणि विस्मोहिटाणां विद्यसमयं ततो अपुत्राणि ति, तम्हा विस्मोहिपरिणामट्टाणां अपुत्राणि ति बुद्धान्ति । ताणि अपुत्राणि विस्मोहियरेणामट्टाणां पावेट्टा अपुत्रकरणपावेट्टा तेषु अपुत्रकरणपावेट्टेसु मात्थे उवसामगा खवगा य, उवसमइस्सन्ति ति उवसामगा । खवइस्सन्ति ति खवगा । ण ह्याणि उवसमयन्ति ति, खवयन्ति ति वा, किं तु अभिमुहभावेणेयमभिहितं, निखेवणयाप पयाडं न खवयति, ठिइघायं पुण करोति उक्तं च—“ सो अणुभागोठेणं घायमपुत्रं करेइ ठिइवन्धं । अणुभागं च विस्मोहि उदीरणाउदयगुणसेट्ठी ॥ १ ॥ तम्हा अपुत्रकरणो विरओ सज्जेममाणमयरागो । सो उवसामगखवगो दुविहां उवसमणखवणरिहो ॥ २ ॥ ” जहा रायारिहो कुमारो राया इति “ अत्थं जहा वयस्मी विणिवट्ठियइन्दिथुविसयगणो । सुविसुद्धभावलेसो सक्कणणे णिरुद्धतणू ॥ १ ॥ णय उवसमेइ कम्म खवेइ तम्मि य अपुत्रकरणम्म । करिहइ उवसमखवणं जह घयकुम्भा तहा सावि ॥ २ ॥ ”

अणियट्ठिबायरसंपराइगपावेट्टेसु अत्थि उवसामगा खवग ति ण णियट्ठेति ति अणियट्ठिपरिणामो, अहवा ण अस्स णियट्ठणमात्थि ति अणियट्ठी, अओ तेसि पदमसमयं सव्वेसि सरिमसुद्धी, एवं शीयाइममसुवि जाव चरिमसमओ ति, उक्तं च—“ इतरेतरपरिणामं ण य अइवट्ठन्ति वायरकमाया । सव्वेवि एगममयं तम्हा अणियट्ठिनामा ते ॥ १ ॥ ” अथवा प्रकृष्टा उत्कृष्टपरिणामा भावओ वा अणियट्ठी, उक्तं च—“ एकको परिणामो उक्कोसज्जहन्नओ जओ णत्थि । तम्हा णत्थि

णियट्ठणमओवि अणियट्ठिणामा ते ॥ १ ॥ ” बायरो संपराओ जस्स सो बायरसंपरागो, संपरायसदो सव्वकम्मेसु वट्ठमाणो
 महिकारवसाओ कसायवाई परिग्गहिओ । बायरकसाए वेणमाणो बायरसंपरागो सि बुच्चइ, अणियट्ठी य सो बायरसंपरागो
 य सो अणियट्ठिबायरसंपरागो, अणियट्ठिबायरसंपरायं पविट्ठा अणियट्ठिबायरसंपरायपविट्ठा, तेसु अणियट्ठिबायरसम्परायपवि-
 ट्ठेसु अत्थि उवसमगा खवगा य “ भावं न णियट्ठेई विमुद्धलेसो णिरुद्धमयरागो । किट्ठीकरणपरिणओ बायररागो मुणे-
 यव्वो ॥ १ ॥ सो पुव्वफट्ठगाणं हेट्ठा अण्णाणि फट्ठगाई तु । पकरेइ अपुव्वाइ अणन्तगुणहीयमाणाई ॥ २ ॥ तत्तो
 अपुव्वफट्ठगहेट्ठा बहुगा करेइ किट्ठीओ । पुव्वाओ य अपुव्वेहिं तो वोक्कइदिय पपसे ॥ ३ ॥ तो बायराकिट्ठीओ वेणमाणो
 करेइ सुहुमाओ । बायरकिट्ठीहेट्ठा किट्ठीओ सुद्धलेसाओ ॥ ४ ॥ वेणइ बायराओ किट्ठीओ तेण बायरो णाम । कम्माणि
 उवसमन्तो उवसमगो खवणओ खवगो ॥ ५ ॥ णासेइ तओ खवओ लोमं मोत्तूण मोहवीसमवि । अह थीणगिद्धितिममवि
 तेरस णामावि एत्थेव ” ॥ ६ ॥ उवसामगस्स अत्थो इमो-“ सो पुव्वफट्ठगाण तु सुहुमा ओक्कट्ठिऊणं किट्ठीओ पकरेइ य उव-
 समओ उवसमयाति मोहवीसमवि ॥ ७ ॥ इवमन्तं जं कम्मं ण य ओक्कइदइ ण देइ उदण्वि । ण य गमयइ परपगइ
 ण चेव ओक्कइदते तं तु ॥ ८ ॥ ” सुहुमसम्पराइपविट्ठेसु अत्थि उवसामगा खवगाइ सि-सुहुमो सम्पराओ जस्स सो सुहुम-
 सम्पराओ, सुहुमसम्परायं पविट्ठा सुहुमसम्परायपविट्ठा, तेसु सुहुमसम्परायपविट्ठेसु अत्थि उवसामगा खवगा य, बायर-
 रागेण कयाओ किट्ठीओ सुहुमो वेणइ जतो । आह एत्थं गाहाओ-“ सम्मं भावपरायणगुणेण किट्ठीपकिट्ठिकरणेण । मोहस्से-
 कारसमी बारसमी वावि जा किट्ठी ॥ १ ॥ बारसमी जा किट्ठी सुद्धा किट्ठी करेइ सुहुमाओ । एकारसमीएँ ठिओक्कइदिय
 सुहुमाउ किट्ठीओ ॥ २ ॥ बायररागेण कया सुहुमो वेणइ सुहुमकिट्ठीओ । तम्हा सुहुमकसाओ सुहुमो सुद्धप्पयोगप्पा ॥ ३ ॥
 उवसमगो उवसमयइ खवगो णासेइ सुहुमकिट्ठीओ । ते पुण विमुद्धभावा जन्ति दुवे दुविहसेदीओ ॥ ४ ॥ ”

उवसन्तकसायवीयरायछउमत्थे सि-उवसन्ता कसाया जेसि ते भवन्ति उवसन्तकसाया, बीओ रागो जेसि ते

भवन्ति वीयरगा, उवसन्तकसाया य ते वीयरगा य ते उवसन्तकसायवीयरगा, उवसन्तकसाया इति सिद्धे वीयरग-
वयणं अनर्थकमिति चेत् ? न, हेतुहेतुमद्वक्तृत्वात्, को हेतुः ? किं वा हेतुमत् ? उवसन्तकसायवयणं हेतुः, वीयरगसं हेतुमं,
तस्मात् उवसन्तकसायवीयरगा इति, छउमं-आवरणं छउमत्यणानसहचरियत्ताओ छउमत्यववपसो, तस्मि वा चिदृष्टं ति
छउमत्यो, उवसन्तकसायवीयरगा य ते छउमत्या य उवसन्तकसायवीयरग्यछउमत्या ॥

स्त्रीणकसायवीयरग्यछउमत्य स्ति-स्त्रीणा कसाया जेसिं ते भवन्ति स्त्रीणकसाया, वीयो रगो जेसिं ते भवन्ति
वीयरगा, स्त्रीणकसाय इति सिद्धे वीयरगगगहणमनर्थकमिति चेत् ? न अनर्थकं कुतः ? स्त्रीणकसायवयणं कारणद्वयवि-
णानसहचरियत्ताओ, वीयरगवयणं कज्जोवदंसणत्थमिति उभयगगहणं, अहवा णिमित्तनैमित्तिकववपसत्थं, णिमित्तविणासे
नैमित्तिकविणासो भवतीति, छउमत्यणानसहचरियत्ताओ छउमत्य इति, जहा कुन्तसहचरिओ कुन्तो, लट्ठिसहचरिओ
लट्ठि स्ति, तस्मि वा छउमे चिदृष्टं ति छउमत्यो, स्त्रीणकसायवीयरगो य सो छउमत्यो य सो स्त्रीणकसायवीयरग्यछ-
उमत्यो, दोण्हवि लक्खणगाहाओ “ तस्मि उ कसायभावाभावे सुद्धं भवे अहक्खायं । चारित्तं दोण्हपि य उवसन्तस्त्रीणमो-
हाणं ॥ १ ॥ जलमिष पसन्तकलुसं पसन्तमोहो भवे उ उवसन्तो । गयकलुसं जह तोयं गयमोहो स्त्रीणमोहोवि ॥ २ ॥ ण य
रागदोसहेऊ भावा य भवन्ति केइ इह लोगे । ण य खोभयन्ति केइ उवसन्ते स्त्रीणमोहे य ॥ ३ ॥ रागप्पदोसरहिओ
झायन्तो झानमुत्तमं स्त्रीणो । पावइ परं पमोयं घाइतिगं णासिऊण ततो ॥ ४ ॥

सजोगि केवलि स्ति-सह जोगेण वट्ठइ स्ति सजोगी, केवलं अमिस्सं संपुञ्जं वा, किं तं केवलं ? णाणं, तं जस्स
अत्थि सो केवली, सजोगी य सो केवली य सजोगिकेवली ‘अजोगिकेवलि’ स्ति ण अस्स जोगो अत्थिस्ति अजोगी, पत्थ
गाहाओ “ चित्तं चित्तपडणिमं तिकालविसयं तओ स लोगमिमं । पिक्खइ जुगवं सव्वं सो लोगं सव्वभाषन्नु ॥ १ ॥ विरियं

निरन्तराथं भवइ अणंतं तथा य तस्स सया । मणवयणकायसाहिओ केवलणाणी सजोगिजिणो ॥ २ ॥ तो सो जोगिनिरोहं
 करेइ लेसाणिरोहामिच्छन्तो । दुसमयठिइगं बन्धं जोगिनिमित्तं स निरुणद्धि ॥ ३ ॥ समए समए कम्मादाणे सह सन्तयस्मि
 ण य मोक्खो । वेइज्जइ कम्मं पुण ठिइखयाओ उ अज्जिययं ॥ ४ ॥ णो कम्मेहिं विरियं जोग दव्वेहिं भवइ जीवस्स
 । तस्स अवत्थाणेण णु सिद्धो दुसमयठिइबन्धो ॥ ५ ॥ बायरतणूए पुव्वं मणोवईबायरे स निरुणद्धि । आलम्बणाय करणं
 दिट्ठमिणं तथ विरियवओ ॥ ६ ॥ बायरतणुमवि निरुणद्धि तओ सुहुमेण कायजोगेणं । ण निरुज्जए उ सुहुमो जोगो
 सह बायरे जोगे ॥ ७ ॥ सुहुमेण कायजोगेण ततो निरुणद्धि सुहुमवायमणे । भवइ य सुहुमकिरिओ जिणो तथा
 किट्ठिकयजोगो ॥ ८ ॥ णासेइ कायजोगं थूलं सोऽपुव्वफडुगीकिद्धा । सेसस्स कायजोगस्स तथा किट्ठी य स करेति
 ॥ ९ ॥ तमवि स जोगं सुहुमं रुद्धन्तो सव्वपज्जयाणुगथं । ज्ञाणं सुहुमकिरियं अप्पडिवायं च उबयाइ ॥ १० ॥ ज्ञाणे
 इदप्पिए पुण अकिरिवाऊ तणू भवइ दिट्ठा । आणापाणु णिमोहम्मिलविउत्ता अचित्तमिव ॥ ११ ॥ जोगामावाओ
 पुब दुसमयठीतो ण कम्मबन्धो ति । ज्ञाणप्पसंहाइ, तिभागसंकुच्चियनियदेसो ॥ १२ ॥ लेसाकरणनिरोहो जोगिनिरोहो
 य तणुनिरोहेण । अह मणिओ विज्जेओ बन्धविरोहो वि य तहेव ॥ १३ ॥ एसो अजोगिमाओ जोगिनिरोहेण पत्तगुणजामो
 । अप्पडिवायज्जोणी सव्वण्णु सव्वइसी य ॥ १४ ॥ तम्मा ण ऊण मेत्तो सुहुदुवक्काणं जिमं सिधं सातं । पावइ अलङ्क-
 पुव्वं णिब्बाणमलेस्सविप्फम् ॥ १५ ॥ ” ॥ १ ॥ चोइसण्हं गुणहाणणं अत्यनिरुवणा क.वा, इयाणि ते चेव गइयाइम-
 गाणहाणेसु मग्गिज्जन्ति—

सुरनारएसु चत्तारि हुंति तिरिएसु जाण पंचेव । मणुयगईए वि तहा चोइस गुणनामधिज्जाणि ॥ १० ॥

१. तं दिट्ठं तथ विरियवओ. २. अप्पडिवायणाओ.

व्याख्या-‘सुरणारणेसु’ ति गर्ह उवविहहा विरयाह ‘सुरणारणेसु चत्तारि होति’ ति देवनेररणेसु चत्तारि गुणट्टाणाणि मूलिल्लाणि भवन्ति, तेसु विरई णत्थि ति काउं उवरिल्लाणि ण सम्भवन्ति । ‘तिरिएसु जाण पंचेव’ ति तिरियगईए पंचगुणट्टाणाणि मूलिल्लाणि, तेसु सव्वविरई णत्थि ति काउं उवरिल्लाणि ण सम्भवन्ति । ‘मणुयगईए वि तहा चोइसगुणणामवेज्जाणि’ ति मणुस्सगईए चोइसवि गुणट्टाणाणि, कइं ? सव्वे भावा मणुएसु सम्भवन्ति ॥ १० ॥ एवं मग्गणट्टाणेसु णेयव्वं मइसंखित्तत्ति काउं भअइ—

इदिए ति—एगिंदियाईणि पुव्ववणियाणि चोइसवि जीवट्टाणाणि (तेसु) सव्वेसुवि मिच्छादिट्ठी लभ्मइ । बायरेगिंदिय-वित्तिचउअसन्निपंचिदिएसु लखीपज्जत्तगेसु करणेण अपज्जत्तगेसु, सन्निपंचिन्दिएसु करणपज्जत्तीए पज्जत्तगापज्जत्तगेसु, सासायणसम्मादिट्ठी लभ्मइ, लद्धिअपज्जत्तगेसु सव्वत्थ णत्थि । सेसा सव्वेवि सन्निपज्जत्तगमि करणपज्जात्तिए पज्जत्तगमि लभन्ति, णवरि असंजयसम्मादिट्ठी करणपज्जत्तापज्जत्तगेसुवि लभ्मन्ति ॥

काए ति—पुढविआइ जाव तसकाइओत्ति, मिच्छादिट्ठी सव्वेसु वि, बायरपुढविआउपत्तयवणस्सइकाइगेसु लद्धिपज्जत्तगेसु करणअपज्जत्तगकाले चेव सासणो लभ्मइ, तेसु उववज्जति ति काउं, तसेसुवि लद्धिए पज्जत्तगेसु करणपज्जत्तगापज्जत्तगेसु लभ्मति, तसेसु एवं चेव अस्संजयसम्मादिट्ठीवि । सेसा सव्वे तसकायपज्जत्तगेसु करणपज्जत्तीए पज्जत्तगेसु चेव लभ्मन्ति ॥ जोगो अधिकृतः ॥ वेदेत्ति—मिच्छादिट्ठीप्पमिइ जाव अणियट्ठिअद्धाए संखेज्जतिभागमेसं सेसत्ति ताव तिसुवि वेएसु लभ्मन्ति, हेट्ठील्ला सव्वे सवेयगा, उवरिल्ला अवेयगा ॥

कसाय ति—मिच्छादिट्ठीप्पमिइ जाव अनियट्ठिअद्धाए संसेज्जइभागमेव सेसत्ति, हेट्ठिल्ला सव्वेवि कोहमाणमायासु लभ्मन्ति, उवरिल्ला अप्पकसाइणो सव्वे । लोभंमि जाव मुहुमरागस्स चरिमसमओ ति ताव हेट्ठिल्ला सव्वेवि लभ्मति, सेसा अकसाइणो ॥ णाणाणि अधिकृतानि ॥ संजमत्ति—मिच्छादिट्ठीप्पमिइ जाव असंजयसम्मादिट्ठी ताव सव्वे असंजया,

संजयासंजयो एकंमि चेव संजयासंजयट्ठाणे, सामादयछेओवट्ठावणसंजमेसु पर्मत्तसंजमप्पाभिई जाव अणियद्धि त्ति सव्वेवि । परिहारविमुद्धिसंजमे पमत्तापमत्तसंजया, मुहुमसंपराइओ एकंमि चेव मुहुमसंपराइयसंजमट्ठाणे, उवसंताइ जाव अजोगि त्ति सव्वे अहक्कायसंजमट्ठाणे ॥ दंसणमधिकृतं ॥

लेसे त्ति—मिच्छद्दिट्ठीप्पभिई जाव असंजओ त्ति सव्वेवि छमु लेसासु संजयासंजयपमत्तापमत्ता य तेउआइ उवरिल्लित्तिगलेसासु, केइ भणन्ति संजयासंजयपमत्तविरया य छमु लेसासु वट्ठन्ति, अन्ने भणन्ति अच्चंतसंकिलिट्ठस्स वयंभावो णत्थि, अन्ने भणन्ति ववहारओ भवइ, अपुव्वकरणाइ जाव सजोगि त्ति सव्वेवि मुक्कलेसाए वट्ठन्ति, अलेसिओ अजोगी पुट्ठलव्यापाराभावात् ॥ भव्व त्ति—मिच्छाइ जाव अजोगि त्ति सव्वे भव सिद्धिकेसु वट्ठन्ति, अभविकेसु मिच्छद्दिट्ठी वट्ठ, संमत्ताइभावा अभविप्पेसु ण संभवन्ति त्ति उवरिल्ला ण वट्ठन्ति त्ति ॥

संमे त्ति—सम्मद्दिट्ठी खाइगसम्मद्दिट्ठीसु अविरयादि जाव अजोगी, वेदगसम्मत्तं अविरयाई जाव अप्पमत्ते, उव-समसंमत्ते अविरयाई जाव उवसंतकसाओ, मेसा अप्पप्पणो ठाणे ॥ सन्नि त्ति—मिच्छद्दिट्ठियादि जाव खीणकसाओ सव्वेवि सन्निमि, मिच्छद्दिट्ठी सासायणा य असन्निमिवि वट्ठन्ति, सजोगी अजोगी य णो सन्नि णो असन्नि, जओ केवलणाणिणो ॥

आहारे त्ति—मिच्छादिट्ठि जाव सजोगिकेवली ताव सव्वे आहारगेसु लब्भन्ति, मिच्छद्दिट्ठी सासण असंजओ सजोगि-केवली य अणाहारगेसुवि लब्भन्ति, विग्गहे समुग्घाए य । अजोगी अणाहारगो चेव, कहं ? षाक्कायमणोजोगपुग्गलव्यापार-हितत्वात् ॥ गुणट्ठाणाणि मग्गणट्ठाणेसु मग्गियाणि ॥ इयाणि उवओगा गुणट्ठाणेसु भणन्ति—

दोण्हं पंच उ छच्चेव दोसु एकंमि होंति वा मिस्सा । सत्तुवओगा सत्तमु दो चेव य दोसु ठाणेसु ॥ ११ ॥

व्याख्या-‘दोण्ड’ स्ति दोण्डं गुणदृढाणां मिच्छादिदृढीसासणानं पंच पंच उवओगा भवन्ति, तंजहा ? मइअज्ञाणं, सुय-
जज्ञाणं, विभंगणाणं, चक्खुदंसणं, अक्खुदंसणं ति । अन्ने मणन्ति-ओहिदंसणसहिया छ उवओगा । अन्नाणकारणं पुब्बव-
ज्जाणिबं । ओहिदंसणं वित्थं । ‘छवेव दोमु’ स्ति अस्संजयसंजयासंजएसु एएसु दोमु छ उवओगा, तंजहा-आभिणिबोहि-
सुजओहिअक्खुअक्खुओहिदंसणमिति ‘एकंमि होति वा मिस्स’ स्ति सम्मामिच्छादिदृढीमि वा मिस्सा इति, कहं ?
अज्जर, मइअज्ञाणं आभिणिबोहियणाणेण मिस्सियं, सुयअज्ञाणं सुयणाणमिस्सियं, विभंगणाणं ओहिणाणेण मिस्सियं, चक्खु-
अक्खुओहिदंसणं ति मिस्ससदो अ (य) विमुद्धत्ये जहा अद्धविमुद्धा कोहवा ते भुंजमाणस्स जेरिसी सरीरचेदुठा तारिस्स
णाणंति नासुद्धं नात्ययं सुद्धं वा ‘सत्तुओगा सत्तसु’ स्ति पमत्तसंजयाइ जाव खीणकसाओ ताव सव्वेसुवि सत्त सत्त
उवओगा भवन्ति, अस्संजयसम्मदिदृढीस्स पुब्बुत्ता छ ते चेव मणपज्जवणाणसहिया सत्त ‘दो चेव य दोमु ठाणेसु’ स्ति
दो चेव उवओगा दोमु-सजोगिअजोगिदृढाणेसु केवलणाणं केवलदंसणमिति ॥ ११ ॥

गुणदृढाणेसु उवओगा भणिया ॥ इयाणि जोगा वुच्चंति—

तिसु तेरस एगे दस नव जोगा होति मत्तसु गुणेसु । एकारस य पमत्ते (एकमि हुन्ति एकारस) सत्त सजोगे अजोगिके ? २
तेरस चउसु दसेगे पंचसु नव दोसु होन्ति एगारा । एगमि सत्त जोगा अजोगि ठाणं हवइ एगं ॥ १३ ॥

व्याख्या-‘तिसु तेरस’ स्ति तिसु गुणदृढाणेसु मिच्छादिदृढीसासणअसंजयसम्मदिदृढीसु तेरस-तेरस जोगा भवन्ति, तंजहा
अत्तारि मणजोगा, अत्तारि वइजोगा, अत्तारिअलियकायजोगो, ओरालियमिस्सकायजोगो, वेउव्वियकायजोगो वेउव्वियमिस्स-
कायजोगो, कम्मइगकायजोगो स्ति, कम्मइगकायजोगो, अन्तरगइए वट्टमाणं, ओरालियमिस्स वेउव्वियमिस्स य अपज्जत्तग-
याए, सेसा सभाअत्थस्स चउगाइके पदुअ, ‘एगे दस’ स्ति सम्मामिच्छादिदृढीमि दस जोगा, मीसदुग कम्मइगवज्जिया ते

चेव, मरणभावो तन्मात्रेण णत्थि स्ति त्थो एव तिस्रिवि न संभवन्ति । ' णव सत्तसु ' स्ति संजयासंजयअप्पमत्तअपु-
 ष्वकरणाद् जाव खीणकसाओ एएसु सजसु णव-णव जोगा भवन्ति, सम्मामिच्छादिट्ठीस्स जे दस ते चेव वेउव्वियका-
 यजोगराहिया णव भवन्ति, वेउव्वियं एव ण करेन्ति स्ति वेउव्वियकाओगो णत्थि । ' एकंमि हुंति एकारस ' स्ति एकंमि-
 पमत्तसंजयमि एकारस जोगा, पुवुत्ता णव आहारककायजोगमाहारकमिस्सकायजोगसहिया एकारस भवन्ति, आहार-
 गकाओगो आहारगमिस्सकायजोगो य आहारगलद्धिस्साहियस्स संजवस्स आहारगसरीरं उप्पणन्तस्स पमत्तो उप्पाणइ, न
 अप्पमत्तो स्ति तमि एकारस । एत्थ देसविरयप्पमत्ताणं केसिचि वेउव्वियकायजोगो अत्थि स्ति ते पुण एवं पढान्ति
 ' तेरस चउसु दसेगे पंचसु णव दोसु होन्ति एकारा ' स्ति तेरस चउसु ' स्ति-पुढं तिण्हं तेरस तेरस जोगा भणिया,
 चउत्थो पमत्तसंजओ, एकारस ते चेव वेउव्विय (आहारग) दुगसहिया तेरस पमत्तसंजयस्स भवन्ति । दसेगे स्ति भणियं, ' पंचसु
 णव ' स्ति-देसविरयअप्पमत्ते मोत्तूण सेसा पंच तेसु पुवुत्ता णव । ' दोसु होन्ति एकारस ' स्ति देसविरयअप्पमत्ताणं एकारस,
 पुवुत्ता णव वेउव्वियदुगसहिया एकारस देसविरयस्स, ते चेव वेउव्वियआहारगकायसहिया एकारस अप्पमत्तस्स, कहं ?
 वेउव्वियआहारगअन्तकाले पमत्तो अप्पमत्तमावं लभति स्ति काउं ' एकंमि सत्त जोग ' स्ति एकंमि सजोगिकेवल्लिमि
 सत्त जोगा, सच्चमणजोगो, अत्तच्चमोसमजजोगो, एवं वायावि, ओरालियकायजोगो, ओरालियमिक्कसकाओगो कम्मइगकाओग
 इति । मणवाया मोसजुत्ता ण संभवन्ति छउमत्थरहितत्वात् । ओरालियमिस्सकाओगो कम्मइगकाओगो य समुग्घायगयस्स,
 ओरालियकायजोगो सट्ठाणे, सेसा ण भवन्ति । ' अजोगिट्ठाणं इवइ एकं ' ति जोगविरहियं ठाणं एकं अजोगिट्ठाणमेव,
 मनोवाकायरहितत्वात् ॥ १२ ॥ १३ ॥ उवओगा जोगविही य जीवट्ठाणगुणट्ठाणेषु भणिया ।

इयाणि जप्पच्चइओ वन्धो जेसु ठाणेषु तं भजइ—

चउपच्चइओ वन्धो पढमे उवरिमतिगे तिपच्चइओ । मीमग वीओ उवरिमदुगं च देमिकदेममि ॥ १४ ॥

व्याख्या—‘चउपचइओ’ ति चत्तारि पच्चया, तंजहा-मिच्छत्तपच्चओ, भस्संजमपच्चओ कसायपच्चओ, जोगपच्चओ इति । मिच्छत्तं सामन्नेणं पगप्पगारं, विभागओ अणेगविहं, पंगंतामिच्छत्तं, वेणइतमिच्छत्तं, संसयमिच्छत्तं, मूढमिच्छत्तं, विवरी-यमिच्छत्तमिति । अहवा किरियावाओ, अकिरियावाओ, वेणइयवाओ, अन्नाणवाओ य । “असियसयं किरियाणं अकिरिय-वाइण जाण खुलसीई । अन्नाणि य सत्तट्ठी वेणइयाणं च बत्तीसं ॥ १ ॥” अहवा “जावइया णयवाया तवइया चेव होंति परसमया । जावइया परसमया तावइया चेव मिच्छत्ता । १ ॥” पंगंतवाओ मिच्छत्तं ति एए कम्मबंधस्स कारणभूआ । असंजमो अणेगपगारो हिंसाइ, अहवा चक्खुइन्दियविसवाऽमिलासाइ । कसाया पणुवीसइविहा तंजहा-सोलसकसाया, नव नोकसाया इति । जोगा पंचदसप्पगारा पुवं वक्खाणिया । एत्थ आहारगदुगवाज्जिएहिं चउहिंवि सविगप्पेहिं मिच्छइ-ट्ठीम्मि बंधो ‘उवरिमतिनं तिपच्चइगो’ ति उवरिमतिगं सासाणो सम्मामिच्छो अस्संजयसम्महिट्ठी ति एएसु तिसु मिच्छत्तपच्चयवाज्जिएहिं सेसतिगेहिं सविगप्पेहिं आहारगदुगवाज्जिएहिं बंधो भवइ, सव्वेवि तेसु अत्थि ति काउं, णवारि मिस्स कम्मइगजोगो व सम्मामिच्छे णत्थि, अणन्ताणुबन्धिणो उवरिमदुगे णत्थि । ‘मीसग बिइओ उवरिमदुगं च देसे-कदेसम्मि’ ति बिइओ पच्चओ असंजमो सो देसविरइम्मि मिस्सो-अप्पडिपुन्नो, देसओ विरमणमावाओ, उवरिमदुगं णाम कसायजोगा एए दोन्निवि सविगप्पा देसविरयस्स बंधकारणाणि, णवारि अप्पच्चक्खाणावरणओरालिबमिस्स (वेउव्विय) वेउव्विय मिस्सकम्मइगआहारगदुगवाज्जियाणि देसविरए एसि उदओ णत्थि ति काउं, ॥ १४ ॥

उवरिल्लपंचके पुण दु पच्चओ जोगपच्चओ तिण्हं । सामन्नपच्चया खलु अट्ठण्हं होन्ति कम्माणं ॥ १५ ॥

व्याख्या—उवरिल्लपंचके पुण दु पच्चओ ति पमत्ताई जाव मुहुमरागो ति एएसु पंचसु कसायजोगपच्चइगो बंधो, विसेसोऽत्थ भण्णइ, पमत्तस्स कसाया संजलणा, णोकसाया नव एए तेरस, जोगा पुव्वुत्ता तेरस, एएहिं बंधो । अप्पम-त्तस्सवि ते चेव, णवारि वेउव्वियमिस्सआहारयमिस्सवज्जिया एक्कारस जोगा, तेहिं बंधो । अपुव्वाणावि एए चेव, णवारि

वेउम्वाहारगदुगवज्जिया जोगा णव, कसाया तेरस, तेहि बन्धो । अणियाट्टिस्स जोगा णव, कसाया चत्तारि संजलणा, तिन्नि य वेया, एतेहि बन्धो । सुहुमरागस्स जोगा णव, लोमसंजलणो य, एयाहि बन्धो । 'जोगपच्चमो तिण्ह' ति उवसन्त-
स्त्रीणकसायसजोगिकेशलिणं एयासि तिण्ह जोगपच्चमो बन्धो उवसन्तस्त्रीणमोहणं णव णव जोगा तेहि बन्धो । सजोगि
केवलिस्स सत्त जेमा, तकारणो बन्धो । 'सामन्नपच्चया खलु अट्ठहं होन्ति कम्माणं' ति एए मणिया अट्ठण्हं कम्माणं
सामन्नपच्चया अविसेसपच्चया इत्यर्थः ॥ पण पन्नपन्न तियछहियचत्त गुणचत्त छक्कचउसहिया । इज्जुया य वीस सोलस
दस नव नव सत्तहेऊओ ॥ १ ॥ १५ ॥

इदानीं विसेसपच्चयणिरुवणत्थं भन्ने—

पडिणीयअन्तराइयउवघाए तप्पओसनिन्हवणे । आवरणदुगं भूओ बन्धइ अच्चासणाए य ॥ १६ ॥

व्याख्या—'पडिणीय' ति णाणस्स, णाणिस्स, णाणसाहणस्स, पडिणीयत्तणं करेइ पडिकूलया । 'अन्तराइयं' विग्घं,
'उवघाओ' मूलाओ विणासकरणं, 'तप्पओस' ति मणेण तेसि रुसणया, 'णिण्हवणं' ति आयरियणिण्हवणं, सत्थणि-
ण्हवणं, वा, अन्नं च णाणिसंदूसणयाए, आयरियपडिणीययाए, उवज्झायपडिणीतयाए, अकाळसज्झायकरणेण य कालसज्झा-
याकरणेण य, 'आवरणदुगं भूओ बन्धइ' णाणदंसणावरणाणि एयाहि बन्धइ 'भूयो' ति भृंशं तीवं, 'अच्चासणाए य'
ति होलणयाए णाणं अच्चासेइ, आयरियउवज्झाए य अच्चासाएइ, पाणवहाइहि य णाणावरणं कम्मं बन्धइ । दंसणा-
वरणस्सवि एए चेव, णवरि अलसयाए, सोविरयाए, णिदाबहुमन्नणयाए, दरिसणप्पमोसेण, दरिसणपडिणीकयाए, दरिस-
णन्तराइगेण दिट्ठीसंदूसणयाए चक्खुविग्घायणयाए पाणवहाइहि य दंसणावरणं कम्मं बन्धइ ॥ १६ ॥

भूयाणुकम्पवयजोगउज्जओ सन्तिदाणगुरुभत्तो । बन्धइ भूओ सायं विवरीए बन्धए इयरं ॥ १७ ॥

व्याख्या—'भूयाणु' ति भूयाणुकम्पयाए दयालुकत्ताए, धम्माणुरागेणं, धम्मजिस्सेवणयाए, सीलव्यवसोसहोववासर-

तीए, अकोहण्याए, तवोगुणजियमरयाणं कामुयदाणेण, बालबुद्धतवस्सिगिलाणगाईणं वेयावञ्चकरणेण, मायापियाधम्माय-
रियाणं च भत्तीए, सिद्धचेइयाणं पूयाए, सुहपरिणामेणं सायावेयणीयं कम्मं तिव्वं बन्धइ । 'विबरीए बन्धए इयरं'
ति भणियविवरीणहं, तंजहा-णिराणुकम्पयाए, वाहणविहइणदमणवहबन्धपरियावणयाए, अङ्गोवञ्चवेयणाइसंकिंलेसज्जण-
णयाए, सारीरमाणसदुक्खुप्पायणयाए, तिव्वामुभपरिणामेणं णिइयत्ताए, पाणवहाइहिं य असायं कम्मं बन्धइ । 'इयरं'
ति असायावेयणीयं ॥ १७ ॥ इयाणि मोहबन्धस्स कारणं, तत्थ पढमं दंसणमोहस्स भन्नइ—

अरहन्त सिद्ध चेइय तवमुय गुरु माहु संघ पडणीओ । बन्धइ दंसणमोहं अणन्तसंसारिओ जेणं ॥ १८ ॥

व्याख्या-अरहन्ताणं, सिद्धाणं, चेइयाणं, केवलीणं, साहूणं, साहुणीणं, धम्मस्स, धर्मावणसगस्स, तवस्स सव्वन्नुभासियस्स,
सुत्तस्स दुवालसंगस्स गणिपिडगस्स, सव्वभावपरुवगस्स अवन्नवाएणं, चाउव्वणस्स संघस्स अवन्नवाएणं, 'पडिणीओ' ति
पडिणीओ अवन्नवाइ भवइ, अन्नं च उम्मग्गदेसणाए, मग्गविपडिवत्तीए, धम्मियजणसंदूसणयाए, असिद्धेसु सिद्धभावणाए,
सिद्धेसु असिद्धभावणाए, अदेवेसु देवभावणाए, देवेसु अदेवभावणयाए, असव्वन्नुसु सव्वन्नुभावणयाए, सव्वन्नुसु असव्व-
न्नुभावणयाए एवमाइ विवरीयभावसन्निवेसणयाए संसारपरिवद्धणमूलकारणं बन्धइ दंसणमोहं, सम्मदंसणघाइ मिच्छत्तमित्यर्थः ।
'अणन्तसंसारिओ जेणं' ति जेणं अणन्तसंसारिको भवइ ॥ १८ ॥ इयाणि चरित्तमोहकारणं भन्नइ—

तिव्वकसाओ बहुमोहपरिणओ रागदोससंजुत्तो । बन्धइ चरित्तमोहं दुविहंपि चरित्तगुणघाई ॥ १९ ॥

व्याख्या-तिव्वकोहपरिणामो कोहवेयणीयं कम्मं बन्धइ । एवं माणमायालोभरागदोसा य वत्तव्वा । 'बहुमोहपरिणओ' ति
तिव्वमोहपरिणामो मोहवेयणीयं कम्मं बन्धइ । विषयगृह्ण इत्यर्थः । तिव्वरागो, अहमाणो, ईसालुको, अलियवाई, वड्को,
वड्कसमायारो, सढो, परदाररइपिओ य इत्थिवेयणीयं कम्मं बन्धइ । उज्जु, उज्जुसमाचारो, मन्दकोहो, मिउ, महवसम्पन्नो,

सदाररइप्पिओ, अणीसालुको, पुरिसवेयणीयं कम्मं बन्धइ । तिब्बकोहो, पिसुणो, पसूणं बंहछेयणफोडणणिरओ, इत्थिपुरिसेसु
 अणंगमेवणसीलो, सीलव्वयगुणधारीसु पासण्डपविट्ठेसु य वभिचारकारी, तिब्बविसयसेवी य, णपुंसगवेयणीयं कम्मं बन्धइ ।
 हसिणो परिहासउल्लाओ, कन्दप्पिओ, हसावणसीलो य, हासवेयणीयं कम्मं बन्धइ । सोयणसायावणसीलो, परदुक्खवसणसो-
 गेसु य अभिणन्दगो, सोगवेयणीयं कम्मं बन्धइ । विविहपरिकीलणाहि रमणरमावणसीलो, अदुक्खुपायणो य रइवेयणीयं
 कम्मं बन्धइ । परस्स रइविग्धकरणाए, अरइउप्पायणयाए, पावजणसंसंगीरइए य अरइवेयणीयं कम्मं बन्धइ । सयं मयन्तो,
 परस्स य मयउव्वेयं जणयन्तो भयवेयणीयं कम्मं बन्धइ । साहुज्जणदुगुच्छए, परस्स दुगुच्छमुप्पायन्तो, परपरिवायणसीलो दुगु-
 च्छावेयणीयं कम्मं बन्धइ । पत्तेयं पत्तेयं पयडीओ अहिक्किच्च बन्धो भणिओ । इयाणि सामन्नेणं भन्नइ-सीलव्वयसंपन्ने चरणट्ठे
 धम्मगुणरागिणे सव्वजगवच्छले समणे गरहन्तो, तवसंजमरयाणं परमधम्मिकाणं धम्माभिमुहाणं च धम्माविग्धं करेन्तो, जहासत्तीए
 सीलव्वयकलियाणं देसविरयाणं विरइविग्धं करेन्तो, महुमज्जमंसविरयाणं को एत्थ दोसात्ति अविरतिं दुरिसेन्तो, चरित्तसं-
 दूसाणए अचरित्तसंदेसाणए य परस्स कसाए णोकसाए य संजणन्तो बन्धइ चरित्तमोहं कम्मं । 'दुविहंपि चरित्तगुणघाई' ति
 कसायणोकसायवेयणीयं दुविहंपि चरित्तगुणं धातति त्ति चरित्तगुणघाई तं चरित्तगुणघाई ॥ १९ ॥ इयाणिमाउगस्स पच्चओ भन्नइ-

मिच्छद्दिट्ठी महारम्मपरिग्गहो तिब्बलोभत्तिस्सीलो । निरयाउयं निबंघइ पावमई रुहपरिणामो ॥ २० ॥

व्याख्या—'मिच्छद्दिट्ठी' धम्मस्स परम्मुहो, 'महारम्मपरिग्गहो' त्ति जम्मि आरम्मे बहूणं जीवाणं घाओ भवइ सो महारम्मां,
 जम्मि परिग्गहे बहूणं जीवाणं घाओ भवइ सो महापरिग्गहो, 'तिब्बलंभ तिस्सीलो' त्ति निम्मेरपच्चक्काणपोसहोववासो,
 अगिरिख सव्वमत्स्सी निरयाउयं कम्मं बन्धइ । 'पावमई रुहपरिणामो' त्ति । पावमई अमुमचित्तो पत्थरमेयसमाणचित्तो
 त्ति । रोहपरिणामो सव्वकालं मारणाइचित्तो ॥ २० ॥ इयाणि तिरियाउगस्स भन्नइ-

उम्मगदेसओ मग्गनासओ गूढहिययमाइल्लो । सट्ठीलो य ससल्लो तिरियाउं बन्धए जीवो ॥ २१ ॥

व्याख्या—‘उम्मगदेसओ’ ति उम्मगं पन्नवेइ, मग्गथियाणं णासणं करेइ, ‘गूढहिययमाइल्लो’ ति मणसा गूढो, किरियाए माइल्लो, सट्ठीलो णाम वाचा मधुरो, ‘ससल्लो’ ति क्यसालेसु अइयारसहिओ मायावी णालोए ति, पुढविमेयसरिसरोसो, अप्पारम्भो, तिरियाउयं कम्मं बन्धइ ॥ २१ ॥ इयाणि मणुमाउगस्स भन्धइ—

पर्यईअ तणुकसायो दाणरओ सीलसंजमविहूणो । मज्झिमगुणेहि जुत्तो मणुयाउं बन्धए जीवो ॥ २२ ॥

व्याख्या—‘पर्यईअ तणुकसायो’ ति पर्यईअ अप्पकसाओ, पर्यईअ मइग्गे, पर्यईअ विणीओ, जहिं तहिं वा दाणरओ, वालुकराइसरिसरोसो, सीलसंजमरहिओ, ‘मज्झिमगुणेहि जुत्तो’ ति णाइसंकिलिट्ठो, ण विसुद्धो, उज्जु, उज्जुकम्मसमाचारो, मणुमाउगं कम्मं बन्धइ ॥ २२ ॥ इयाणि देवाउमस्स पच्चओ भन्धइ—

अणुवयमहवएहि य बालतवाकामनिज्जराए य । देवाउयं निबन्धइ सम्महिट्ठी उ जो जीवो ॥ २३ ॥

व्याख्या—‘अणुवयमहवएहि’ ति अणुवयगहणेणं पंचणुवयधरो, सत्तसिक्खाणिरओ सावगो । महवयगहणेण उज्जीवनिकायसंजमरओ, तवणियमयम्भचारी, सरागसंजओ । ‘बालतव’ ति अणहियजीवाजीवा, अणुवलद्धसग्गमावा, अन्नाणकयसंजमा, मिच्छदिट्ठिणो गहिया । ‘अकामणिज्जराए य’ ति अकामतण्हाए, अकामच्छुहाए, अकामबंमत्तरेणं, अकामसेयजलपरियावणवए, चारगणिरओहवन्धणाईया, दीहकालरोगिणो य, असंकिलिट्ठा, उइगराइसरिसरोसा, तरुवरसिखरणिवाइणो, अणसणजलजलणपवेसिणो य गहिया, ‘देवाउयं निबन्धन्ति’ एए सव्वे देवाउयं कम्मं बन्धन्ति । ‘सम्महिट्ठी उ जो जीवो’ ति तिरियमणुया अविराहियसुम्मदंसणा अविरयावि देवाउयं निबन्धन्ति ॥ २३ ॥ इयाणि णामस्स पच्चया भन्धन्ति—

मणवयणकायवंको माइल्लो गारवेहि पडिवद्धो । अमुहं बन्धइ कम्मं तण्णडिवक्खेहि मुहनामं ॥ २४ ॥

व्याख्या—‘मण’ ति मनोवाक्काणहि वंको, माई, तिहि गारवेहि पडिवद्धो, तंजहा—“वंका वंकसमायारा, माइल्ला नियडिकुडिला, कूडतुलकूडमाणा, साइजोगिणो दव्वाणं॥१॥”अवन्नाणं च वन्नकरणेणं, वन्नवेन्ताणं अवन्नकरणेणं, अगंघाणं गंधकरणेण, परवन्नेणसी-
लयाए, सुवन्नमणिरजतादीणं पगइविउव्वणाए, ववहारकरणाईसु विसंवायणसीलयाए, परेसि अंमोवंगविणासणाए, परवेहविरुव-
करणेणं परासूययाए, पाणवहाईहिं य असुभ णामं बन्धइ । ‘तप्पडिक्कन्नेहिं सुह णामं’ ति तव्विवरीएहिं गुणेहिं जुत्तो उज्जुओ
अविसंवायणसीलोय सुह णामं बन्धइ ॥ २४ ॥ इयाणि गोयस्स पच्चया भन्नान्ति—

अरहन्ताइसु भत्ती सुत्तरुई पयणुमाणगुणपेही । बन्धइ उच्चागोयं विवरीए वन्धए इयरं ॥ २५ ॥

व्याख्या—‘अरहन्ताइसु’ ति अरहंतभत्तीए, सिद्धभत्तीए, चेइयभत्तीए, गुरुमहत्तराणं भत्तीए, पवयणभत्तीए य जुत्तो,
सुत्तरुई, सव्वन्नुभासियं सिद्धंतं पढइ पढावेइ य, चिन्तेइ य, घण्णणेइ ति । अहवा सुत्ते वुत्तमत्थं तथा सदहइ । ‘पयणुमाणो’
ति जाईए कुलेण वा रुवेण वा, वल्लसुयआणाइस्सरियतवे वा जुत्तो वि ण मज्झई ण परं णिन्दइ, ण परं खिसइ, ण परं हीलेइ,
ण परपरिवायसीलो य ‘गुणपेहि’ ति सव्वेसि गुणमेव पेक्खइ, किमहं, अग्ने बह्वे गुणाहिया सन्तीति ण माणगाव्विओ
हवइ, गुणाहिकेसु णीयावत्ती, कुसलो ‘बन्धइ उच्चागोय’ ति एवं गुणसंपज्जुत्तो उच्चागोयं कम्मं बन्धइ । विवरीए वन्धइ
णीयन्ति, अरहन्ताइसु भत्तो एवमाइ भणियविवरीएहिं गुणेहिं जुत्तो णीयागोयं वन्धइ ॥ २५ ॥ इयाणिमन्तराइयस्स भन्नाइ—

पाणवहाईसु रओ जिणपूआमोक्खमग्गविग्घकरो । अज्जेइ अन्तरायं न ल्हइ जेणिच्छियं लाभं ॥ २६ ॥

व्याख्या—‘पाणवहाईसु रओ’ चि पाणाइवाएणं जाव महारम्मपरिग्गहेण जुत्तो, ‘जिणपूआमोक्खमग्गविग्घ-

१ ‘म’ क. २ ‘विषन्नकरणेणं’ ‘विवरीयाए’ इति क. ३ ‘विउप्पायणया’ सि. प्र. पा. ‘विउघायणया’ क. ४ ‘भू.’ क.
५ ‘सुत्तभती’ क.

करो' ति जिणपूयाप मोक्खमग्गट्ठियाणं च विग्घकरो । अहवा साहूणं भत्तपाणउवगरणओसहमेसजं वा दिज्जमाणं पडिसेहेइ, सव्वसत्ताणपि दाणलाभमोगपरिमोगविग्घं करोइ, परस्स विरियमवहरइ, परं गलाबन्धणणिरोहाईहिं णिच्छेदुं करोइ, कण्णणासजीहछेयणाईहिं इन्द्रियबलणिग्घायकरणेहिं पाणवहाईहिं य अज्जेइ अन्तराइयं । 'ण लहर जेणिच्छियं लाभं' दाणलाभमोगपरिमोगविग्घज्जणयं बलविरियणिग्घायकरणं च अन्तराइयं कम्मं बन्धइ, जेण इच्छियं लाहं न लभइ ॥२६॥ सामन्नविसेसपच्चया भणिया । इयाणि जेसु ठाणेषु बंधइ ति एयं भन्नइ—

बंधट्ठाणा चउरो तिन्नि य उदयस्स होन्ति ठाणाणि । पंच य उदीरणाए संजोगं अउ परं वोच्छं ॥

छसु ठाणगेषु सत्तट्ठविहं बन्धन्ति तिसु य सत्तविहं । छविहमेगो तिन्नेगबन्धगाबन्धगो एगो ॥ २७ ॥

व्याख्या—'छसु ठाणगेषु सत्तट्ठविहं बन्धन्ति' ति अट्ठकम्माणि णाणावरणाईणि, छसु ठाणकेसु सत्तविहं अट्ठविहं वा बन्धन्ति, मिच्छादिट्ठी सासणअसंजयसम्मदिट्ठी संजयासंजयपमत्तसंजयमपमत्तसंजया य एणसु छसु ठाणेषु वट्टमाणा आउगबन्धकालं मोत्तुणं मेसं सव्वकालं सत्तविहं बन्धन्ति, आउगबन्धकाले ते चैव अट्ठविहं बन्धन्ति, सव्वे आउगं बन्धन्ति ति काउं । 'तिसु य सत्तविहं' ति सम्मामिच्छदिट्ठी, अपुव्वकरणो, अणियट्ठी य, आउगवज्जाओ सत्त-कम्मपगडीओ बन्धन्ति । सम्मामिच्छदिट्ठी तेण भावेण ण मरइ ति आउगं ण बन्धन्ति, अपुव्वकरणो अणियट्ठी य अच्चन्त-विसुद्ध ति काउं । 'छविहमेगो' ति एगो सुहुमरागो आउगमोहवज्जाओ छ कम्मपगडीओ बन्धइ, बायरकसायाभावातो मोहणीयं न बन्धइ ति । आउगस्स वुत्तं । 'तिन्नेगविहं (बंधगा)' ति तिन्नि उवसन्त खीण सजोगि केवलि य एगविहं बन्धइ वेयणियं, मेसाणं कसाओदयाभावात् बन्धो णत्थि, सजोगिणो ति काउं वेयणीयस्स बन्धो भवइ । 'अबन्धगो एगो' ति अजोगि-केवलिस्स जोगाभावाओ बन्धो णत्थि ॥ २७ ॥ इदानीं उदओ वुच्चइ—

मत्तद्विहच्छन्धगावि वेपन्ति अट्टगं नियमा । एगविहच्छन्धगा पुण चत्तारि व मत्त वेपन्ति ॥ २८ ॥

व्याख्या—‘सत्तद्विहच्छन्धगावि वेपन्ति अट्टगं नियमं’ इति सत्तद्विहच्छन्धगा अट्टविहच्छन्धगा छन्धिहच्छन्धका य सन्धे अट्टविहं पि कम्मं वेपन्ति, कम्हा? सन्धेवि मोहस्स उदए वट्टन्ति’ इति काउं । ‘एगविहच्छन्धगा पुण चत्तारि व मत्त वेपन्ति’ इति एकविहच्छन्धका तिप्पि, तेसु उवसन्नखीणमोहा य सत्त वेपन्ति इति, कम्हा? मोहस्स उदयाभावाओ, तन्भावपरिणामोत्ति काउं । सजोगिकेवली चत्तारि वेपइ, कम्हा? घाइकम्मकखयाओ केवली जाओ इति काउं । घा शब्दात् अयन्धकावि य चत्तारि वेपन्ति ॥ २८ ॥ इदानीं उदीरणं इति—

मिच्छद्दिट्ठिप्पभिइ अट्ट उदीरन्ति जा पमत्तो इति । अट्टावलिया सेसे तहेव मत्तेवुदीरन्ति ॥ २९ ॥

व्याख्या—‘मिच्छद्दिट्ठिप्पभिइ अट्ट उदीरन्ति जा पमत्तो’ इति मिच्छाइ जाव पमत्तसंजओ सन्धेवि अट्टविहं उदीरन्ति, कम्हा? तप्पाओगज्झवसाणसहियं इति काउं । ‘अट्टावलिया सेसे तहेव मत्तेवुदीरन्ति’ इति अण्यणो आउगद्धाए आवल्लिना सेसे सत्त उदीरेन्ति, कम्हा? आउगं आवल्लियागतं ण उदीरेन्ति इति काउं । एत्थ सम्मामिच्छद्दिट्ठिस्स आउगस्स आवल्लियपवेसामावाओ अट्टविहा चेव उदीरणा, आउमस्स अन्तामुहुत्तमेसे सम्मामिच्छत्तं छुइइ इति ॥ २९ ॥

वेयणियाऊवज्जे लक्कम्म उदीरयन्ति चत्तारि । अट्टावलियासेसे सुहुमो उदीरेइ पञ्चेव ॥ ३० ॥

व्याख्या—‘वेयणीआउग’ इति वेयणीयं आउगं च मात्तूणं सेसाणि लक्कम्माणि ताणि चत्तारि गुणा उदीरन्ति, अपमत्त अपुव्वकरण अणियाट्ठि सुहुमरागा य, विसुद्धत्वात् वेयणीआउगाणं उदीरणा नत्थि इति, तप्पाओगज्झवसाणाभावात् । ‘अट्टावलियासेसे सुहुमो उदीरेइ पञ्चेव’ इति सुहुमसंपराइगद्धाए आवल्लियासेसे तहेव मोहवज्जाणि कम्माणि पञ्च उदीरेन्ति, कम्हा? मोहणिज्जं आवल्लिकापविट्ठं ण उदीरेति इति काउं ॥ ३० ॥

वेयणियाउयमोहे वज्ज उदीरेन्ति दोन्नि पंचेव । अद्धावलियासेसे नामं गोयं च अकसाई ॥ ३१ ॥

व्याख्या—‘वेयणियाउग’ स्ति वेयणियाउगमोहबल्लाणि पञ्च, ‘दोन्नि’ स्ति उवसन्तखीणकसाया उदीरेन्ति, मोहस्स उदयो णत्थि (त्तिकाउं) अद्धावलिकासेसे णामं गोयं च अकसाई’ स्ति खीणकसायद्धाए आवलिकासेसे णामं गोयं च खीणकसाओ उदीरेइ । कम्हा ? णाणदंसणावरणन्तराइगाणि आवलिगापविद्धाणि ण उदीरेन्ति स्ति काउं ॥ ३१ ॥

उईरेइ नामगोए लक्कम्मविवज्जिया सजोगी य । वट्टन्तो य अजोगी न किञ्चि कम्मं उदीरेइ ॥ ३२ ॥

व्याख्या—‘उदीरेइ णामगोए लक्कम्मविवज्जिया सजोगी’ स्ति सजोगिकेवली णामगोत्ताणि चेव उदीरेइ, आउगवेयणिज्जाणं उदीरणाभावाओ, मेसाणं चउण्हं उदयाभावात् । ‘वट्टन्तो य अजोगी ण किञ्चि कम्मं उदीरेइ’ चउण्हं अघाइकम्माणं उदए वट्टमाणोवे ण किञ्चि कम्मं उदीरेइ, जोगाभावाओ ॥ ३२ ॥ इयाणि तिण्हंपि संजोगो स्ति—

अणुईरन्त अजोगी अणुहवइ चउव्विहं गुणविसालो । इरियावहं न वन्धइ आसन्नपुरक्खडो सन्तो ॥ ३३ ॥

व्याख्या—‘अणुदीरन्त’ स्ति उदीरणाविरहओ अजोगिकेवली चउव्विहं वेणइ अघाइणि, इरियावहं ण बंधइ जोगाभावाओ जोगपच्चइगं ण वन्धइ, कम्हा ? ‘आसन्नपुरक्खडो सन्तो’ स्ति सन्तो-मोक्खो, सो आसन्नोत्ति काउं ॥ ३३ ॥

इरियावहमाउत्ता चत्तारि व सत्तं चेव वेदेन्ति । उईरन्ति दुन्नि पञ्च य संसारगयम्मि भयणिज्जा ॥ ३४ ॥

व्याख्या—‘इरियावहमाउत्त’ स्ति जोगपच्चइगबन्धसहिया तिन्निवि ‘चत्तारि व सत्तं चेव वेदेन्ति’ स्ति उवसंतखीणमोहो य सत्तं वेणन्ति, सजोगिकेवलि चत्तारि वेणइ । वा सद्धो मेयदरिसणत्थं ‘उदीरेन्ति दोन्नि पञ्चेव’ स्ति ते चेव जोगपच्चय-वन्धसहिया दो उदीरेन्ति सजोगिकेवली, खीणकसायो जाव आवलिकावमेसे ताव पञ्च उदीरेन्ति, आवलिकावमेसे दो

उदीरेइ। उवसन्तकसाओ सव्वद्धासु पंचव उदीरेइ। 'संसारगयम्मि भयणिज्ज' ति* उवसन्तकसाओ संसारम्मि भयणि-
ज्जो ति लद्धं बोहिलाभं भयणिज्जो विणासेइ वि ण विणासेइ वि ॥ ३४ ॥

छप्पञ्च उदीरिन्तो बन्धइ सो छविहं तणुकसाओ। अट्ठविहमणुहवन्तो सुक्कज्झाणा डहइ कम्मं ॥ ३५ ॥

व्याख्या—'छप्पञ्च' ति 'तणुकसाओ' सुहुमरागो, सो छविहं बन्धइ, छविहं पञ्चविहं वा उदीरेइ, आवलि-
कावसेसे पञ्चविहं उदीरेति, मेसकाले छविहं। अट्ठविहमणुभवन्तो सव्वद्धासु अट्ठविहं चेव वेणइ 'सुक्कज्झाणा डहति कम्मं'
ति मोहणिज्जकम्मं 'डहइ' विणासेइ 'सुक्कज्झाणग्गहणं किं णिमित्तं इति चेत्? भन्नइ, मेढीए धम्मसुक्कज्झाणाइं सविगप्पाइं
अविरुद्धाइ' ति तद्वोधनार्थं तु सुक्कज्झाणग्गहणं ॥ ३५ ॥

अट्ठविहं वेयन्ता छविहमुईरन्ति सत्त बन्धन्ति। अनियट्ठी य नियट्ठी अप्पमत्तजई य ते तिन्नि ॥ ३६ ॥

व्याख्या—'अट्ठविहं वेयन्ता' ति अट्ठविहंपि कम्मं वेणन्ति, आउगवेयणियवज्जाणि छकम्माइं उदीरन्ति, आउगवज्जाणि
सत्त बन्धन्ति, अनियट्ठी य नियट्ठी अप्पमत्तजई य ते तिन्नि। अप्पमत्तो अट्ठविहंपि बन्धइ तं च किं ण मणियं इति चेत्?
भन्नइ, अप्पमत्तो आउगबन्धाढवणं ण करेइ, पप्पत्तेण आढणं बन्धइ ति तस्सुयणत्थं न मणियं ॥ ३६ ॥

अवसेसट्ठविहकरा वेयन्ति उदीरगावि अट्ठहं। सत्तविहगा वि वेइन्ति अट्ठगमुईरणे भज्जा ॥ ३७ ॥

व्याख्या—'अवसेस' ति मणियसेसा जे अट्ठविहबन्धका मिच्छाइ जाव पप्पत्तसंजओ ते सव्वे अट्ठविहं वेणन्ति, अट्ठ-
विहं चेव उदीरेन्ति। कम्हा? आउगबन्धकाले आवलिकासेसं आउगं ण भवइ ति काउं। 'सत्तविहगावि वेइन्ति अट्ठगं' ति
ते चेव मिच्छादिट्ठिणो पप्पत्तन्ता सत्तविहबन्धकाले ते सव्वे अट्ठविहं णियमा वेणन्ति। 'उईरणे भज्ज' ति उदीरणं पडुब
सत्तविहं वा उदीरेन्ति, अट्ठविहं वा जाव अप्पप्पणो आउगस्स आवलिकावसेसे ताव अट्ठविहं उदीरन्ति। आवलिकापण्डिडे

आउगस्स सत्तविहं, आउगस्स उद्दीरणाभावेत्त । एत्थ सम्मामिच्छदिट्ठी सत्तविहवन्धगो एव नियमा अट्ठविहं वेयति उद्दीरेइ य, कम्हा ? तेज भावेण न मरइ ति काउं, मयणिस्ससहेण गहिओ । संजोगो मणिओ ॥ ३७ ॥ इयाणि बन्धविहाणे ति दाए पत्तं, सो चउव्विहो, पगइबन्धो, ठितिवन्धो, अणुमागबन्धो, पपमबन्धो इति । तत्थ पगइबन्धो पुब्बं भग्गइ, तं णिमित्तं मूलत्तरपगइसमुक्खित्ता किज्जत्ति तजहा—

णाणस्स दंसणस्स य आवरणं वेयणीय मोहणीयं । आउय नामं गोयं तहंतरायं च पयडीओ ॥ ३८ ॥

पञ्च नव दोन्नि अट्ठावीसा चउरो तहं व बायाला । दोन्नि य पञ्च य भणिया पयडीओ उत्तरा चेव ॥ ३९ ॥

व्याख्या—‘णाणस्स’ ति ‘पञ्च’ ति पयाओ दोवि गाहाओ जुगधं वक्खाणिज्जन्ति । पढमियाए गाहाए मूलपगइणं णिहेसो । बिइयाए तेसि चेव उत्तरपगइणिरुवणं भग्गइ । तत्थ पगइ दुविहा, मूलपगइ, उत्तरपगइ य । तत्थ मूलपगइ अट्ठविहा, णाणा-
वरणिज्जं, दंसणावरणिज्जं, वेयणिज्जं, मोहणिज्जं, आउगं, णामं, गोयं, अन्तरायगमिति । जीवो अणेगपज्जायसमुदओ दब्बं, तस्स णाणदंसणसुहुक्खसदहणचारित्तजीवियं देवमवादिउच्चणीयदानलद्धियादओ अणेगविहा धम्मा पज्जाया । तत्थ अत्थावबोहो णाणं अभिगमो तं आवरेइ ति णाणावरणीयं भास्कराप्पाद्यावरणवत्, तस्सावरणमेया पञ्च, तजहा आमिणिबो-
हियणाणावरणिज्जं सुयओहिमणपज्जवकेवलणाणावरणीयमिति । तत्थाभिणिबोहियं—अभि ति आमिमुख्ये, निः इति नियमे, बोहो—अवगमो, आमिमुख्येन नियतविसयावबोधो आमिणिबोधो, किं तं आमिमुख्यं ? जुत्तसन्निकरिसाविसयावत्थियाणं रुवा-
ईणमत्थाणं गहणमामिमुख्यं, चक्खुरादिइंदियं पइ नियतविसयाणं ग्रहणमिति निययं, अवबोहो अवगमो अभिणिबोहो पगट्ठं, अभिणिबोह एव आमिणिबोहियं, पञ्चिन्दियमणोछट्ठाणं उगहादओ चत्तारि चत्तारि अत्था, धंजणावग्गहो चउण्हं इंदियाणं चक्खिदिग्गमणोवज्जाणं, तेहिं ग सुयाणुसारेण घडपडसंखाइविन्नाणं । तमामिणिबोहियं अट्ठावीसइविहं वत्तीसइविहं

छत्तीसतिसयविहं वा । कहं ? उग्गाहाइमेपहिं २८. उप्पादिया वेणइया कम्मिया पारिणामियबुद्धिपक्खंवे ३२. बहु-बहुविध-
 क्षिप्र-निसुत-मंदिग्ध-धुवंः मेत्तरं गुणनात् ३३६, तं आवरेइ त्ति आभिणिबोहियणाणावरणं, चक्खिन्दियस्सेव पडलाइं । सुय-
 णाणं हि आभिणिबोहियणाणपुव्वगं कहं ? आभिणिबोहियणाणेण तमत्थं चक्रवुराइकरणसंणिज्जेणं अखगम्म तज्जाइयदेस-
 कालविलक्खणमणेगमद्दुमुवलम्भइ त्ति सुयं । भोत्रविषयं भुतं “इदियमणोणिमित्तं जं विन्नाणं सुयाणुसारेण । णियगत्थु त्ति
 समत्थं तं भावसुयं मई सेमं ॥ १ ॥” इदियमणोणिमित्तं सुयाणुसारेण अणेगमेयं जं विन्नाणमुप्पज्जइ तं सुयणाणं, अहवा
 संपयकालविसयं मइणाणं तिकालविसयं सुयणाणं ति । धारणे तिकालविसयं सुयणाणं ति धारणातिकालविसया इति खेत ?
 अणागए काले अणवबोहाओ, इदियमणोणिमित्तं सुयक्खराणुसारेण अणेगमेदं जं विन्नाणमुपज्जइ तं सुयणाणं, तं णाणं आवरेइ
 त्ति सुयणाणावरणीयं । तं वीसतिविहं, तंजहा-“पज्जयअक्खरपयसंघाया पडिवत्ति तह य मणुओगो पाहुडपाहुड पाहुड वत्थु
 पुव्वा य ससमासा ॥ १ ॥” पज्जायावरणीयं पज्जायसमासावरणीयं, एवं नेयव्वं, अहवा “जावन्ति अक्खराइं अक्खरसंजोय-
 ज्जत्तिया लोए । एवइया पगडीओ सुयणाणे होन्ति णायव्वा ॥१॥” । अखधिमैर्यादायां तेण णाणं ओहिणाणं तस्स सक्खा पोग्ग-
 लद्व्वेसु तस्संणिज्जेण दव्वस्सेत्तकालभाषाणमुवल्लि, अहवा अहोगयपभूयपोग्गलदव्वजाणणासितमज्जायवावारो वा अवही,
 इदियमणोणिरवेक्खं अणावरियजीवप्पएससखओवसमणिमित्तं साक्षाज्जेयमाहि अखधिज्ञानं, तं आवरेइ त्ति ओहिणाणावरणं, तस्स
 असंखेज्जलोगागामप्पएसमेत्ताओ पगडीओ णाणमेयावि तत्तिया चेव । मणपज्जवणाणं ति मणसो पज्जाया मणपज्जाया, कारणे
 कार्यं व्यपदेशः, यथा सालयो भुज्यन्त इति, तेसु णाणं मणपज्जवणाणं । तहव सुद्धा जीवप्पएससा परिच्छिन्दति, ते पुग्गले
 णिमित्तं काउण तीयाणागयवट्टमाणे पलिओवमासंखेज्जइभागपच्छाकडपुरेक्खडे भावे जाणइ माणुसं खेतंतो वट्टमाणे, ण
 परओ । तं दुविहं, उज्जुमई, विडलमई य, उज्जुमई ते पोग्गले अवलम्बित्ता रज्जुरिव मालाबद्धे अत्थे जाणइ, विडलमई
 पक्काओ चेव बहवो पज्जाया जाणइ, तं आवरेइ त्ति मणपज्जवणाणावरणीयं । तं दुविहं, उज्जुमईमणपज्जवणाणावरणीयं,

विउलमइमणपञ्चवणाणावरणीयं चेति । केवलणाणं ति केवलं सुखं, जीवरस निस्सेसावरणकल्प, अहवा सव्वदम्बपञ्जायस-
कळावबोधनेन वा केवलं सकलं अञ्चंतखाइगं केवलणाणं तं आवरेइ ति केवलणाणावरणीयं । तं च सव्वघाह, सेसाणि चत्तारि वि
देसघाईणि सामन्नं णाणमिति । जहा मुट्ठी पंचंगुलीसु, दक्खो वा खधसाहाइसु, मोदगो वा घयगुलसमिदादिसु । णाणावरणं
समेयं मणियं ॥ इयाणि दंसणावरणीयं दर्शनमात्रियतेप्पेनेति दर्शनावरणीयं, अक्खिपटलघत् । दंसणावरणीयस्स णव पयडीओ, तं-
जहा-णिहा, णिहाणिहा, पयला, पयलापयला, यिणगिद्धी पंचमा, चक्खुदंसणावरणीयं, अचक्खुदंसणावरणीयं, ओहिदंसणावर-
णीयं, केवलदंसणावरणीयमिति । तत्थ मूलिल्लाणि पंच आवरणाणि लद्धीणं दंसणलद्धीणं उवघाए वट्टन्ति, उवरिल्ला चत्तारिवि
दंसणलद्धिमेव घायन्ति । “सुहपडिबोहा णिहा णिहाणिहा य दुक्खपडिबोहा । पयला होइ ठियस्सवि पयलापयला य चंकमओ
॥१॥ यिणगिद्धी उदयाओ महाबलो केसवद्धबलसरिसो । भवइ य उक्कोसेणं दिणचिन्तियसाहगो पायं (रस्ति दिणचिन्तियत्य-
करो) ॥२॥” चक्खुणा दंसणं चक्खुदंसणं चक्खुरिदिपण करणभूएण जीवो चक्खुदंसणावरणीयकम्मखमोवसमावेक्खा
चक्खुदंसणपरिणओ भवइ । “जं सामन्नगहणं भावाणं णेव कट्टु आगारं । अदिसेसिऊण अत्थे दंसणमिइ वुच्चए समए ॥१॥”
चक्खिन्दियसामन्नत्यावबोहो चक्खुदंसणं । सेसिन्दियमणो सामन्नत्यावबोहो अचक्खुदंसणं । ओहिणाणेण सामन्नपयत्यगहणं
ओहिदंसणं । केवलणाणेण सामन्नपयत्यगहणं केवलदंसणं । चक्खिन्दियलद्धिघाह चक्खिन्दियावरणं, जेण चउरिन्दियाइसु
तं ण वट्टति । एवं सेसिन्दिओवघाह अचक्खुदंसणावरणीयं, मणोवि जेसिं न सम्भवति तेसिं तहेव जेसिं चउरिन्दियाइणं
णत्थि तेसिंपि विज्जमाणिन्दियसंभावेण भासियव्वं ॥ इयाणि वेयणीयं ति दव्वाइकम्मोदयमभिसमेच्च अणेगमेयमिन्नं सुह-
दुक्खं अप्पा वेणइ अणेण ति वेयणीयं । तं दुविहं, सायवेयणीयं, आसायवेयणीयं च । सारीरमाणसं जस्सोदया सुहं वेणइ
तं सातं, तन्वियरीयमसायं । इयाणि मोहणिज्जं ति कारणकम्मोदयावेक्खो जीवो मुज्झइ अणेणेति मोहो । तं दुविहं, दंसण-
मोहणिज्जं, चरित्तमोहणिज्जं च । दंसणमोहणिज्जं बन्धन्तो एगविहं बन्धइ मिच्छत्तं चेव । सन्तकम्मं पडुच्च ति विहं तं जहा-

मिच्छत्तं सम्मामिच्छत्तं सम्मत्तमिति । तिण्हंवि अत्थो पुव्वुत्तो । चरित्तमोहणिज्जं दुविहं, कसायवेयणिज्जं, णोकसायवेय-
 णिज्जं च । कसायवेयणिज्जं सोलसविहं, तंजहा-अणन्ताणुबन्धिकोहमाणमायालोभा, एवं अपच्चक्खाणावरणा, एवं पच्च-
 क्खाणावि, कोहसंजलणा, माणसंजलणा, मायासंजलणा, लोभसंजलणा य । णोकसायवेयणिज्जं णवविहं, तंजहा-पुरिसवेओ,
 इत्थिवेओ, णपुंसगवेओ, हासं, रई, अरई, सोगो, भयं, दुगच्छा इति । जस्स कम्मस्स उदएण मोहं गच्छइ यथा-मद्यपीत-
 इत्पूरकभक्षितपित्तोदयव्याकुलीकृतज्ञानक्रियापुरुषवत् । दंसणतिगस्स अत्थो पुव्वुत्तो मिच्छत्तोदिन्नपुरिसस्स मतिश्रुतावधयश्च
 विपर्ययं गच्छन्ति, यथा-विपरिमिश्रमन्त्रमौषधं वा । चारित्रं क्रियाप्रवृत्तिलक्षणं तस्य मोहं करोतीति चारित्रमोहनीयं । अणन्ताणि
 भवाणि अणुबन्धन्ति जीवस्येति अणन्ताणुबन्धिणो, तेसि उदएणं सम्मत्तं पि ण पडिवज्जइ, किं पुण चारित्तं । पडिवज्जोवि
 तेसि उदएणं दंसणं चारित्तं च चयइ, मिच्छत्तं चैव गच्छइ । अप्पं पच्चक्खाणं देसविरई, तमप्पमवि पच्चक्खाणं
 आवरयंति, किं पुण सच्चं ति, तेण अपच्चक्खाणावरणा बुच्चन्ति । तेसि उदए वट्टमाणो देसविरइपि ण पडिवज्जइ त्ति,
 पडिवज्जोवि परिवडइ । पच्चक्खाणं सच्चविरई, तमावरन्ति तेण पच्चक्खाणावरणा बुच्चन्ति, तेसि उदयाओ सच्चविरति
 ण पडिवज्जइ, पडिवज्जोवि परिवडइ । सच्चपावविरयमपि जइ संज्वलयन्ति त्ति संजलणा बुच्चन्ति, संजलणाणं उद-
 याओ अहक्खायचारित्तं ण लभति अकयायमित्यर्थः, सुविशुद्धं स्थानं वा न प्राप्नोति, प्राप्नो वा तदुदयात् मली-
 मसीभवति । णोकसाया कयायैः सह वर्तन्ते, नहि तेषां पृथक्कामार्थमस्ति, जे कसायोदये दोसा तेऽपि तद्योगात्
 तदोषा एव, अणन्ताणुबन्धिसहचरिता ते अणन्ताणुबन्धिसहावं पडिवज्जंति, तग्गुणा भवन्ति त्ति भणियं होइ । एवं सेसक-
 सायहिवि सह वक्तव्यं पूर्ववत्, संसर्गजाः णोकसाया तद्देसवर्त्तिनः तम्हा एएवि चरित्तं मोहेत्ता जहा कसाया तहा चरि-
 त्तघाइणो भवन्ति । इत्थिमि अमिलासो पुरिसवेदोदएण जहा सिमोदए अम्माइसु । इत्थिवेओदएण पुरिसामिलासो पित्तो-
 दए मधुरामिलाषवत् । नपुंसगवेओदयाओ इत्थिपुरिसदुग्गमहिलमति धातुद्वयोदीर्णे मज्जिकादिद्रव्यामिलाषिपुरुषवत् ।

हासोदयाभो सणिमित्तमणिमित्तं वा हसद् रंगगतनटवत् । सोगोदयाभो परिदेवनहननादिं करोति । सोमानसो विकारः
 रतिः प्रितिः, बाह्याभ्यन्तरेषु वस्तुषु विषयेन्द्रियादिषु । एतेष्वेषाप्रतीतिररतिः । मयं त्रासो, उद्वेगः । दुर्गच्छा शुभाशुभेषु
 द्रव्येषु जुगुप्सा विचिकित्सा व्यलीकता । एवमेते सोलस णव य पणवीसं चारित्तमोहणिज्जं । मिच्छत्तेण सह छव्वीसं ।
 सम्मत्तमीसेहिं समं भट्ठावीसं । सम्मत्तसम्मामिच्छाई मिच्छत्तपगइ त्ति काउं दंसणमोहणिज्जं भण्णइ ॥ इयाणि आउगं ति
 आनीयन्ते शेषप्रकृतिसप्तकविकल्पाः तस्मिन्नुपभोगार्थं जीवस्य कांस्यपाध्याधारे शाल्योदनादिव्यञ्जनविकल्पानेकभोज्यवत्,
 आनीयते वाग्नेन तद्भवान्तर्भाविप्रकृतिगुणसमुदयः तदैकत्वेन रज्ज्ववबद्धेक्षुयष्टिभारकवत्, शरीरं वा तेनावबद्धमास्ते यावदा-
 युष्कं णिगलबद्धपुरुषवत्, तेण आउगं भण्णइ त्ति । तं चउव्विहं, तंजहा-णिरयाउगं, तिरियमणुयदेवाउगमिति । णेरइगाणमा-
 उगं णिरयाउगं एवं सर्वत्र । इयाणि णामं ति णामयति परिणामयति णिरयाइभावेणेति णामं, अह्वा णामेइ जं जीवप्रदेशान्तर्भावि-
 पुद्गलद्रव्यविपाकसामर्थ्यात् संज्ञां लभते तन्नाम, कर्मपदेन वाक्येन वा समाहृत्य तत्सम्बधात् नीलशुक्लादिगुणोपेतद्रव्यस-
 मादिग्व चित्रपटादिद्रव्यव्यपदेशादिशब्दप्रवृत्तिवत् । णामकम्मस्स बायालीसं पिडपगडीओ, तंजहा-गइणामं जाइणामं
 सरीरनामं सरीरसंघायनामं सरीरबंधणनामं सरीरसंठाणनामं, सरीरअंगोवंगसरीरसंघयणवन्नगंधरसफासआणुपुव्विअगुरुल्लुग-
 उवघायपराघायउस्सासआयावुज्जोअविहायगइतसथावरबायरसुहुमपज्जत्तगअपज्जत्तगपत्तेयसाहारणसरीरधिरअधिरशुभअशुभसु-
 भगदुभगसुस्सरदुस्सरआपज्जअणापज्जजसकित्तिअजसकित्तिणिम्माणतित्थगरणामं चेति । पिडपगइ त्ति मूलभेओ गम्म-
 तीति गति । जति गम्मइ त्ति गई तो जीवेण सव्वे पज्जवा गम्मंते तम्हा सव्वपज्जवाणं गइप्पसंगो ? ण,
 विसेसियत्ताओ गइपज्जवेण अप्पा तं णामकम्मोदयाभिमुहो परिणमइ गच्छतीति वा गती । “ णिरयगइतिरियमसुमं
 विसेसओ मणुयदेवसुमउ त्ति । जीवो उ चाउरन्तं गच्छइ तम्हा गई तेणं । १ । ” सा चउव्विहा, णिरयगई तिरियमणुय-
 देवगई । णिरयाणं गई णिरयगई, नारकगइ त्ति तत्संज्ञां लभते, तत्सम्बन्धात् । एवं सर्वत्र ॥ जातिनामं ति-सेव्वसि

तज्जाहयाणं जं सामन्नं ति सा जाइ बुच्चइ, एगिन्दियत्तं सव्वेगिन्दियाणं सामन्नं जाइ । एवं सर्वत्र । अत्राह-फासिन्दियावरणस्स
 कम्मस्स खओवसमेणं एगिदिओ भवइ, एत्थ णामं उदइओ भावो ति तम्हा एगिदियत्तं न घडइ ? उच्यते, सच्चं, फासिन्दि-
 यावरणस्स खओवसमेणं एगिन्दियल्लखी जइ तस्स जाइणामं ण होज्जा तो एगिन्दिओ ति संज्ञां न लभते, तम्हा संज्ञाकारणं
 यत्कम्मं तन्नामोच्यते । तस्स जाइणामस्स कम्मस्स पञ्च पगईओ तंजहा-एगिन्दियवेइन्दियतेइन्दियचउरिन्दियपञ्चिन्दिय-
 जाइणामं ति ॥ सरीरं ति सीर्यत इति सरीरं तस्स उत्तरपगईओ पञ्च, तंजहा-ओरालियवेउव्वियआहारगतेजइगकम्मइग-
 सरीरणामं ति । उदारं बृहदसारं तं णिप्पन्नमोदारिकं, असारथूलदव्ववग्गणाकारणसमारब्धं, ओरालियं तप्पाओग्गपोग्गलग्गहण-
 कारणं जं कम्मं तं ओरालियसरीरणामं, पोग्गलविवागि पोग्गलग्गहणकारणमित्यर्थः । एवं सर्वत्र । विविधगुणरिद्धिसंपत्तं
 वेउव्वियं, यैस्तदारब्धं ते पोग्गला विविहगुणरिद्धिशक्तिप्रवितधम्मणः विकरणारब्धं वैकुब्बिकमिति । शुभतरशुक्लविरुद्ध-
 द्रव्यैः शरीरं प्रयोजनायाहियते इति आहारकं । तेज इत्यग्निः, तेजोगुणोपेतद्रव्यसमारब्धं तेजसमुष्णगुणं तमेव जया उत्तर-
 गुणेहि लखी समुप्पज्जइ तदा रोसाबिद्धो णिसिरइ, जहा गोसालो, जस्स ण संभवइ लखी तस्स सवतमुदइएई(मोदनार्ह)आहा-
 रपाचकं । कम्मइगं सव्वकम्मआधारभूतं, जहा कुण्डं बदइएणं, सर्वकर्मप्रसवसमर्थं वा यथा बीजं अंकुरादीनां । एसा उत्तरप्रकृतिः
 सरीरणामकम्मस्स पृथगेव कम्मएकसमुदायभूतादिति । पोग्गलरचनाविशेषः संघातः, तेहि चैव गहियाणं पोग्गलाणं जस्स
 कम्मस्स उदयाओ सरीररचना भवइ तं संघायणामं ॥ पोग्गलेसु विवागो जस्स सो य पञ्चविहो, तंजहा-ओरालियसरीर-
 संघायणामं वेउव्वियआहारगतेजसकम्मइगसरीरसंघायणामं, लेप्पकरचनादिविशेषरूपवत् सरीरपञ्चकस्य संघातः ॥ बन्धणं
 ति-गहियघेप्पमाणाणं पोग्गलाणं अन्नसरीरपोम्भलेहि वा समं बन्धो जस्स कम्मस्स उदयणं भवइ तं बन्धणणामं ।
 सो पञ्चविहो तंजहा-ओरालियवेउव्वियआहारगतेजसकम्मइगसरीरबन्धणणामं ति, विद्यते तत्कर्म यन्निमित्ताद् द्रव्यादि-
 संयोगापत्तिराविर्भवति यथा काष्ठद्वयभेदैकत्वकरणाय अनुकारणं । एवं जत्तियाणि जत्थ सरीराणि सम्भवन्ति तेसि

बन्धनं भासियन् । अवद्धं हि ण संघायमावज्झइ, वालुकापुरुषशरीरवत्, विस्मिष्टतृणादिवद्वा । अहवा बन्धनणामं पन्नरसविहं तंजहा—ओरालियओरालियसरीरबन्धनणामं, ओरालियतेजइकओरालिकम्मइगओरालियतेयकम्मइगसरीरबन्धनणामं । एवं वेउव्विसरीराणं ४ । एवं आहारगसरीराणं ४ । तेजइगतेजइगं तेजइगकम्मइगं कम्मइगकम्मइगं चेति । जेण पुव्वगहियाणं वट्टमाणसमयगहियाणं च सह बन्धनं कज्झइ तं ओरालियओरालियसरीरबन्धनणामं । एवं सर्वत्र ॥ संठाणं ति—संस्थानमाकृतिविशेषः, तेषु चेव गहियसंघाइयपविट्ठेसु पोग्गलेसु संस्थानविशेषो यस्य कर्मणः उदयात् भवइ तं संठाणणामं । तं छव्विहं, तंजहा—समच्चउरंसंठाणणामं णग्गोहंसंठाणं साइसंठाणं खुज्जसंठाणं वामणसंठाणं हुण्डसंठाणमिति । मानोन्मानप्रमाणान्यन्यूनातिरिक्तान्यङ्गोपाङ्गानि यस्मिच्छरीरसंस्थाने तत्संस्थानं समच्चतुरस्रं, स्वांगुलाष्टसतोच्छ्रयाङ्गोपाङ्गनिर्मितलेप्यकवत् । णामीतो उवरि सव्वावयवा समच्चउरंसलक्खणा अविसंवादिणो, हेट्ठाओ तदनुखं ण भवति तं णग्गोहं । णामीहेट्ठाओ सव्वावयवा समच्चउरंसलक्खणा अविसंवादिणो उवरि तदनुखं ण भवइ तं सादि । गीवाओ उवरि हत्था पाया य आइलक्खणजुत्ता संखित्तविकृतमज्झकोष्ठं कुज्जं । लक्षणयुक्तं कोष्ठं ग्रीवाद्युपरि हस्तपादयोश्चादिन्यूनलक्षणं वामनं । कुज्जमेतद्विपरीतं । हस्तपादाद्यवयवा बहुप्रायाः प्रमाणविसंवादिनो तं हुण्डमिति । “ तुलं वित्थरबहुलं उस्सेहवहुं च मडहकोट्ठं च । हेट्ठिलुकायमडहं सव्वत्थासंठियं हुंडं ॥ १ ॥ ” अंगोवंगं ति—अंगाणि उवंगानि य अंगोवंगानि जस्स कम्मस्स उदणं णिव्वत्तन्ते तं अंगोवंगणामं । “ दो हत्था दो पाया पिट्ठी पेट्ठं उरं च सीसं च । एए अट्ठङ्गा खलु अङ्गोवङ्गाणि सेसाणि ॥ १ ॥ ” यत्कम्मोदयादेवविधा निवृत्तिरिति । तं तिविहं उरालियशरीरअङ्गोवङ्गं वेउव्वियशरीरअङ्गोवङ्गं आहारगसरीरअङ्गोवङ्गमिति । एगिन्दियवज्जेसु सेसेसु सम्भवन्ति ॥ संघयणं ति—अतिवन्धनं, तं छव्विहं, तंजहा—वज्जरिसहनारायसंघयणं वज्जनारायनारायअद्धनारायकीलियाअसंपत्तसेयवट्टसंघयणमिति । मर्कटवन्धसंस्थानीयः उभयपार्श्वयोरस्थिवन्धो यस्य तं णाराचं, ऋयमं पट्टः वज्रं कीलिका, वज्रं च ऋयमं च

नाराचं च यस्यास्ति तं वज्रपेभनाराचसंहननं, मर्कटपट्टकीलिकारचनायुक्तं प्रथमं । मर्कटकीलिकायुक्तं द्वितीयं । मर्कट-
संयुक्तं तृतीयं । मर्कटकेशदेशबन्धेन द्वितीयपार्श्वे कीलिकासंबद्धं चतुर्थं । अङ्गुल (अस्थि) द्वयसंयुक्तस्य मध्यकीलिका एव दत्ता
एतं कीलिकासंहननं । असंपत्तसेवट् अस्थीनि चर्मणि निकाचितानि केवलमेवेति । एवंविधाऽस्थिसंघातकारिसंहनननाम
औदारिकशरीरविषयमेव संहन्यमानानां कपाटादीनां लोहादिपट्टरचनाविशेषोपकारिद्रव्यवत् संहननं ॥ वण्णणामं ओरालि-
याइसु सरीरेसु जस्सोदयाओ कालादिपञ्चविहवण्णणिप्फत्ती भवइ, जहा चित्तकम्माइसु तव्विधवण्णा समारब्बेसु कारणा-
णुरुववण्णणिप्फत्तिवत् । तं पञ्चविहं, तंजहा-कण्हणीललोहियहालिइसुक्किल्लणामं ॥ गन्धो त्ति तेसु चेव शरीरेसु
सुगन्धया दुगन्धया वा जस्स कम्मस्स उदणं भवइ तं गन्धणामं । तं दुविधं, सुगन्धिणामं दुगन्धिणामं च । रसो त्ति
तेसु चेव सरीरपोग्गलेसु तित्ताइरसविसेसो जस्स कम्मस्स उदणं भवइ तं रसणामं । तं पञ्चविहं, तंजहा-तित्तरसणामं
कटुकणामं कसायणामं अम्बिलणामं महुरणामं चेति ॥ फासो त्ति-तेसु चेव पोग्गलेसु कक्खडमउकाइफासो जस्स कम्मस्स
उदणं पाउम्भवइ तं फासणामं । तं अट्ठविहं, तंजहा-कक्खडफासणामं मउगगुरुअलहुगणिअरुक्खसीयओसिणनामं
चेति । एयाइं सरीरसंघायबन्धणार्हणि जाव फासन्ताणि गहिणसु ओरालियाइसु पोग्गलेसु विवाकं देन्ति ॥ आणु-
पुव्वि त्ति-आणुपुव्वी णाम परिवाडी, कासिं ? सेढीणं, तासिं अणुसेढिगमणं जस्स कम्मस्स उदयाओ भवइ ते अणु-
पुव्विणामं, अंतरगइए वट्ठमाणस्स जा उवग्गहे वट्ठइ, यथा-जलचरस्स गइपरिणयस्स जलं सा आणुपुव्वी । गई दुविहा,
उज्जुगई वक्कगती य, जत्थ उज्जुगती तत्थ पुव्वाउगेणेव गच्छइ, गन्तूण उववत्तिट्ठाणे पुरेक्खडमाउगं गेण्हइ । वक्क-गई कोप्प-
रलांगलगोमुत्तिलक्खणा, एकद्वित्रिसमइका । ताए पुण गच्छन्तो जत्थ वट्ठुमारभते तत्थ पुरेक्खडमाउगं गेण्हउण तं
वेण्हइ, तत्थ य ठक्कामाणुपुव्वीए उदओ भवइ । उज्जुभाते समओ, तम्मि ण य आणुपुव्वीए ण य पुरेक्खडाउगुदउत्ति ॥
अगुल्लहु त्ति-ओगुरु णोलहु णोगुल्लहु अगुल्लहु । जस्सोदयाओ अगुल्लहुत्तं सन्वेसिं जीवाणं अप्पप्पणो

सरीरं ण गुरुगं ण लहुगं अगुरुलहुगं । अगुरुलहुगं पञ्चविहंपि सरीरं णिच्छयाओ गुरुगं लहुगं गुरुलघु वा ण भवइ,
 किंतु अन्नोन्नावेक्खाए तिञ्जिवि सम्भवन्ति । उवघायं ति-जस्सोदएण परेहि ऋणेगहा घाइज्जति । पराघाओ-जस्सोदयाओ
 जीवो अणेगहा परं हणइ । उस्सासो जस्सोदयाओ उसासणीसासया भवति । आयवणामं तपणं तपो मर्यादया तप आतपः
 तं जस्सोदयाओ भवइ तं आयवणामं । आइच्चमण्डलपुढविकाइए चेव विपाको, णणत्थ । उज्जोयणामं उद्योतनं उद्योतः
 प्रकाशः अणुसिणो पक्कामो जस्सोदयाओ भवइ तं उज्जोयणामं, सज्जोयगाईणं, ण पुण अग्निस्स, फासोउत्तिणणामाओ रुवं
 लोहियणामं ति ॥ विहायगई चड्डुमणं गमणं विहाओगई एगट्ठा, णेरइगतिरियमणुयदेघाणं जस्सोदएणं गमणं भवइ तं
 विहायगइणामं । तं दुविहं पसत्थविहायगई अपसत्थविहायगई य, तत्थे पसत्थविहायगई गमणं हंसगजवसभादीणं,
 अपसत्थविहायगई य उट्टोलसिगालादीणं ॥ तस्स णामं जस्सोदयाओ फन्दइ चलइ गच्छइ ॥ थावरणामं जस्सोदयाओ ण
 फन्दइ ण चलइ । सुहुमतसे तेजघाऊ मोत्तणं तेसि थावरोदएवि सरीरसभावाओ देमन्तरगमणं भवइ ॥ बायरणामं थूलं
 जस्सोदयाओ थूलया भवइ सरीरस्स तं बायरणामं ॥ सुहुमं सूक्ष्मं जस्सोदयाओ सुहुमता भवति सरीरस्स तं सुहुमणामं ।
 ण चक्खुग्गाहं, तं पडुच्च अन्नोन्नवेक्खायाओ वा बायरसुहुमता ॥ पज्जत्तणामं जस्सोदयाओ णिव्वत्ति गच्छइ आपाकप्रक्षि-
 सनिर्वृत्तघटवत् तं पज्जत्तणामं ॥ अपर्याप्तं अनिप्पन्नध्वंसि अर्द्धपक्खिनपटवत् जस्सोदयाओ णिप्पत्ति न गच्छइ ॥ पत्तेगं
 ति-न सामान्यं, जस्सोदयाओ एको जीवो एकं सरीरं णिव्वत्तेइ, तं प्रत्येकं, यथा-देवदत्तयत्तदत्तादीनां पृथग्गृहवत् ॥
 साहारणं ति-सामान्यं जस्सोदयाओ बहवो जीवा एगं शरीरं णिव्वत्तयंति, यथा-देवदत्तादयो सामान्यं देवकुलं । धिरणामं
 यदुदयाच्छरीरावयवानां स्थिरता भवति यथा-शिरोऽस्थिदन्तानां । अस्थिरनाम तदवयवानामेव मृदुता भवति यथा-नासि-
 काकर्णत्वचादीनां । शुभाशुभं शरीरावयवानामेव शुभाशुभता, यथाशिर इत्यादयः शुभाः तैः स्पृष्टस्तुप्यति, पादेन स्पृष्टो रुप्यति
 तेऽशुभाः । सुभगं दुभगं कमनीयः सुभगः मनसः प्रियः, इतरो दुर्भगः । सुस्सरदुस्सरं बेइन्दियाइयाणं सहो सरो येनोच्चारितेन

प्रीतिरूपयते सा सुस्मरता, तद्विवरिया दुस्मरता । आपज्जं प्रमाणीकरणं आपज्जकमोदयाओ जं तरस्सचेट्ठियं जं वा तस्स
 वयणं तं सव्वं मणुपहि पमाणीकिज्जइ, जहा-जमणेण कयं तं अम्हं पमाणं ति, मध्यस्थमनुजवचनभरं मनुजचेष्टितवत्, (मध्य-
 स्थमनुजवचनक्रियानुकूल्येनेतरमनुजचेष्टितवत्) विपरीतमणापज्जं । अथवा आदेयता श्रद्धेयता शरीरगता, तद्विवरीयमनादेयमिति ।
 जसकित्ति कीर्त्तनं संशब्दनं कीर्त्तिः, यशः इति वा शोभनमिति वा एकार्थः, यशसा लोके कीर्त्तनं यशःकीर्त्तिः । तत्पुनः केन
 संसद्दं ? पुण्यशौर्यसत्क्रियानुष्ठानाचलितरवाध्यायध्यानशोभनार्थावलम्बनात् संसद्दं कीर्त्तनं यशःकीर्त्तिकर्मविपाकाद्भवति
 अथवा यश इति इहलोके वर्त्तमानस्य परलोगगतस्यापि (वा) यद्यशः सा कीर्त्तिरिति । तद्विवरीयमयशःकीर्त्तिः । निम्माणं
 ति-निम्माणं सव्वजीवाणंपि अपपणो सरीरावयवाण विभ्रासणियमणं जेण भवइ तं निम्माणणामं, जहा-मणुस्साणं दो इत्था दो
 पाया उरोसिराइविभ्रासो, एवं सेसजीवाणंपि, जहा वट्टइ अणेगकलाकुसलो पासायाइसु शास्त्रासिद्धलक्षणान् (णेन) निम्माणेइ
 तथा निम्माणंपि । तित्थयरणामं जस्स कम्मस्स उदणं सदेवासुरमणुस्सलोकरस्स अच्चियपूइयवन्दियणमंसिण धम्मतिथ्यङ्गरे जिणे
 केवली भवति तं तित्थयरणामं । नामं भणियं ॥ इयाणि गोत्तं ति-गच्छइ जविो उच्चाणीयं जातिमिति गोयं । तं दुविहं, उच्चागोत्तं
 नीयागोयं च, अज्ञाणीवि विरुवोवि अधणोवि जइमत्तादेव पूइज्जइ तं उच्चागोत्तं । पंडिओवि सुरुवोवि धणवन्तोवि सव्वकला-
 कुशलोवि निन्दिज्जइ उवहसिज्जइ अवमाणिज्जइ तं नीयागोत्तं ॥ इयाणि अन्तराइगं ति-अन्तरे एइ व्यवधानं गच्छइ अणेण जीवस्स
 दाणाइपज्जयस्स दाणाइविग्घपज्जएणेति अन्तराइगं । तं पञ्चविहं, दाणलाभभोगपरिभोगधरियन्तराइयमिति । तत्थ दाणन्तराइगं
 णाम दव्वपडिग्गाहकसन्निकेवि दिन्नं महफलं ति जाणतोवि दायव्वं ण देइ जस्स कम्मस्स उदणं तं दाणन्तराइगं । सव्वकालं
 सव्वेसि देन्तोवि जस्स ण देइ तस्स तं लाभन्तराइगोदओ । एकस्सि भोत्तुण छइज्जइ तं उवभोगं मल्लाइगं, तं विज्जमाणं-
 पि जस्स कम्मस्स उदणं ण भुंजइ जहा-सुबन्धू, तं उवभोगन्तराइगं, परिभुंजइ पुणो पुणो भुज्जति तं परिभोगं स्त्रीवस्त्रा-
 विकं, सन्निरियंपि जस्स कम्मस्स उदणं ण भुंजइ जहा-सुबन्धू, एतं परिभोगन्तराइगं । वीर्यं शक्तिः चेष्टा उत्साहः जो

समत्थोवि निरुज्जोवि तरुणोवि अप्यबलो भवइ जरस्स कम्मरस्स उदपणं पतं वीरियन्तराहं । तस्स सव्वोदओ पगिन्दिपसु
तओ उत्तरं कमेण खओवसमविसेसेण वेइन्दियाणं वीरियदुइढी ताव जा दुच्चरिमसमयछउमत्थोत्ति, केवलम्मि सव्वक्खओ ॥
एवं पगइसमुक्किताणा पगईणं अत्थविवरणा य कया ॥ एत्थ बन्धं पडुच्च धीसुत्तरं पगइसतं गहियं, तंजहा-णाणावरणाणि ५,
वंसणावरणाणि ९, सायासायं २, छब्बीसं मोहणिज्जं सम्मत्तसम्माभिच्छत्तवज्जं, आऊणि ४, गति ४, जाति ५, पंचसरी-
राणि य सरीरबन्धणसंघायणाणि सरीरगहणेण गहियाई, संठाणइसंघयणइअज्जेवङ्गइवअगन्धरसफासमेयवज्जाणि,
आणुपुब्बोओ ४, अगुरुलहुउवघायपराघायउरसासआयावउज्जोयविहायरेतस्सथावराइवीसं णिम्माणं तित्थयरमिति उच्चं
णीयं च अन्तराहगाणि त्ति ॥ ३८ ॥ ३९ ॥ इयाणि मूलुत्तरपगईणं बन्धपडुच्च साइअणाइयपरुवणा भन्नइ—

साइअणाई धुवअज्जुवो य बन्धो य कम्मलकरस्स । तइए साइयवज्जो [सेसो] अणाइधुवसेसओ आऊ ॥ ४० ॥

व्याख्या—‘साइअणाइ’ साइयं णाम जरस्स बन्धस्स आई अत्थि सह आइणा वट्टइ त्ति साइओ बन्धो । जरस्स बन्धस्स
सन्तति पडुच्च आई णत्थि सो अणाइओ बन्धो, जरस्स बन्धस्स वोच्छेओ नत्थि सो धुवो बन्धो । जरस्स बन्धस्स परिनिष्ठानमस्ति
अन्त इत्यर्थः सो अधुवो बन्धो । एएणं अत्थपएणं णाणावरणवंसणावरणमोहणिज्जणामगोयअन्तराहगाणं एएसिं छण्हं कम्माणं
बन्धो साइओवि अणाइओवि धुवोवि अधुवोवि सम्भवइ । कहं ? भन्नइ, मोहवज्जाणं पञ्चण्हं कम्माणं सुहुमसम्पराइगस्स
जाव चरिमसमओ ताव सव्वे हेट्ठिला सययबन्धगा । उवसन्तकसायस्स तेसिं कम्माणं बन्धो णत्थि तओ भवक्खएण ठिइक्ख-
एण वा परिवडियस्स पुणो बन्धो भवइ, ततो पभित्ति साइको बन्धो । उवसन्तट्ठाणं अप्पत्तपुव्वस्स अणाइओ बन्धो, बन्धस्य
आद्यभावात् । धुवो अभवियाणं, बन्धवोच्छेदाभावात् । अधुवो भवियाणं बन्धवोच्छेओ णियमा होहि त्ति काउं । एवं मोहणि
ज्जेवि भावणा । णवरि बन्धवोच्छेओ अणियट्ठिचरिमसमए वत्तव्वो । ‘तइए साइयवज्जो’ [सेसो] त्ति तइयं ति-वेयणिज्जं तस्स

સાઈગં મોત્તૂણ સેસા તિન્નિ સમ્મવન્તિ । કહં ? મન્નઈ, વેયણિજ્ઞસ્સ સજોગિકેવલિચરિમસમણ વન્ધવોચ્છેઓ, તત્તા હેટ્ઠિહા સચ્ચે નિયમા વન્ધન્તિ, અજોગિસ્સ વન્ધવોચ્છિન્ને પુણો વન્ધો નત્થિ ત્તિ કાઉં સાઈઓ નત્થિ । સેસતિકભાવનાપૂર્વવત્ । ‘અણાધુવસે-સઓ આઉં’ ત્તિ આઉગસ્સ અણાદિતં ચ ધુવં ચ મોત્તૂણ સેસાણિ ત્રે સમ્મવન્તિ, આઉગસ્સ અપ્પપ્પણો આઉગતિભાગે વન્ધાદ્ધવણં તં સાઈયં, અન્તોમુહુત્તાઓ પુણો ફિટ્ઠઈ ત્તિ અધુવો, તમ્હા અણાદિકધુવાણ સમ્મવો નત્થિ ॥ ૪૦ ॥ ઇયાણિ ઉત્તરપગઈણં—

ઉત્તરપયડીસુ તહા ધુવિગાણં વન્ધવોચ્છિન્ને ય । સાઈ અધુવિયાઓ સેસા પરિયત્તમાણીઓ ॥ ૪૧ ॥

વ્યાખ્યા—‘ઉત્તરપગડીસુ તહા’ ઉત્તરપગડીસુ સત્તચત્તાલીસં ધુવવન્ધીઓ, તંજહા-પંચનાણાવરણ, નવ દંસનાવરણ, મિચ્છત્તં, સોલસ કસાયા, મયં દુગંચ્છા તેજદગકમ્મદગવન્નગન્ધરસફાસઅગુરુલહુઉવધાયણિમ્માણં પચ્ચઅન્તરાઈકમિતિ । અપ્પસિં સત્તચત્તાલીસાણ ચત્તારિવિ ભાવા અત્થિ । કહં ? મન્નઈ, પંચનાણાવરણં ઉવરિલ્લુચત્તારિદંસનાવરણં પંચનહમન્ત-રાઈગાણં સુહુમસરાગસ્સ ચરિમસમણ વન્ધવોચ્છેઓ, હેટ્ઠિહા નિયમા વન્ધકા, ઉવસન્તકસાયસ્સ વન્ધો નત્થિ, તઓ પરિવડન્તસ્સ સાદિકાદયો યોજ્યાઃ પૂર્વવત્ । ચઉપહં સંજલણાણં અણિયટ્ઠમ્મિ વન્ધવોચ્છેઓ, તઓ ભાવેયવ્વં । ણિદ્ધા-પયલાણં તેજદકકમ્મદકવન્નાઈઅગુરુલહુઉવધાયણિમ્માણમયદુગંચ્છાણં જહકમેણં અપુવ્વકરણમ્મિ વન્ધવોચ્છેઓ, તતો ભાવે-યવ્વં । પચ્ચક્ષાણાવરણાણં ચઉપહં દેસવિરયમ્મિ વન્ધવોચ્છેઓ, તતો પરિવડન્તસ્સ સાઈયાદયો યોજ્યાઃ પૂર્વવત્ । અપ્પચ્ચ-ક્ષાણાવરણાણં ૪ અસંજયસમ્મદ્દિટ્ઠિમ્મિ વન્ધવોચ્છેઓ, તઓ ભાવેયવ્વં । થીણગિદ્ધિતિગમિચ્છત્તાણન્તાણુવન્ધીણં મિચ્છ-દિટ્ઠિસ્સ ઉવસમસમ્મત્તં પઢિવન્નસ્સ વન્ધવોચ્છેઓ ભવઈ, તઓ પરિવડન્તસ્સ ભાવેયવ્વં । ‘સાઈઅધુવિયાઓ સેસા પરિ-યત્તમાણીઓ’ ત્તિ પરાવૃત્ય પુણો પુણો વન્ધઈ ત્તિ પરિયત્તમાણીઓ, તંજહા-સાયાસાયં, તિન્નિ વેયા, હાસરઈઅરઈસોગજુગલં, ચત્તારિ આઉગાણિ, ચત્તારિ ગઈઓ, પચ્ચ જાઈઓ, ઓરાલિયવેડવિચ્ચઆહારગસરીણિ, હસંઠાનાણિ, તિન્નિ અંગોવંનાણિ,

छसंघयणाणि, चउरो आणुपुब्बीओ, पराघाय, ऊसास, आयव, उज्जोय, दो विहायगइओ, वीसं तसथावरार्हतिथकर-
उच्चाणीयामिति ७३ एते परस्परविरुद्धत्वात् जुगवं ण बन्धति ति परियत्तमाणीओ, पराघायउत्सासा पज्जत्तगणामए सह
बन्धइ ति, न अपज्जत्तगणामए एएण परित्तमाणीओ, आयवुज्जाआणि एगेंद्रियतिरियगईण सम्मं बज्जंति ति परित्तमाणीओ,
तीत्थगराहारगनामाणि सम्मत्तसंजमपघयाणि, न सव्वेसि ति तेण परियत्तमाणीओ । एएसि सव्वेसि साइओ अधुवो य बन्धो
॥ ४१ ॥ साइयाइपरुवणा कया । इयाणि पगइट्ठाणभूओगाराइपरुवणा भन्नइ—

चत्तारि पयडिठाणाणि तिन्नि भूयगारअप्पतरगाणि । मूलपगडीसु एवं अवट्ठिओ चउमु नायवो ॥ ४२ ॥

व्याख्या— चत्तारि पयडिठाणाणि 'मूलपगईणं चत्तारि पगइट्ठाणाणि बन्धमेदा इत्यर्थः । तंजहा-अट्ठविहं. सत्तव्विहं,
छव्विहं, एगविहं, अट्ठवि कम्मपगडीओ बन्धमाणस्स अट्ठविहं पगइट्ठाणं, आउगवज्जं तमेव सत्तविहं, आउगमोहवज्जं बन्ध-
माणस्स तमेव छव्विहं. एगं चिय वेयणीयं बन्धमाणस्स एकविहं ति । 'तिन्नि भूयगारअप्पतरगाणि ति' भूयोकारं
णाम थोवाओ बन्धमाणो बहुकाओ बन्धइ । अप्पतरं णाम बहुकाओ बन्धमाणो थोवाओ बन्धइ । 'अवट्ठिओ चउमु
नायवो' ति अवट्ठिओ बन्धो णाम जत्तियाओ पढमसमए बन्धइ तत्तियाओ चेव बिइयसमयाइसु बन्धइ । एएसि अत्थो
इमो एगविहं बन्धमाणो छव्विहाइ बन्धइ ति तिन्नि भूओकारा, एसो एकसमइओ पडिवत्तिकाले. सेसकालं अवट्ठियबन्धो ।
अट्ठविहाओ सत्तविहाइगमणं अप्पतरबन्धो, सो वि एकसमइओ. तिप्पगारो य. सेसकालं अवट्ठिओ । एवमवट्ठियबन्धो चउ-
विगणो अट्ठविहाइसु ॥ अवत्तव्वबन्धो अबन्धाओ बन्धगमणं. मूलपगईसु णत्थि. मूलपगईणं सव्वबन्धे वोच्छिद्रे पुणो
बन्धो णत्थि ति काउं । उक्तं च— 'एकादहिगे पढमो एकादी ऊणगम्मि विइओ उ । तत्तियमेत्तो तइओ पढमे समए
अवत्तव्वो ॥१॥ ' ति ॥ ४२ ॥ मूलपगईणं भूओकाराणि भणियाणि इयाणि उत्तरपगईणं भन्नन्ति—

तिन्नि दस अट्ट ठाणाणि दंसणावरणमोहनामाणं । एत्थ य भूओकारो सेसेमेगं हवइ ठाणं ॥ ४३ ॥

व्याख्या— तिन्नि दस तिन्नि दस अट्ट ठाणाणि पगइट्टाणाणि जहासंखेण दंसणावरणमोहनामाणं ति । 'एत्थ य भूओकारो' एएसु चं व कम्मएसु भूओकारादओ चत्तारि । 'सेसेमेगं हवइ ठाणं' ति सेसाणं कम्मपगईणं एकेकं चं व पगइट्टाणं । दंसणावरणीयस्स तिन्नि पगइट्टाणाणि तंजहा-णवहिं वं छव्विहं चउव्विहं ति । सव्वपगईणं समुदओ णवविहं थोणत्तिगविरहियं तमेव छव्विहं, णिदाहुगरहियं तमेव चउव्विहं । एत्थ य वे भूओकारा दोन्नि अप्पतराणि अवट्ठियबंधाणि तिन्नि, अवत्तव्वमे(दु)गंति सव्वबंधवोच्छेए जाए पुणो बंधइ अवत्तव्वगबंधो । मोहणिज्जस्स दस पगइट्टाणाणि । तंजहा-बावीसा, एकवीसा, सत्तरस, तेरस, णव, पंच, चत्तारि । तिन्नि, दो, एक ति । एएसि विवरणा जहा सत्तरीए । एत्थ भूओकाराणि नव । अप्पतराणि अट्ट । कहं ? बावीसाओ एकवीसगमणं णत्थि, मिच्छादिट्ठी सासणभावं ण गच्छइ ति । एकवीसाओ वि सत्तरसबंधगमणं णत्थि, सासणो समत्तं ण पडिवज्जइ, जियमा मिच्छत्तं गच्छइ ति, तम्हा बावीसाओ सत्तरसाइगमणं अत्थि । अवट्ठियबंधा दस । अवत्तव्वगो(गा) एको(दो) । जामकम्मस्स पगइट्टाणाणि अट्ट । तंजहा-तेवीसा, पणुवीसा, छव्वीसा, अट्ठावीसा, एगुणतीसा, तीसा, एकतीसा, एगं चेति । एएसि विवरणा जहा सत्तरीए । एत्थ भूओकाराणि सत्त । पणुवीसाइएगतीसपज्जवसाणाणि, एकाओवि एकतीसाए जाइ ति भूओकारा सत्त । अप्पतराणि णाणाजीवे पडुब्ब सत्त, एकतीसाइ तेवीसंताणि, एकतीसाओ तीसगमणं देवत्तं गयस्स, तओ चयंतस्स एगुणतीसगमणं, अट्ठावीसाइतो एकगमणं, सामन्नजीवाणं तीसाओ तेवीसंतगमणं, तम्हा सामन्नं सत्त अप्पतराणि । अवट्ठियाणि अट्ट । अवत्तव्वगमे(तिगं) बाणावरणीयवेयणीयआउगोयअंतराइगाणं एकेके पगइट्टाणं । बंधं पडुब्ब एकं अवट्ठियं । वेयणीयवज्जाणं अवत्तव्वगबंधो एको ॥ ४३ ॥ एवं भूओकारबंधाणि वक्खाणियाणि इयाणि बंधसामित्तं भजइ--

सवासि पगईणं मिच्छदिट्ठी उ बंधओ भणिओ । तित्थयराहारदुगं मूचूणं सेसपयडीणं ॥ ४४ ॥

व्याख्या—‘सवासि पगईणं’ पुष्पुदिट्ठं बीसुत्तरं पगईसयं । तत्थ तित्थकरं च आहारगदुगं च मोचूण सेसाओ सम्बप-
गईओ. मिच्छदिट्ठी मिच्छत्ताइहि हेऊहि बंधइ विसेसहेऊहि य ॥ ४४ ॥ तित्थगराहारगदुगं च किं न बंधतीति चेत् ? भन्नइ—

सम्मत्तगुणनिमित्तं तित्थयरं संजमेण आहारं । बज्झंति सेसियाओ मिच्छत्ताइहि हेऊहि ॥ ४५ ॥

व्याख्या—‘सम्मत्तगुणनिमित्तं’ सम्मत्तगुणनिमित्तं तित्थकरं, संजमेण आहारं बंधइ ति । धीसाणं एगदुगाइगेहि
अन्नतरेहि कारणेहि तित्थकरणामपि बज्झं सम्मदिट्ठिणा, जाव तस्स संमत्तभावो धरइ ताव बंधइ, सम्मत्तभावे फिट्ठे ण
बंधइ, तेण तित्थकरणामं संमत्तपच्चयं । आहारगदुगं अप्पमत्तभावे बट्टमाणो संजओ बंधइ, ण पमत्तो. तम्हा संजमपच्चइणं ।
तेण एयाओ तिमि पगइओ मोचूण सेसाओ सत्तरसुत्तरसयं पगईणं बंधइ मिच्छदिट्ठी मिच्छत्ताइहि हेऊहि ॥ ४५ ॥

सोलस मिच्छत्तंता पणुवीसं होइ सासणंताओ । तित्थयराउदुसेसा अविरडअंताउ मीसस्स ॥ ४६ ॥

व्याख्या—‘सोलस मिच्छत्तंता’ मिच्छत्तं, णपुंसगवेओ, णिरयाउगं, णिरयगई, एगिदियजाई, वितिचउरिदियजाई, हुंडसठाणं,
छेवट्ठं संघयणं, निरयाणुपुव्वी, आयवं, थावरं, सुहुमं, अपज्जत्तगं, साहारणमिति । एयासि सोलसण्हं कम्मपगईणं मिच्छदिट्ठिमि
चेव, अन्तो मिच्छत्तभावेण विणा एएसि बन्धो णत्थि, एयाणि एक्कंतेण गिरयण्णिदियविगलिदियपाउग्गाणि जेरइयएगिदिय-
विगलिदियाणं णपुंसगं हुंडं च मोचूण सेसा णत्थि संठाणवेया, विगलिदियाणं सेवट्टमेव ति मेसाणि पडिसिद्धाणि, अप्पज्जत्त-
गमेगंतासुभमिति मिच्छदिट्ठिमि चेव । एयाणि सोलस पुव्वतिकसहियाणि एगुणवीसंति । एयाणि मोचूण सासणो एगुत्तरं
पगइसयं बंधइ । अस्संजयपच्चयादिगेहि हेऊहि सासणंताओ पणुवीसं तु ति सासणंताओ पणुवीसं पगईओ सासणस्स उव-

रिह्ता ण वंधति त्ति भणियं भवइ । के ते भन्नइ-थिणगिद्धितिगं, अणंताणुबन्धीणि, इत्थिवेओ, तिरियाउंगं, तिरियगई, आद्यंत-
वज्जाणि चत्तारि चत्तारि संठाणसंघयणाणि, तिरियाणुपुव्वी, उज्जोमं, अप्पसत्थविहायगई, वुभगं, सुस्सरं, अणापज्जं, नीय-
गोत्तमिति । ' तित्थगराउदुसेसा अविरइअंताउ मीसस्स ' त्ति तित्थकरणांमं आउदुगं च मोत्तूण जाओ मस्संजयसम्मदिट्ठी
अंतग्गताओ पगईओ बन्धं पडुच्च ताओ चेव पगईओ सम्मामिच्छादिट्ठी बन्धइ । ' अंताउ ' त्ति अन्तर्गता इत्यर्थः । अहवा
असंयते जासि अन्तोऽतो अविरइअन्ता तासि मिस्सो वि, किमुक्तं भवति ? मिस्सम्मि प्रत्येकं व्यवच्छेदप्रतिषेधसूचनार्थ-
मुक्तं, तिसि सोलस पणुवीसा आउगदुगं च मोत्तूण सेसाओ चोवत्तरि पगईओ सम्मामिच्छादिट्ठी बन्धति । अस्संजयसम्मदिट्ठी
ताओ चेव तित्थगराउगदुगसहियाओ सत्तत्तरिपगईओ बंधइ ॥ ४६ ॥

अविरयअंताओ दस विरयाविरयंतया उ चत्तारि । छच्चेव पमत्तंता एगा पुण अप्पमत्तंता ॥ ४७ ॥

व्याख्या—' अविरयअंताओ दस ' त्ति असंजयाओ उवरिह्ता दस पगईओ ण बन्धति, तंजहा-अपक्खस्साणावरणा चत्तारि,
मणुस्साउंगं, मणुयगई, ओरालियसरीरं, वज्जरिसभणारायसंघयणं, ओरालियअंगोवंगं, मणुयाणुपुव्वी य । मणुयाउंगं मणुयग-
इपाउंगं च देवणेइगा असंजयसम्मदिट्ठी बंधंति त्ति । तिरियमणुए पडुच्च मणुयगइपाओग्गाओ पगईओ ण संभवंति । एए
दस, पुव्वुत्ता सोलस, पणुवीसा, आहारगदुगं च मोत्तूण सेसाओ सत्तट्ठि पगईओ देसविरओ बन्धइ, विरयाविरयं त्ति काउं ।
' चत्तारि ' त्ति देसविरए पक्खस्साणावरणाणं चउण्हं अंतो, " जो वेदेइ सो बन्धइ " त्ति वचनात् पुव्वुत्ता संजयासंजय-
पाओग्गाओ, एताओ चत्तारि मोत्तूण, सेसाओ तेसट्ठी पगईओ पमत्तसंजओ बन्धइ त्ति । ' छच्चेव पमत्तंता ' इति पमत्त-
विरयंतओ छप्पगडीओ तंजहा-असायं, अरई, सोगो, अस्थिरं, असुमं, अजसमिति । एयाओ पमत्तप्पाओग्गसहियाओ
मोत्तूण सेसाओ आहारगदुगसहियाओ पणुणसट्ठिपगईओ अप्पमत्तसंजओ बन्धइ । ' एका पुण अप्पमत्तंता ' एगा पगई

देवाउगं अप्पमत्तद्धाप संखेज्जइमे भागे ठाह, अप्पमत्तअयोग्गाओ देवाउगं च मोत्तूण सेसाओ अट्ठवन्नं पगईओ अपुव्वकरणो बन्धइ, ताव जा अपुव्वकरणद्धाप संखेज्जइमो भागो ति ॥ ४७ ॥

दो तीसं चत्तारि य, भागे भागेषु संखसन्नाए । चरमे य जहासंखं, अपुव्वकरणंतिया होंति ॥ ४८ ॥

व्याख्या—‘दो तीसं’ दोषि अपुव्वकरणद्धाप संखेज्जइमे भागे गए णिहापयलाणं बन्धो वोच्छिज्जइ, पुव्वुत्ता अजोग्गा णिहादुगसहियाओ मोत्तूणं सेसाओ छप्पन्नं पगडीओ अपुव्वकरणो बन्धइ, ताव जाव अपुव्वअद्धाप संखेज्जभागा गत ति । तीसं ति अपुव्वकरणद्धाप संखेज्जभागेषु गपसु तीसाए कम्मपगईणं बन्धो वोच्छिज्जइ, तंजहा—देवगईपंचेंदियजाइवेउव्विय-आहारगतेयकम्मइगसरीरसमचउरंसवेउव्वियाहारगअगोवंगवचगंधरसफासदेवाणुपुव्विअगुरुलहुउवघायपराघायउस्तासपसन्थ-विहायगइतसबायरपज्जत्तकपत्तेयीयरसुभसुभगसुस्सरआएज्जणिम्माणतित्थकरमिति । देवगइबन्धजोग्गाओ एयाओ तीसं पग-डीओ पुव्वुत्ताओ अयोग्गसहियाओ मोत्तूण सेसाओ छव्वासं पगडीओ अपुव्वकरणो अंतिमे भागे बन्धइ, ताव जाव चरि-मसमओ ति । ‘चत्तारि य’ ति अपुव्वकरणस्स चरिमसमए चउण्हं पगईणं बन्धो वोच्छिज्जइ, तंजहा—हासरइभयदुगुंछत्ति । ‘दो तीसं गाहात्थोइमो’ दोपगईओ तीसं पगईओ चत्तारि पगईओ अपुव्वकरणद्धाप ‘भागो भागेषु संखसन्नाए’ ति संखेज्जइमे भागे गए संखेज्जइमे भागेषु गतेसु ति भणियं भवइ । ‘चरिमे य’ चरिमसमए य जहासंखं अपुव्वकरणंमि वोच्छिज्जं ति । एए तिभि विगप्पा अपुव्वकरणंमि भवंति । एए चत्तारि पुव्वुत्ता अप्पाओगसहिण मोत्तूण सेसाओ बावीसं पगईओ अणियट्ठी बंधइ, ताव जाव अणियट्ठीअद्धाप संखेज्जभागा गया, एक्को भागो सेसो ति ॥ ४८ ॥

संखेज्जइमे सेसे, आढत्ता बायरस्स चरिमंतो । पंचसु एकेकंता, सुहुमंता सोलस हवंति ॥ ४९ ॥

व्याख्या—‘संखेज्जइमे सेमे आढत्ता जाव चरिमसमओ त्ति पंचसु टाणेसु पंचपगईओ एक्केकताओ भवन्ति । अणियट्ठिअद्दाए संखे-
ज्जेसु भागेसु गणसु पुरिसवेयस्स बंधो वोच्छिज्जइ, तं सवेयगो बंधइ त्ति काउं । पुद्बुत्ते अप्पाओगे एगे पुरिसवेयस्स
सहिण मोत्तुण तओ एक्कवीसं पगईओ अणियट्ठि बंधइ, ताव जाव सेसद्दाए संखेज्जा भागा गयत्ति । संखेज्जइमे सेमे कोह-
संजलणाए बंधो वोच्छिज्जइ । अणंतरुत्ते अप्पाओगे कोहसंजलणासहिण मोत्तुण सेसातो वीसं पगईओ अणियट्ठि बंधइ,
ताव जाव, सेसद्दाए संखेज्जा भागा गयत्ति । संखेज्जइमे भागे सेसे माणसंजलणाए बंधो वोच्छिज्जइ । अणंतरुत्ते अप्पाओगे
माणसंजलणासहिण मोत्तुण तओ एगूणवीसं पगईओ अणियट्ठि बंधइ, ताव जाव सेसद्दाए संखेज्जा भागा गयत्ति । संखे-
ज्जइमे भागे सेसे मायासंजलणाए बंधो वोच्छिज्जइ । अणंतरुत्ते अप्पाओगे मायासंजलणासहिण मोत्तुण सेसाओ अट्ठारपगडीओ
अणियट्ठि बंधइ, ताव जाव अणियट्ठिअद्दाए चरिमसमओ त्ति । एए पंच विगप्पा अणियट्ठिम्मि मणिया । ‘सुहुमंता सोलस
भवन्ति’ त्ति अणियट्ठिचरिमसमए लोभसंजलणाए बंधो वोच्छिज्जओ, अणंतरुत्ते अप्पाओगे लोभसंजलणासहिण मोत्तुण सेसाओ
सत्तरसकम्मपगईओ सुहुमसंपरायगो बंधइ, ताव जाव सुहुमसंपरायगद्दाए चरिमसमओ त्ति ॥ ४९ ॥

सायंतो जोगंते एत्तो परओ उ नत्थि

। नायवो पयडीणं बंधस्संतो अणंतो य ॥ ५० ॥

व्याख्या—‘सांततो जोगंते’ त्ति सुहुमसंपरायगस्स चरिमसमए पंच णाणावरणा चत्तारि दंसणावरणा जसकिट्ठी
उच्चागायं पंचण्हं अंतराहगाणं एएसि सोलसण्हं कम्माणं बंधे वोच्छिज्जे अणंतरुत्ते अप्पाओगे, पयाओ सोलस कम्मपगईओ
मोत्तुण सेसं सायावेयणिज्जं तं उबसंतस्सीणकसाया सजोगिकेवली य बंधन्ति । कहं ? सजोगिणो बंधवन्ति काउं,

१ ‘बंधो सन्तो’ इत्यपि.

सायावेयजिज्जस्स बंधंतो ओगंतो भवइ, सओगिकेवली चरिमसमए इत्यर्थः । 'एतो परओ णत्थि बंधो' इति सओगिच-
रिमसमयाओ परओ अओगिकेवलीभावे इत्यर्थः, णत्थि बंधो इति-बंधभावेण णत्थि कम्मं, उदयसंतभावे अत्थि चेव ।
'जायब्बो पगईणं बंधस्संतो अणंतो य' इति उघसेहारो एवं, जाजियब्बो पगईणं बंधो अमुको अमुकाणं पगईणं बंधगो, तेसि
चेव अंतो अमुगंमि अमुगो घोळ्छिज्जइ इति । अणंतो य इति अमुगाणं कम्मणं अमुगो अंतो ण भवइ इति । अहवा संतो बंधो
अणंतो य भव्वाभव्वे पडुच्च ॥ ५० ॥ एयं ओघेण बंधसामित्तं मणियं । इयाणि आपससुयणत्थं भवइ—

गइयाइएसु एवं तप्पाओग्गाण मोहसिद्धाणं । सामित्तं नेयव्वं पयडीणं ठाणमासज्ज ॥ ५१ ॥

व्याख्या—'गइआइगेसु' इति गइइदियाईसु चोइरुसु मग्गणक्काणेसु 'एवं' इति मणियविहिणा, 'तप्पाओग्गाणं' इति
जेरइयाईणं ओग्गाणं, 'मोघसिद्धाणं' ओघसामित्ते पसिद्धाणं, पगईणं ठाणमासज्ज सामित्तं नेयव्वं भवति । जेरइगाणं
णिरयाउगं, णिरयगई, देवाउगं, देवगई, तेसि चेव आणुपुब्बीओ, एगिदियवित्तिचउरिदियजाई, वेउब्बियआहारगसरीरं,
एतेसि चेव अंगोवंगाणि, आयव्वं, थावरं, सुहुमं, अपज्जत्तकं, साहारणमिति एयाओ एगुणवीसं पगईओ अप्पाओग्गाओ ।
एयाओ मोत्तूण सेसं एगुत्तरं पगइसयं एएहि सामित्तं जायव्वं पूर्व्ववत् । तिरियाणं आहारगदुगं तित्थकरणां च अप्पा-
ओग्गाणि एए मोत्तूण सेसाणि सत्तरससयं पगईणं एएहि सामित्तं जायव्वं । णवरि तिरिया सम्मामिच्छदिट्ठी असंजय-
सम्मदिट्ठी य देवगइपाओग्गमेव बंधंति, ण सेसं इति । मणुयाणं जहा ओघपयइओ । णवरि सम्मामिच्छदिट्ठी असंजय-
सम्मदिट्ठी य मणुयगइपाओग्गं ण बंधंति, तेसु ण उघवज्जइ इति काउं । देवस्स जाणि जेरइगइ अप्पाओग्गाणि ताणि चेव
अप्पाओग्गाणि । णवरि एगिदियजाइ आयाव्वं थावरं च मोत्तूण सेसाणि सोलस । एयाओ सोलस मोत्तूण सेसं चउरुत्तरं
पगइसयं बंधंति, एत्थ सामित्तं नेयव्वं । इयाणि इदिएसु एगिदियवित्तिचउरिदियाणं णिरयाउगं, देवाउगं, णिरयगई,

वेवगई, तेसु आणुपुव्वीओ, वेउधिय, आहारग, तेसि अंगोवंगाणि, तित्थकरणमं च अप्पाओग्गाणि । एयाओ एकारसपग-
ईओ मोत्तूण सेसं णवुत्तरं पगइसयं, एत्थ सामित्तं जेयव्वं । पंचिदियाणं जहा ओधो । एवं कायाइकेसु जाणित्तु जोग्गाजोगं
सामित्तं भाणियव्वन्ति । अहवा वंधसामित्तं वि जओ एत्थ पढियव्वो ॥ ५१ ॥ इयाणि ठिइबंधस्स अवसरो
पत्तो तं भन्नइ, तत्थ ठिइबंधपुव्वं गमणिज्जाणि चत्तारि अणुओगदाराणि, तंजहा-ठिइबंधट्ठाणपरूवणा, भिसेगपरूवणा, अबाहा-
कण्डयस्स परूवणा, अप्पावहुगं ति एयाणि जहा कम्मपगडिसंगहणीए । अज्जाच्छेवं करिस्सामि तत्थ पढमं मूलपगईणं भन्नइ—

सत्तरि कोडाकोडी अयराणं होइ मोहणीयस्स । तीसं आइतिगंते वीसं नामे य गोए य ॥ ५२ ॥

तेत्तीमुदही आउंमि केवला होइ एवमुक्कोसा । मूलपयडीण एत्तो ठिई जहओ निसामेह ॥ ५३ ॥

व्याख्या—‘सत्तरि’ छि ‘तेत्तीसु’ छि णाणावरणीयदंसणावरणीयवेयणीयअंतराङ्गाणं एएसि चउण्हं कम्माणं
उक्कोसतो ठिइबंधो तीसं सागरोवमकोडाकोडीओ, तिन्नि वाससहस्साणि अबाहा, अबाहुणिया कम्मट्ठिई कम्मणिसेगो ।
मोहणिज्जस्स कम्मस्सुक्कोसो ठितिबंधो सत्तरिसागरोवमकोडाकोडीओ, सत्तवाससहस्साणि अबाधा, अबाहुणिया कम्मठिती
कम्मणिसेगो । णामगोत्ताणं उक्कोसओ ठिइबंधो वीसं सागरोवमकोडाकोडीओ, वेवाससहस्साणि अबाहा, अबाहुणिया कम्म-
ठिती कम्मणिसेगो । आउगस्स उक्कोसओ ठितीबंधो तेत्तीसं सागरोवमाणि पुव्वकोडितिभागम्महियाणि, पुव्वकोडितिभागो
अबाहा, अबाहए विणा कम्मट्ठिई कम्मणिसेगो ॥ ५२ ॥ ५३ ॥ इयाणि जहन्निआ भन्नइ—

बारस अंतमुहुत्ता वेयणिए अट्ट नामगोयाणं । सेसाणंतमुहुत्तं खुहुमवं आउए आण ॥ १ ॥

व्याख्या—‘बारस’ छि णाणदंसणावरणमोहणिज्जंतराङ्गाणं जहन्नओ ठिइबंधो अन्तोमुहुत्तं, अन्तोमुहुत्तं अबाहा,
अबाहुणिता कम्मट्ठिई कम्मणिसेगो । वेयणिज्जस्स जहन्नओ ठिइबंधो बारस मुहुत्ताणि, अंतोमुहुत्तमबाहा, अबाहुणिता कम्म-

टिई कम्मणिसेगो । णामगोत्ताणं जहन्नओ ठिइब्धो अट्टमुहुत्ताणि, अंतोमुहुत्तमबाहा, अबाह्णिया कम्मट्ठिई कम्मणिसेगो ।
 आउगस्स जहन्नओ ठिइब्धो खुड्ढागमवग्गाहणं, अंतोमुहुत्तमबाहा, अबाह्णिया कम्मट्ठिई कम्मणिसेगो ॥ १ ॥ इयाणि उत्तर-
 पगईणं उक्कोसओ अट्टाच्छेओ तंजहा-पंचण्हं णाणावरणीयाणं, नवण्हं दंसणावरणीयाणं, असायावेयणीयस्स, पंचण्हमं-
 तरागाणं, उक्कोसओ ठिइब्धो तीसं सागरोवमकोडाकोडीओ, तिन्नि वाससहस्साणि अबाहा, अबाह्णिया कम्मट्ठिई कम्म-
 णिसेगो । सायवेयणीयइत्थिवेयमणुयगइमणुयाणुपुब्धीणं उक्कोसओ ठिइब्धो पन्नरससागरोवमकोडाकोडीओ, पन्नरसवास-
 सयाणि अबाहा, अबाह्णिया कम्मट्ठिई कम्मणिसेगो । मिच्छत्तस्स उक्कोसओ ठिइब्धो सत्तरिस्तागरोवमकोडाकोडीओ,
 सत्तवाससहस्साणि अबाहा, अबाह्णिया ठिई णिसेगो । सोलसकसायाणं उक्कोसओ ठिइब्धो चत्तालीसं सागरोवमको-
 डाकोडीओ, चत्तारि वाससहस्साणि अबाहा, अबाह्णिया ठिई णिसेगो । नपुंसकवेयअरइसोगमयदुगंछाणिरयगइति-
 रियगइएगिंदियपंचिंदियजाइओरालियवेउव्वियतेयकम्मइगसरीरहुंडसंठाणओरालियवेउव्वियांगोवंगमेवट्टसंघयणवन्नगंधरसफा-
 मणिरयाणुपुव्वितिरियाणुपुव्विअगुरुलहुउवघायपराघायऊसासआयावउज्जोयअपसत्थविहायगइतसथावरबायरपज्जत्तगपत्तेयअ-
 धिरअसुभदुमगदुसरअणाएज्जअजसकित्तिणिम्माणणीयागोत्ताणं उक्कस्सगो ठिइब्धो वीसं सागरोवमकोडाकोडी-
 ओ, दोवाससहस्साणि अबाहा, अबाह्णिया ठिई णिसेगो । पुरिसवेयहासरइदेवगइसमचउरंससंठाणवज्जरिसभणा-
 रायसंघयणदेवगइआणुपुव्विपसत्थविहायगइधिरसुभसुभगसुस्सरआएज्जजसकित्तिउच्चागोयमिति एएसि कम्माणं उक्कोसगो
 ठिइब्धो दससागरोवमकोडाकोडीओ, दसवाससयाणि अबाहा, अबाह्णिया ठिई णिसेगो । णगोहसंठाणरिसह-
 णारायसंघयणाणं उक्कोसओ ठिइब्धो बारस सागरोवमकोडाकोडीओ, बारसवाससयाणि अबाहा, अबाह्णिया ठिई णिसेगो ।
 साइसंठाणणारायसंघयणाणं उक्कोसओ ठिइब्धो चोइससागरोवमकोडाकोडीओ चोइसवाससयाणि अबाहा अबाह्णिया ठिई
 णिसेगो । खुज्जसंठाणअट्टनारायसंघयणाणं उक्कोसओ ठिइब्धो सोलससागरोवमकोडाकोडीओ, सोलसवाससयाणि

अबाहा, अबाहूणिया ठिई णिसेगो । वामणसंठाणस्त्रीलियसंघयणवेइंदियतेइंदियचोरिंदियजाइसुहुमअपज्जत्तगसाहारणणामाणं
 उक्कोसओ ठिइबन्धो अट्टारससागरोवमकोडाकोडीओ, अट्टारसवाससयाणि अबाहा अबाहूणिया कम्मठिई कम्मणिसेगो । आहा-
 रगसरीरअंगोवंगतित्यकरणामाणं उक्कोसओ ठिइबन्धो अंतोकोडाकोडी, अंतमुहुत्तमबाहा, अबाहूणिया कम्मठिई कम्मणिसेगो ।
 देवणिरयाउगाणं उक्कोसओ ठिइबन्धो तेत्तीसं सागरोवमाणि, पुव्वकोडितिभागहियाणि, पुव्वकोडितिभागो अबाहा, अबाहाए
 विणा कम्मठिई कम्मणिसेगो । मणुयतिरियाउगाणं उक्कोसठिई तिन्नी पलिओवमाणि पुव्वकोडितिभागसहियाणि. पुव्वकोडिति-
 भागो अबाहा, अबाहाए विणा कम्मठिई कम्मणिसेगो उक्कोसो अट्टाच्छेओ सम्मत्तो ॥ इयाणि जहन्नओ अट्टाच्छेओ-पंचणहं
 णाणावरणाणं चउण्हं दंसणावरणाणं लोभसंजलणपंचण्हमंतराहणाणं जहन्नतो ठिइबन्धो अंतोमुहुत्तओ, अंतोमुहुत्तमबाहा,
 अबाहूणिया कम्मठिई कम्मणिसेगो । धीणगिद्धितिगनिहापयलामसायावेयणीयाणं जहन्नओ ठिइबन्धो सागरोवमस्स तिन्नि
 सत्तमागा पलिओवमस्स असंखेज्जइभागेणूणया, अंतोमुहुत्तमबाहा, अबाहूणिवा कम्मठिती कम्मणिसेगो । सायावेयणीयस्स
 जहन्नओ ठिइबन्धो बारसमुहुत्तओ, अंतोमुहुत्तमबाहा, अबाहाए विणा ठिई णिसेगो । मिच्छत्तस्स जहन्नओ ठिइबन्धो
 सागरोवमस्स सत्त सत्तमागा, पलिओवमस्स असंखेज्जइभागेण ऊणया अंतोमुहुत्तमबाहा अबाहूणीया कम्मठिई कम्मणि-
 सेगो । संजलणवज्जाणं बारसण्हं कसायाणं जहन्नओ ठिइबन्धो सागरोवमस्स चत्तारि सत्तमागा पलिओवमासंखमागेण
 ऊणया, अंतोमुहुत्तमबाहा । कोहसंजलणाए जहन्नओ ठिइबन्धो वे मासा, अंतोमुहुत्तमबाहा । माणसंजलणाए जहन्नओ ठिइबन्धो
 मासो, अंतोमुहुत्तमबाहा । मायासंजलणाए जहन्नओ ठिइबन्धो अट्टमासो, अंतोमुहुत्तमबाहा । पुरिसवेयस्स जहन्नओ ठिइबन्धो
 अट्ट वासाणि, अंतोमुहुत्तमबाहा । पुरिसवेयवज्जाणं ओकसायाणं मणुयतिरियगइ (इगवुत्तिचउ) पंचेदियजाइओरालियतेवाकम्मइग-
 सरीरं छण्हं संठाणाणं ओरालियअंगोवंगं छण्हं संघयणाणं वज्जाइधितिरियमणुयाणुपुब्बिमगुल्लहुउपघातपराघातउसासमायाव-
 उज्जोवपसत्थापसत्थदोविहायगतसयावराहीसं असवज्जं णिम्माणं जीयगोवाणं जहन्नओ ठिइबन्धो सागरोवमस्स वेसत्तमागा

[illegible]

मूलठिईण जहन्नो सत्तण्हं साइयाइओ बंधो । सेसतिगे दुविगण्णो आउउकेवि दुविकण्णो ॥ ५४ ॥

व्याख्या—'मूलतिईण अजहन्नो' मूलपगईणं तिई मूलतिई। पुवं ताव जहन्नईणं लक्खणं भन्नइ—जओ मण्णो खुड्डलतरओ तिईवंधो नथि त्ति सो जहन्नओ तिईवंधो बुच्चइ, तं मोत्तूणं सेसो सव्वो समयाहिगाइओ अजहन्नो तिईवंधो ताव जाव उक्कोसगो त्ति । एएसु दोसु सव्वे तिईविसेसा पविट्ठा। जओ अओ उक्कोसतरो तिईवंधो पत्थि त्ति सो उक्कोसो, तं मोत्तूणं सेसो सव्वो समयाइणा ऊणो ताव जाव जहन्नो त्ति सो अणुक्कोसो बुच्चइ। एएसु वा दोसु सव्वे तिईविसेसा पविट्ठा। एएण अट्ठपवेण मूलपगईणं आउगवज्जाणं मत्तण्हं अजहन्नओ तिईवंधो साइयाइचउविगण्णो लब्भइ। कहं? भन्नइ, मोहवज्जाणं छण्हं जहन्नओ तिईवंधो सुहुमरागखईगस्स चरिमो तिईवंधो, सो य साइओ अधुवो य। कहं? भन्नइ, खवगस्स सव्व-थोवाओ अजहन्नतिइवंधो जहन्न तिइवंवं संकमंतस्स जहन्नस्स साइओ, तओ वंओवरमं जहन्नस्स अधुवो, तं मोत्तूणं सेसो

अजहन्नो, सुहुमोवसामगमि तओ दुगुणो ठिइबंधो त्ति अजहन्नो । उवसंतकसायस्स बंधो णत्थि, तओ पुणो परिवडंतस्स अजहन्नठिइबंधो साइओ । बंधोपरमो जेण ण कयपुव्वो तस्स अणाइओ । धुवो अमव्वस्स बंधो, जओ बंधवोच्छेयं जहन्नं वा ठिइबंधं ण करेहि त्ति । अद्दुवो भव्वाणं, णियमा बंधवोच्छेयं काहिति त्ति । एवं मोहणिज्जस्सवि । णवरि सव्वजहन्नो अणियट्ठिखगस्स चरमो ठिइबंधो तओ भावेयव्वं । 'सेसतिगे दुविगप्पो' उक्कोसअणुक्कोसजहन्नगेसु दुविगप्पो, साइओ अद्दुवो य । जहन्नगे दुविगप्पे कारणं पुव्वुत्तं । उक्कोसो ठिइबंधो सत्तण्हवि सन्निमि मिच्छदिट्ठिमि सव्वसंकिलिट्ठिमि लब्भइ, सो साइओ अद्दुवो य । कहं ? (समयाओ) आढत्तो अंतो मुहुत्ताओ णियमा फिट्ठइ त्ति, तओ परिवडंतस्स अणुक्कोसस्स साइओ, पुणो जहन्नेणं अंतो मुहुत्तेणं उक्कोमेणं अणंताहि ओसप्पिणिउस्सप्पिणीहि उक्कोसं ठिइ बंधमाणस्स अणुक्कोसस्स अद्दुवो, उक्कोसस्स साइओ, पुणो अद्दुवो, एवं उक्कोसाणुक्कोसेसु परिभमंति त्ति दोण्हवि साइओ अद्दुवो य । सेसा धुवअणाइयबंधा ण संभवंति । 'आउचउक्केवि दुविगप्पो' त्ति उक्कोसो अणुक्कोसो जहन्नो अजहन्नगो य ठिइबंधो साइगो अद्दुवो य, अद्दुवबंधादेव ॥ ५४ ॥ इयाणि उत्तरपगईणं भन्नइ—

अट्ठारसपयडीणं अजहन्नो बंधंचउविगप्पो य । सैईअअधुवबंधो सेसतिगे होइ वोद्धवो ॥ ५५ ॥

व्याख्या—'अट्ठारसपगईणं अजहन्नो बंधंचउविगप्पो' त्ति पंचण्हं णाणावरणीयाणं, चउण्हं दंसणावरणीयाणं, चउण्हं संजलणाणं, पंचण्हमंतराइगाणं, एएसि अट्ठारसण्हं अजहन्नो ठिइबंधो साइयाइचउविगप्पो लब्भइ । कहं ? भन्नइ, णाणावरणाणं दंसणावरणाणं अंतराइगाणं जहन्नो ठिइबंधो सुहुमसंपरायखगस्स चरमे ठिइबंधे लब्भइ, सो साइगो अद्दुवो य । उवसामगमि अजहन्ने बंधे वोच्छिन्ने पुणो बंधंतस्स साइओ बंधो, तं ठाणमपत्तपुव्वस्स अणाइओ, धुवो अमव्वस्स, अद्दुवो भव्वस्स । संजलणखउक्कस्स अणियट्ठिखगमि अप्पण्णो बंधवोच्छेयकाले जो ठिइबंधो सो सव्वजहन्नो,

१ धो. २ सातितअद्दुव. ३ दुविगप्पो.

सेसो अजहन्नो । तमो मावेयव्वं एणसि अट्टारसण्हं जहन्नो ठिइबंधो खवगसेदि मोत्तूण अन्नहि ण लब्भइ स्ति साइयाईणि लद्धाणि । 'साइअधुवबंधो सेसतिगे होइ' उक्कोसाणुक्कोसजहन्नगेसु ठिइबंधेसु साइगो अद्धुवो य लब्भइ । कहं ? भन्नइ, जहन्नगे कारणं पुब्बुत्तं । उक्कोसाणुक्कोसा जहा मूलपगईणं तहा चेव भाणियव्वा ॥ ५५ ॥

उक्कोसाणुक्कोसो जहन्नमजहन्नगो य ठिइबंधो । साइअधुवबंधो सेसाणं होइ पयडीणं ॥ ५६ ॥

व्याख्या—'उक्कोसाणुक्कोसो' स्ति उक्कोसगोवि, अणुक्कोसगोवि, जहन्नगोवि, अजहन्नगोवि ठिइबंधो भणियमेसाणं सव्वपगईणं साइगो अद्धुवो य । कहं ? भन्नइ, थीणगिद्धितिगं णिहा पयला मिच्छत्तं आइमा बारसकसाया भयदुगुंच्छा णामधुवबंधिणो णव तंजहा—तेजइगकम्मइगसरीरवन्ना ४ अगुरुलघुउवघायणिम्मेणमिति पगूणतीसा । एणसि सव्वेसि जहन्नगो ठिइबंधो बायरएणि-दियम्मि पज्जत्तगंमि सव्वविसुद्धम्मि लब्भइ, अंतोमुहुत्तमेत्तं कालं, पुणो संकिलिद्धो अजहन्नं बंधइ, पुणो विसुद्धो कालंतरेण वा तंमि चेव भवे, अन्नभवे वा जहन्नगं बंधइ, एवं जहन्नाजहन्नपरिवत्तणं करोन्ति स्ति दोण्हवि साइओ अद्धुवो य ठिइबंधो । एणसि उक्कोसो सन्निमि मिच्छादिद्धिमि पज्जत्तगसव्वसंकिलिद्धिमि लब्भइ अंतोमुहुत्तमेत्तं कालं, पुणो विसुद्धो अणुक्कोसं बंधइ, पुणोवि संकिलिद्धो तब्भवे वा अन्नमेत्ते वा वट्टमाणो उक्कोसं बंधइ, एवं उक्कोसाणुक्कोसेसु परिवत्तणं साइगो अद्धुवो य सव्वत्थ । सेसाणं परियत्तमाणीणं सव्वपगईणं अद्धुवबंधित्तादेव सव्वत्थ साइओ अद्धुवो य ठिइबंधो ॥ ५६ ॥ एवं साइयाइपरूवणा कया, इयाणि ठिइबंधं शुभाशुभनिरूवणत्थं भन्नइ—

सव्वासिपि ठिइओ सुभासुभाणंपि होति असुभाओ । माणुसतिरिक्खदेवाउगं च मोत्तूण सेसाणं ॥ ५७ ॥

व्याख्या—'सव्वासिपि ठिइओ सुभासुभाणंपि होति असुभाओ' स्ति सव्वासि कम्मपगईणं सुभाणं असुभाणं च ठिइओ सव्वाओ असुभा चेव । कहं ? भन्नइ, कारणशुद्धत्वात्, किं तं कारणं ? भन्नइ, संकिलेसो कारणं, संकिलेसबुद्धिओ ठिइबुद्धि भवइ, संकिलेसो य कसाया, तद्धुद्धौ स्थितिबुद्धिरिति, तस्मात्कारणाशुद्धत्वात् कार्यमप्यशुद्धं, यथा—अप्रशस्तद्रव्य-

कृतघृतपूर्णवत् । अत्रेणावि कारणेण पसत्थावि अपसत्थाओ भवन्ति । कहं ? नीरसत्ताओ जत्तियं २ ठिई वड्डइ, तत्तियं २ शुभ-
कम्माणि णीरसाणि भवंति, रसगालितेश्चयष्टिवत् । अप्पसत्थाणं कम्माणं ठिइबुड्डीओ रसो वड्डइ त्ति । तम्हा सुभाणं असुभाणं
च ठिइओ असुभाओ चेव । अइप्पसत्तं लक्खणंति तस्स अववाओ बुद्धइ ‘माणुसतिरिक्खदेवाउगं च मोत्तूणं सेसाणं’ ति
मणुयाउगं तिरिक्खाउगं देवाउगं च मोत्तूणं सेसाणं सव्वपगईणं ठिइओ असुभाओ सव्वाओ । एएसि तिण्हंपि ठिईओ
सुभाओ, कहं ? कारणसुभत्वात्, किं तं कारणं ? विसोही, विसोहितो एएसि कम्माणं ठिईओ वड्डंति त्ति सुभाओ, यथा शुभ-
द्रव्यनिष्पन्नमोदकवत् । अन्नं च कारणं एएसि ठिइबुड्डीओ अणुभागो वड्डइ सो य सुभकारणंति ॥ ५७ ॥ इयाणि सव्वासि
उक्कोसठिई जहन्नठिई य केण णिव्वत्तिज्जइ त्ति तं णिरूवणत्थं भन्नइ—

सव्वट्ठिईणमुक्कोसगो उ उक्कोससंकिलेसेणं । विवरीए उ जहन्नो आउगतिगवज्जसेसाणं ॥ ५८ ॥

व्याख्या—‘सव्वट्ठिईणमुक्कोसगो उ उक्कोससंकिलेसेणं’ ति सव्वपगईणं उक्कस्सओ ठिइबंधो सव्वुक्कस्ससंकिलेसेणं
भवइ त्ति । जे जे सव्वपगईणं बंधका तेसु तेसु जो जो सव्वसंकिलिट्ठो सो सो उक्कोसं ठिई बंधइ सव्वपगईणं । ‘विवरीए
उ जहन्नो’ त्ति सव्वपगईणं भणियविवरीयाओ जहन्नगो ठिइबंधो भवइ । कहं ? भन्नइ, जे जे सव्वपगईणं बंधका तेसु तेसु
जो जो सव्वविसुद्धो सो सो सव्वपगईणं जहन्नगं ठिई बंधइ । ‘आउगतिगवज्जसेसाणं’ ति पुब्बुत्तं आउगतिगं मोत्तूणं
सेसाणं पगईणं एसविही । तिण्हंपि आउगाणं उक्कोसं जहन्नगं विवरीयं । कहं ? तब्बंधकेसु जो जो सव्वविसुद्धो सो सो
सव्वुक्कसियं ठिई बंधइ, तेसु चेव जो जो सव्वसंकिलिट्ठो सो सो सव्वजहन्नियं सव्वासि ठिई बंधइ, जहा जहा ठिई हस्सति
तहा तहा अणुभागो हस्सइ ॥ ५८ ॥ इयाणि उक्कोससामित्तिणिरूवणत्थं भन्नइ—

सव्वुक्कोसठिईणं मिच्छादिट्ठी उ वंधओ भणियो । आहारगतिथयरं देवाउं वा विमुत्तूणं ॥ ५९ ॥

व्याख्या—‘सव्वुक्कोसठिईणं’ ति सव्वासि पगईणं उक्कोसठिइ मिच्छादिट्ठी सव्वाहि पज्जत्तीहि पज्जत्तो सव्वसंकिलिट्ठो

बंधइ। कहं? भन्नइ, जे जे बंधका सव्वेसि तेसि मिच्छदिट्ठी सव्वसंकिलिहुतरोत्ति काउं। 'आहारगतित्थयरं देवाउं वा विमोत्तूणं'ति आहारगतित्थकरणामाणं मिच्छदिट्ठिमि बंधो गुणपच्चययो णत्थि। देवाउगस्स उक्कोसं ठिइं ण बंधइ, कहं? भण्णइ, सव्वट्ठसिद्धिए देवाउगस्स उक्कोसा, तंमि मिच्छदिट्ठी ण उव्वज्जइ त्ति उक्कोसं ण बंधइ॥५९॥ एयासि तिण्हं उक्कोसं को बंधइ त्ति तं णिरुवणत्थं भन्नइ—

देवाउयं पमत्तो आहारगमप्पमत्तविरओ उ। तित्थयरं च मणुरसो अविरयसम्मो समज्जेइ ॥ ६० ॥

व्याख्या—'देवाउयं पमत्तो' त्ति देवाउगस्स उक्कोसं ठिइं पमत्तसंजओ पुव्वकोडित्तिआगाइसमए वट्टमाणो अप्पमत्ताभिमुहो बंधइ। अप्पमत्तो उक्कोसं किं ण बंधति त्ति चेत्? तदुच्यते, अप्पमत्तो आउगं बंधिउं णाढप्पइ, पमत्तेणाढत्तं अप्पमत्तो बंधइ त्ति सो य उक्कोसठिइयं बंधो एकं समयं लब्भइ, परओ अबाहापरिहाणि त्ति न लब्भइ। 'आहारगमप्पमत्तविरओ' त्ति साहारगदुगस्स उक्कोसं ठिइं अप्पमत्तसंजओ पमत्ताभिमुहो तत्त्वंधकेसु सव्वसंकिलिहुो बंधइ। 'तित्थयरं च मणुरसो अविरयसम्मो समज्जेइ' त्ति तित्थकरणामस्स उक्कोसं ठिइं मणुरसो असंजओ वेयगसम्मदिट्ठी पुव्वं नरगबद्धाउगो णिरयामिमुहो मिच्छत्तं पडिवज्जहि त्ति अंतिमे ठिइबंधे वट्टमाणो बन्धइ, तत्त्वंधकेसु अंशतसंकिलिहुो त्ति काउं। ओ संमत्तेणं सइगेणं णरगं गच्छइ सो तत्तो विसुद्धतरो त्ति तम्मि उक्कोसो ण भवइ। 'समज्जेइ' त्ति बंधइ ॥ ६० ॥ पुव्वं मिच्छदिट्ठी सव्वपगईणं उक्कोसं ठिइं बंधइ त्ति सामन्नेणं भणियं। इयाणि मिच्छदिट्ठीसुवि विभागदरिसणत्थं भन्नइ—

पन्नरसण्हं ठिइमुक्कोसं वंधंति मणुयतेरिच्छा। छण्हं सुरनेरइया ईसाणंता सुरा तिण्हं ॥ ६१ ॥

व्याख्या—'पन्नरसण्हं ठिइमुक्कोसं वंधंति मणुयतेरिच्छ' त्ति देवाउगवज्जाणि तिन्नि आउगाणि, णिरयगई, देवगई,

वेइदियतेइंदियचउरिंदियजाइवेउव्वियसरीरं, वेउव्विगोवंगे, णिरयदेवाणुपुव्वी सुहुमं अपज्जत्तगं साहारणमिति एणसि पन्न
 रसण्हं उक्कोसं ठिइं तिरियमणुया मिच्छदिट्ठिणो बंधंति । क्हं देवणेइगा ण बंधंति इति चेत् ? भन्नइ, तिरियमणुयाउगं
 मोत्तुणं सेसाओ सव्वपगईओ देवणेइगा तेसु ण उववज्जंति त्ति ण बंधंति । तिरियमणुयाउगाणं उक्कोसठिइं देवकुउत्तरकु-
 रसु तेसु देवणेइगा न उववज्जंति त्ति काउं उक्कोसठिइं ण बंधंति । तम्हा पंचिदियतिरिक्खो मणुओ वा मिच्छदिट्ठी तप्पाओग-
 विसुद्धो पुव्वकोडितिभागाइसमए वट्टमाणो मणुयतिरियाउगाणं उक्कोसं ठिइं बंधइ । अच्चंतविसुद्धस्स ण बंधो इइ तिरि-
 यमणुया सम्मदिट्ठी एताणि ण बंधंति । णिरयाउगस्सवि एए चेव, णवरि तप्पाओगसंकिलिद्धो बंधइ, अच्चंतसंकिलिद्धो आउगं
 न बंधइ । णिरयदुगवेउव्वियदुगाणं अच्चंतसंकिलिद्धो वीसं सागरोवमकोडाकोडीओ बंधमाणो उक्कोसं ठिइं बंधइ । देवदुगवि-
 गलतिगसुहुमनिगाणं उक्कोसठिइं तप्पाओगसंकिलिद्धो बंधइ, अच्चंतसंकिलिद्धो णिरयपाओगं बंधइ त्ति, तओ विसुद्धो तिरिय-
 पाओगं, तओ विसुद्धो मणुयपाओगं, तओ विसुद्धो देवपाउगंति । ‘छण्हं सुरणेइया’ इति तिरियगई ओरालियसरीरं
 सेवट्टमंघयणं ओरालियंगोवगं तिरियाणुपुव्वी उज्जोवमिति एणसि छण्हं कम्माणं उक्कोसगो ठिइवओ देवणेइगाणं भवइ ।
 क्हं ? देवणेइगा अच्चंतसंकिलिद्धा पंचिदियतिरियगइपाओगं बंधंति, तेसु वीसं सागरोवमकोडाकोडीओ भवइ । एणसि उ-
 क्कोना ठिइं मणुयतिरिएसु अट्टारस्स सागरोवमकोडाकोडीओ । क्हं ? ते संकिलिद्धा णिरयपाओगं बंधंति, तत्तो विसुद्धतरा
 मणुयगइपाओगं ति । सेवट्टओरालियंगोवंगणं ईसाणाओ उवगिद्धा देवा उक्कोसं ठिइं बंधंति, इसाणंतेसु ण भवइ । क्हं ?
 ते अच्चंतसंकिलिद्धा एणिंदियपाओगं वीसं सागरोवमकोडाकोडीओ बंधंति, ताम एणसि दोण्हं अट्टारस्स भवंति, तओ वि-
 सुद्धतरो एयाओ बंधइ त्ति । ‘ईसाणंता सुरा तिण्हं’ ति ईसाणाओ हेट्ठिद्धा देवाओ तिण्हं एणिंदियआयवथावराणं उक्कोसं
 ठिइं वीसं सागरोवमकोडाकोडीओ बंधंति । कम्हा ? ते अच्चंतसंकिलिद्धा एणिंदियपाओगं बंधंति त्ति । तओ विसुद्धा पंचिदिय-
 तिरियपाओगं अट्टारस्स, तओ विसुद्धतरा मणुयपाओगं पन्नरस्स त्ति । जेसि कम्माणं देवणेइगेसु उक्कोसा ठिइं तेसि तिरि-

यमणुयाण अणुक्कस्सा, जेसि कम्माणं तिरियमणुएसु उक्कस्सा ठिई, तेसि कम्माणं देवणेइगाणं अणुक्कस्सा ठिई। कहं ? तिरियमणुया अच्चंतसंकिलिद्धा णिरियगइपाओगं वीसं सागरोवमकोडाकोडीओ बंधंति, तओ विसुद्धा तिरियगइपाओगं अट्टारसकोडाकोडीओ, तओ विसुद्धा मणुयगइपाओगं पन्नरससागरोवमकोडाकोडीओ, तओ विसुद्धा देवगइपाओगं दस सागरोवमकोडाकोडाओ बंधंति, तओ विसुद्धा खुइतरागं जाव अंतोसागरोवमकोडाकोडी ॥ ६१ ॥

सेसाणं चउगइया ठिइमुक्कस्सं करेति पगईणं । उक्कोससंकिलेसेण ईसिमहमज्झिमेणावि ॥ ६२ ॥

व्याख्या—‘सेसाणं चउगइया ठिइमुक्कस्सं करेति पगईणं’ ति भणियसेसाणं पंच णाणावरणं, नव दंसणावरणं, साया-
मायं, मोहणिज्जं सव्वं, णामंमि इमे मोत्तुं मणुअगइवज्जाओ तिन्नि गईओ, एयासि चेवाणुपुव्वीओ, पंचिदियजाइवज्जाओ च-
त्तारि जाईओ, तेयकम्मइगसरीरवज्जाणि तिन्नि सरीराणि, तिन्नि अंगोवंगाणि, असंपत्तसेवट्ठं, आयवं, उज्जोवं, थावरं, सुहुमं,
अपज्जत्तगं, साहारणं, तित्थकरनाममिति । एयाहिं विरहियाणि सव्वणामाणि, उच्चाणीयगोत्तं, पंच अंतराइगमिति एयासि स-
व्वासि उक्कोसं ठिइबंधं चउगइयावि मिच्छदिट्ठी बंधंति, सव्वासुवि गईसु उक्कोसो संकिलेसो लब्भइ ति काउं । धुवबंधीणीणं
४७ परियत्तमाणीणं असुभाणं अमातनपुंसकशोकारतिनीचैर्गोत्रमप्रशस्तविहायोगतिअथिरछक्कं एते द्वादश १२ (हुंडसंठ्ठाण) पंचि-
दियजाइपराघायउस्सासतसवायरपज्जत्तगपत्तेगाणं च उक्कोसं ठिइ सव्वसंकिलिट्ठो बंधइ । सायपुरिसात्यवेदहासरतिउच्चागो-
यमणुयदुगहुंडासंपत्तवज्जसंघयणसंठाणदसगं पसत्थविहायोगतिथिराइछणमेयासि पणवीसाए तप्पाओगसंकिलिट्ठनरो ति ।
परियत्तमाणीणमसुभाणं उक्कोसठिईतो समयूणादिठिईओ जाव तज्जाइयं अन्नपगइउक्कोसठिइबंधठाणं ण पावइ ताव तप्पाओग-
संकिलेसेण ताओ चेव पगईओ तम्मत्तठिईओ बंधइ । तओ पडिनियत्तं परिणामे परियत्तमाणीणं सुभाणं उक्कोसठिति तप्पाओ-
गसंकिलेसेण बंधइ । ‘उक्कोससंकिलेसेण ईसिमहमज्झिमेणावि’ ति सव्वजहन्नगे ठिइठाणे ठिइबंधज्जवसाणठाणाणि असंखे-
ज्जलोकाकासपदेसमेत्ताणि विसेसवुडिणिप्फन्नाणि तिरियं वडंति । तेहिं सव्वेहिं सव्वेव जहन्निया ठिई णिव्वत्तिज्जइ ति.

एकव्यापारनियुक्ताऽनेकशक्तिप्रचित्रपुरुषसमुदायवत् वारावारेण । ततो समयुत्तरं ठिइं णिव्वत्तेन्ति जाणि अज्झवसाणठाणाणि, ताणि अन्नाणि तेहितो विसेसाहिकाणि । तओ वि समयुत्तरं ठिइं णिव्वत्तेन्ति जाणि अज्झवसाणाणि ताणि अन्नाणि तेहितो विसेसाहियाणि, विसेसबुडोए निरियं वडंति । एवं नेयवं जाव दुचरिमुक्कोसिया ठिइं त्ति । दुचरिमुक्कोसाओ सव्वुक्कोसं ठिइं णिव्वत्तेन्ति जाणि अज्झवसाणाणि ताणि अन्नाणि तेहितो विसेसाहिकाणि । तेण बुच्चति उक्कोससंकिलेसेणं जाणि संकिलेस-ठाणाणि उक्कोसठिइं णिव्वत्तेन्ति, तेसु सव्वन्तिमो उक्कोससंकिलेसो बुच्चइ, तेण उक्कोसियं ठिइं णिव्वत्तेन्ति । ईसिमहमज्झिमेणावित्ति तओ उक्कोससंकिलेसाओ ऊणऊणनराणि य ठिइयंअज्झवसाणठाणाणि, तेहिपि तमेव उक्कोसियं ठिइं णिव्वत्तेन्ति ते इसिमज्झिमा बुच्चंति, अहवा सव्वसंकिलेसे पडुच्च मज्झिमाईया ते चेव ईसिमज्झिमा बुच्चंति, अहवा उक्कोसियं ठिइं णिव्वत्तेन्ति जाणि अज्झवसाणठाणाणि तेसु सव्वबुडुगं ईयत्, तेणवि तमेव उक्कोसियं ठिइं णिव्वत्तेति, जहन्नुक्कोसाणं मज्झ जाणि अज्झवसाणठाणाणि ताणि मज्झिमाणि तेहितोवि तमेव उक्कोसियं ठिइं णिव्वत्तेन्ति ॥ ६२ ॥ उक्कोससामित्तं समत्तं, इयाणि जहन्नाठिईसामित्तं भन्नइ—

आहारगतित्थयरं नियट्ठि अनियट्ठि पुरिससंजलणं । बंधइ सुहुमसरागो सायजसुच्चावरणविग्यं ॥ ६३ ॥

व्याख्या—‘आहारगतित्थयरं नियट्ठि’ति आहारगदुगतित्थकरणामाणं जहन्नगं ठिइं ‘नियट्ठि’ति अपुव्वकरणो तस्मवि खवगो चरिमे ठिइबंधे बट्टमाणो बंधइ. तब्बंधकेसु अणंतविसुखो त्ति काउं । ‘अणियट्ठि पुरिससंजलणं’ति अणियट्ठिखवगो अप्प-प्पणो बंधवोच्छेयकाले जो जो ठिइबंधो अंतिमो तहिं तहिं बट्टमाणो पुरिसवेयसंजलणणं जहन्नगं ठिइं बंधति, तब्बंधकेसु अणंतविसुखो त्ति काउं । ‘बंधइ सुहुमसरागो सायजसुच्चावरणविग्यं’ति सुहुमसंपराइगखवगो चरिमे ठिइबंधे बट्टमाणो पंच-ण्हं णाणावरणीयाणं, चउण्हं वंसणावरणीयाणं, सायवेयणीयं, जसकित्तिउच्चागोयं, पंचण्हमताराइगाणं, एएसिं सत्तरसण्हं कम्माणं जहन्नगं ठिइं बंधइ, तब्बंधकेसु अणंतविसुखो त्ति काउं ॥ ६३ ॥

छण्हमसन्नी कुणइ जहन्नठिइं आउगाणमन्नयरो । सेसाणं पज्जत्तो बायरएगिंदियविसुद्धो ॥ ६४ ॥

व्याख्या—‘छण्हमसन्नी कुणइ’ति गिरयगइदेवगइतदाणुपुब्बीओ वेउब्बियदुगमिति । एएसिं छण्हं कम्माणं जह-
न्नं असन्निपंचिदिओ सव्वाहिं पज्जासिहिं पज्जत्तगो सव्वविसुद्धो सव्वजहन्नियं ठिइं बंधइ । गिरयदुगस्सवि तप्पाओग-
विसुद्धो ति वत्तव्वं, हेट्ठिळा एगिंदियादी ण बंधंति । सन्निमि किं ण भवति इति चेत् ? भण्यते, सन्निमि सभावादेव ठिइं
महत्ती, असन्निमि सभावादेव खुडुली, बालमध्यमपुरुषाहारवत् । ‘आउगाणमन्नयरो’ति देवाणिरयाउगाणं सन्नी वा असन्नी
वा जहन्नं करेइ, असंखिप्पद्धा दोण्हवि लब्भइ ति, मणुयतिरियाउगाणं एगिंदियादयो सव्वजहन्नं ठिइं करोति, असंखिप्पद्धा
सव्वेसिं लब्भइ ति काउं । ‘सेसाणं पज्जत्तो बायरएगिंदियविसुद्धो’ति सेसाणं ति भणियसेसाणं ८५ पगईणं सव्वासिं बा-
यरएगिंदियपज्जत्तगो सव्वविसुद्धो सव्वजहन्नियं ठिइं बंधइ । सन्नी विसुद्धतरो, तहावि तहिं सभावादेव ठिइं महत्ती, एगिंदि-
एसु सव्वखुडुली सभावादेव, एगिंदिएसु सव्वविसुद्धो बायरएगिंदियपज्जत्तगो ति तंमि सव्वजहन्ना ठिइं भवइ ॥ ६४ ॥
ठिइबंधो समत्तो ॥ इयाणिमणुभागबंधस्स अवसरो भण्णइ, तत्थ पुब्बं ताव साइयअणाइयपरुवणा कज्जइ—

घाईणं अजहन्नोणुक्कोसो वेयणीयनामाणं । अजहन्नमणुक्कोसो गोए अणुभागबंधंमि ॥ ६५ ॥

साई अणाइ धुवअद्धुवो य बन्धो उ मूलपयडीणं । सेसंमि उ दुविगप्पो आउचउक्केवि दुविगप्पो ॥ ६६ ॥

व्याख्या—‘घाईणं अजहन्नो’ ‘साई अणाइ’ति संबज्जइ, घाएनि णाणदंसणचरित्तदाणाइलामे ति घाइणो, णाणावरणदं-
सणावरणमोहणिज्जअंतराइगाणं अजहन्नो अणुभागबंधो ‘साई अणाइ’ साइयाइचउविगप्पो । कहं ? भन्नइ, णाणदंसणावरणं-
तराइगाणं जहन्नाणुभागं सुहुमसंपराइगखवगो चरिमसमए वट्टमाणो बंधइ एगं समयं, मोहणिज्जस्स अणियट्टिस्खवगो चरिम-
समए वट्टमाणो अजहन्नाणुभागं बंधइ, सो य साइओ अद्धुवो य, तं मोत्तुण सेसं सव्वं अजहन्नं जावउक्कं ति । सुहुममराग-
उवसामगंमि अजहन्नस्स बंधो फिट्ठइ, उवसंतो जाओ, ततो पुणो परिवडंतस्स अजहन्नस्स साइओ बंधो । तं ठाणमपत्तपु-

व्वस्स अणाइओ । धुवो अमव्वस्स, बंधवोच्छेदाभावात् । अद्दुवो मव्वस्स, णियमा बंधवोच्छेयं काहिति ति । जहन्नउक्कोसाणु-
 क्कोसे य पडुच्च भन्नइ, 'सेसंमि उ दुविगप्पो' ति जहन्नउक्कोसअणुक्कोसेसु जहन्नगे कारणं पुव्वुत्तं । इयाणि उक्कोसाणुक्कोसं
 पडुच्च भन्नइ-एएसि चउण्हं घाइकम्माणं उक्कोसगो अणुभागबंधो सन्निमि मिच्छदिट्ठिमि पज्जत्तगंमि सव्वसंकिलिद्धंमि एकं
 वा दो व समया लब्धति, सो साइओ अद्दुवो य । तं मोत्तूण सेसो सव्वो जाव जहन्नो ताव अणुक्कोसो । ततो उक्कोससंकि-
 लेसाओ परिवडंतस्स अणुक्कोसं बंधंतस्स साइओ, पुणो जहन्नेणं अंतोमुहुत्तेणं उक्कोसेणं अणंतानंताहि ओसप्पिणितस्स-
 प्पिणीहिं पुणो उक्कोससंकिलिद्धो णियमा उक्कोसाणुभागं बंधइ, तं बंधंतस्स अणुक्कोसस्स अद्दुवो, उक्कोसस्स साइओ, एवं
 उक्कोसाणुक्कोसेसु परियट्ठन्ति ति सव्वत्थ साइओ अद्दुवो य, दोवि मिच्छदिट्ठिमि लब्धंति ति काउं । 'अणुक्कोसो वेयणीयणा-
 माणं' ति साइयअणाइयाइं संबज्जंति, वेयणीयणामाणं अणुक्कोसो अणुभागबंधो साइयाइचउविगप्पो वि लब्धइ । कहं ?
 भन्नइ, वेयणीयणामाणं उक्कोसो अणुभागबंधो सुद्धमसंपरागखवगस्स चरिमसमए लब्धइ एकं समयं, तन्बंधकेसु सव्वविसु-
 द्धो ति काउं, सो य साइओ अद्दुवो य । तं मोत्तूण सेसो जाव जहन्नो ताव सव्वोवि अणुक्कोसो, सुद्धमसंपरागउवसामगस्स
 चरिमसमए णामवेयणियाणं बंधे वोच्छिन्ने उवसंतकसायट्ठणाओ परिवडंतस्स अणुक्कोसाणुभागबंधंतस्स साइओ, तं ठाणम-
 पत्तपुव्वस्स अणाइओ, धुवो अमव्व्वाणं, उक्कोसबंधस्स तन्बंधवोच्छेयस्स वा अभावात् । अद्दुवो मव्व्वाणं, णियमा बंधवो-
 च्छेयं काहिति ति । 'सेसंमि दुविगप्पो' ति उक्कोसजहन्नाजहन्नेसु ठाणेसु साइओ अद्दुवो य बंधो, उक्कोसे कारणं पुव्वुत्तं,
 एएसि दोण्हं जहन्नगं अणुभागबंधं सम्मदिट्ठी वा मिच्छदिट्ठी वा मज्झिमपरिणामो बंधइ । कहं ? भन्नइ, जइ विसुद्धो सुभाणं
 तिब्बं रसं बंधइ, अह संकिलिद्धो तो असुभाणं रसं तिब्बं बंधइ, तेण मज्झिमपरिणामगाहणं, तं जहन्नेणं एकं समयं उक्कोसेणं
 चत्तारि समया, तओ विसुद्धो वा संकिलिद्धो वा अजहन्नं बंधइ, तस्स साइओ, पुणो मज्झिमपरिणामो कालंतरेण जहन्नं
 बंधइ, तस्स अजहन्नस्स अद्दुवो, जहन्नस्स साइओ, एवं जहन्नाजहन्नेसु परिममंति संसारत्था जीव ति, तेण सव्वत्थ साइओ

अद्भुतो य बंधो । 'अजहन्नमणुकोसो गोप अणुभागबंधमि'ति गोयस्स अजहन्नाणुकोसो बंधो साइयाइचउविगप्पोवि लब्भइ, कहं ? भन्नइ, गोयस्स उक्कोसाणुकोसो य जहा वेयणोयणामाणं तहा भावेयव्वं । इयाणि जहन्नाजहन्नो भन्नइ । गोत्तस्स सव्वजहन्नो अहे सत्तमपुढविणेरइयस्स सम्मत्तउप्पापमाणस्स अहापवत्ताई करणाई करेतु मिच्छत्तस्स अंतकरणं किञ्चा पढम-
ठिईए परिहायमाणीए जाव चरिमसमयमिच्छदिट्ठी जाओ, तस्स णीयागोयतिरियदुगाई भवपच्चएण जाव मिच्छत्तभावो ताव वज्झंति स्ति तस्स चरिमसमयमिच्छदिट्ठिस्स णीयगोत्तं पडुच्च सव्वजहन्नगो अणुभागबंधो एकं समयं लब्भइ, तम्हा साइको अद्भुतो य, तओ से काले सम्मत्तं पडिवन्नस्स गोत्तस्स अजहन्नओ बंधो, सम्मदिट्ठी उच्चागोत्तं बंधइ, तं जहन्नं न भवइ स्ति, तत्थ अजहन्नस्स साइओ अणाइओ तं ठाणमपत्तपुव्वस्स, धुवाऽधुवौ पूर्ववत् । 'सेसंमि उ दुविगप्पो'ति उक्कोसजहन्नेसु साइको अद्भुतो य, कारणं भणियं । 'आउचउक्केवि दुविगप्पो'ति आउगस्स उक्कोसाणुकोसजहन्नाजहन्नो अणुभागबंधो साइओ अद्भुतो य, अद्भुतबंधित्वादेव ॥ ६६ ॥ मूलपगईणं साइयाइपरुवणा कया । इयाणि उत्तरपगईणं भन्नइ—

अट्ठण्हमणुकोसो तेयालाणमजहन्नगो बंधो । पेओ हि चउविगप्पो सेसतिगे होइ दुविगप्पो ॥ ६७ ॥

व्याख्या—'अट्ठण्हमणुकोसो'ति 'अट्ठण्हमणुकोसो'णेओ हि चउविगप्पो'ति संबज्झइ, तेयकम्मइगसरीरपसत्थवन्नगंधरस-
फासअगुरुलहुगणिम्मेणमिति । एएसि अट्ठण्हं पगईणं अणुकोसो अणुभागबंधो साइयाइचउविगप्पोवि लब्भइ । कहं ? भन्नइ, एएसि अट्ठण्हं कम्माणं अपुव्वकरणखवगस्स तीसाणं बंधवोच्छेयसमए उक्कोसो अणुभागबंधो भवइ एकं समयं, तब्बंधकेसु अच्च-
तविसुद्धो स्ति काउं, तं मोत्तूण सेसं सव्वं अणुकोसं जाव जहन्नंपि । उवसामगमि बंधवोच्छिन्ने उवसंतकसायो जाओ, तओ परिवडित्तु तं ठाणं पत्तस्स अणुकोसबंधंतस्स साइओ भवति, तं ठाणमपत्तपुव्वस्स अणाइओ, धुवाऽधुवौ पूर्ववत् । 'सेस-
तिगे होइ दुविगप्पो'ति उक्कोसजहन्नाजहन्नेसु साइओ अद्भुतो य । कहं ? भन्नइ, उक्कोसस्स साइअद्भुतत्तं पुव्वुत्तं, एएसि अट्ठण्हं जहन्नगं सन्नमिच्छदिट्ठिमि पज्जत्तगमि उक्कससंकिलिट्ठिमि लब्भइ एकं वा दो वा समया, तओ विसुद्धो अज-

हन्नं बंधइ, पुणो कालंतरेण संकिलिद्धो जहन्नयं बंधइ, एवं जहन्नाजहन्नेसु सव्वे संसारूत्था जीवा परिभमंति त्ति दोसुवि
 साइओ अखुवो य । 'तेयालाणमजहन्नगो बंधो जेओ हि चउविगप्पो'त्ति पंच णाणावरणा नव दंसणावरणा मिच्छत्तं सोलस
 कसाया भयदुगंच्छअपसत्यवन्नगंधरसफासउवघायपंचअंतराइगमिति । एयासि तेयालीसाए पगईणं अजहन्नो अणुभाग-
 बंधो साइयाइचउविगप्पोवि लब्भइ । कहं ? मन्नइ, पंच णाणावरणं चत्तारि दंसणावरणं पंचण्हमंतराइगाणं जहन्नगो अणुभा-
 गबंधो सुहुमरागलवगस्स चरिपसमए वट्टमाणस्स लब्भइ एकं समयं, तं साइयं अधुवं, तं मोत्तूण सेसं सव्वं अजहन्नं जाव
 उक्कोसंपि, उवसामगंमि बंधे वोच्छिन्ने तओ परिवडंतस्स साइयाइया योज्या पूर्ववत् । चउण्हं संजलणाणं अणियट्टिखवगंमि
 अप्पप्पणो बंधवोच्छेयसमए जहन्नगो अणुभागबंधो एकेकं समयं लब्भइ, सो साइओ अखुवो य । उवसमसेटीए बंधवोच्छेयं
 करेतु पुणो परिवडंतस्स अजहन्नस्स साइयादयो योज्या पूर्ववत् । णिहापयलामप्पसत्यवन्नाइउवघायभयदुगुंच्छाणं अ-
 पुव्वकरणलवगमि अप्पप्पणो बंधवोच्छेयसमए जहन्नगो अणुभागबंधो एकेकं समयं लब्भइ, तं मोत्तूण सेसं सव्वं अजहन्नं,
 उवसमसेटीए बंधवोच्छेयं करेतु पुणो बंधकस्स अजहन्नस्स साइयाई योज्या पूर्ववत् । चउण्हं पञ्चक्खाणावरणीयाणं देस-
 विरमो संजमं पडिबज्जितुकामो अणंतविमुद्धो चरिमसमयदेसविरमो सव्वजहन्नं अणुभागं बंधइ, तब्बंधगेसु सव्वविमुद्धो त्ति
 काउं एकं समयं, सो साइओ अखुवो य । तं मोत्तूण सेसं सव्वं अजहन्नं, बंधवोच्छेयं काउं संजयठाणाओ पुणो परिवडंतस्स
 अजहन्नस्स साइयाई योज्या पूर्ववत् । चउण्हं अपञ्चक्खाणावरणीयाणं असंजयसम्महिट्ठी खइगसम्मत्तं संजमं च जुगवं पडि-
 बज्जितुकामो अणंतविमुद्धो चरिमसमयअसंजयसम्महिट्ठी सव्वजहन्नमणुभागं बंधइ एगं समयं, तं मोत्तूण सेसं सव्वं अ-
 जहन्नं, बंधवोच्छेयं काउं संजयदेसविरइठाणाओ वा परिवडंतस्स साइयाई योज्या । यीणगिद्धितिगमिच्छत्तस्स चउण्हमणंता-
 जुबंधिबं अट्टण्हं कम्माणं मिच्छहिट्ठी सम्मत्तं संजमं च जुगवं पडिबज्जितुकामो अणंतविमुद्धो चरिमसमयमिच्छहिट्ठी
 सव्वजहन्नाणुभागं बंधइ एगं समयं, तं साइयं अखुवं मोत्तूण सेसं सव्वमजहन्नं, बंधवोच्छेयं करेतु संजयसंजयाऽसंजय

असंजयसम्महिद्दीठाणामो परिवडंतस्स मज्झमबन्धकस्स साइयार्या योज्या पूर्ववत् । 'सेसतिगे होइ पुविगप्पो' ति जहनु-
कोसाणुकोसेसु अणुभागबंधो साइमो मज्झुवो य । कहं ? मज्झइ, जहन्नगे कारणं पुब्बुत्तं, एतेसिं तेयालीसाए पगडीणं उकोसं
सन्निरुत्तिदिमो मिच्छदिद्दी सव्वपज्जत्तगो सव्वसंकिलिहो बंधइ एकं वा दो वा समया, तं च साइयमज्झुवं, पुणो विसुद्धो
अणुकोसं बंधइ, तस्स साइमो, पुणोवि कालंतरेण सव्वुकोससंकिलिहो उकोसं बंधइ, एवं पुणो विसुद्धो अणुकोसं बन्धाति,
एवं पुणो उकोसं, एवं उकोसमणुकोसेसु परिममंति सव्वे संसारत्था जीवा इति सव्वत्थ साइयमज्झुवं ति ॥ ६७ ॥

उकोसमणुकोसो जहन्नमज्झगो य अणुभागो । साइअज्झुवबंधो पयडीणं होइ सेसाणं ॥ ६८ ॥

व्याख्या—'उकोसाणुकोसो' ति उकोसो अणुकोसो जहन्नो मज्झन्नो य अणुभागबंधो सेसाणं सव्वपगईणं ७३ साइमो
अज्झुवो य, कहं ? अज्झुवबन्धत्वादेव ॥ ६८ ॥ साइयमणाइयपरुवणा कया । इयाणि सुमासुमाणं पगईणं उकोसज्झाणुभागं केण
णिव्वत्तेइ ति तन्निरुवणत्थं मज्झइ—

सुमपयडीण विसोहीइ तिब्बमसुहाण संकिलेसेणं । विवरीए उ जहन्नो अणुभागो सव्वपयडीणं ॥ ६९ ॥

व्याख्या—'सुमपगडीण विसोहीइ तिब्बं' ति सव्वसुमपगईणं उकोसाणुभागं सव्वविसुद्धो तब्बंधकेसु णिव्वत्तेइ ।
'असुमाणं संकिलेसेणं' ति सव्वअसुमाणं पगईणं उकोसाणुभागं तब्बंधकेसु सव्वुकोससंकिलिहो बंधइ । 'विवरीए
उ जहन्नो अणुभागो सव्वपगडीणं' ति उक्तविवरीयाओ जहन्नगं भवइ, सुहपगईणं तब्बंधकेसु सव्वसंकिलिहो जहन्नयं बंधइ ।
असुमपगईणं तब्बंधकेसु सव्वविसुद्धो जहन्नाणुभागं बंधइ ॥ ६९ ॥ सुमासुमपगइणिरुवणत्थं मज्झइ—

बायालंपि पसत्था विसोहिगुणउकडस्स तिब्बाओ । बासीइमप्पसत्था मिच्छुकडसंकिलिहस्स ॥ ७० ॥

व्याख्या—'बायालंपि पसत्था विसोहिगुणउकडस्स तिब्बाओ' ति सायावेयणीयं, तिरियमणुयदेवाउगाणि, मणुयगई, देवगई,
पंचिदियजाई, पंचसरीराणि, समचउरंसंसंठाणं, वज्जरिसमणारायसंघयणं, तिन्नि अंगोवंगाणि, पसत्थवज्जगंधरसफासमणुयदेवा-

पुण्यविष्णुश्च शुभरात्र्या उस्तासथायव उक्तो वषसत्यविहायग इतस्तौ द्वयसंगं शिम्मेण तित्वनरउच्चांगोत्तमिति पयाओ बायालीसं सुमगपगईओ विसोहिगुणेण ओ उक्कडो-प्रकृष्टो तस्स 'तिव्वाओ' ति तिव्वाणुमागाओ भवंति । 'बासीइमप्पसत्या मिच्छुकडंसंकिलिट्टस्स' ति पंच णाणावरणा, अव दंसणावरणा, मसायवेयणीयं मिच्छत्तं सोलस कसाया णव णोकसाया निरयाउगं, निरियागई, तिरियगई, एगिंदियविगलिदियजई माइमवजाणि सैठाणसंधयणाणि, अप्ससत्यवन्नगंवसरफासणिरय-तिरियाणुपुब्बी उवघायं अप्ससत्यविहायगई थावराइसकं णीयागोत्तं पंच अंतराइकमिति । पयाओ बासीई असुमपगईओ मिच्छदिट्टिस्स उकोससंकिलेसे वट्टमाणस्स तिव्वाओ उक्कोसाणुमागाओ भवंति ॥७०॥ बायालीसं सुमपगईओ विसोहिगुण-उक्कडस्स तिव्वाओ भवंतीति सामन्नेणं भणियं, तस्स विभागदरिसणत्थं भञ्जति—

आयवनामुज्जोयं माणुसतिरियाउगं पसत्थासु । मिच्छस्स हुंति तिवा सम्महिद्विस्स सेसाओ ॥ ७१ ॥

व्याख्या—‘आयवणामुज्जोयं माणुसतिरियाउगं पसरथासु । मिच्छस्स होंति तिव्व’ इति आयवणामं, उज्जोयणामं, मणु-
याउगं, तिरियाउगं च । पसरथगईसु पयाओ चत्तारि पगईओ मिच्छइदिट्ठिस्स तिव्वाणुमागाओ भवन्ति । कहं ? मज्झइ, तिरिया-
उगमायवुज्जोयणामाणं बंध एव सम्मदिट्ठीणं जत्थि, मणुयाउगस्स उक्कोसो तिपलिओवमठिईसु लब्धइ । तिरियमणुया स-
म्मदिट्ठिणो मणुस्साउगं ण बन्धन्ति, देवजेरइगा सम्मदिट्ठिणो मणुस्साउगं कम्मभूमिजोगं बन्धन्ति, कम्मभूमिसु
उव्वज्जन्ति इति काउं, मोगभूमिजोगं ण बन्धन्ति इति । कम्हा ! तेसु ण उव्वज्जन्ति इति काउं, तम्हा पयासि चउण्हं उक्कोसो मिच्छा-
दिट्ठिस्सेव । सम्मदिट्ठिस्स ‘सेसाउ’ इति पयाओ चत्तारि मोत्तूण सेसाओ सव्वाओवि सुमपगईओ सम्मदिट्ठिस्स उक्कोसा-
णुमागाओ भवन्ति । कहं ? मज्झइ, मिच्छइदिट्ठीओ सम्मदिट्ठी अणंतगुणधिसुखो इति काउं ॥५१॥ इयानि विसेससामिच्चं मज्झइ-

देवास्तमप्ययत्नो तिष्ठं स्वर्गा करिति वृत्तीसं । बन्धति तिरियमणुया एकारसं पिच्छमपि ॥ ७२ ॥

व्याख्या—“देवाङ्गमप्यमसौ”सि देवाङ्गस्त अप्यमसौ संजगौ तिष्वाणुमां बधइ । कहं । भजइ, तप्यधिकेसु अक्षतवि-

सुखो ति काउं । मिच्छदिट्ठी असंजयसम्मदिट्ठी संजयासंजयपमत्तमपमत्तसंजया य परंपराओ अणंतगुणविसुख ति ।
 ' तिब्बं खवगा करेति बत्तीसं' ति बत्तीसाए पगईणं खवगा तिब्बाणुभागं बंधंति । कहं ? भन्नइ, देवगई, पखिदियज्जई, वेउब्बिय-
 आहारगतेयगकम्मइगशरीरं, समचउरंससंठाणं वेउब्बियआहारगअंगोवंगं, पसत्थवन्नगंधरसफासदेवगइपाओग्गाणुपुब्बी, अ-
 गुरुलहुगं पराघायं उस्सासं पसत्थविहायगई तसाइदसकं जसकित्तिवज्जं, णिम्मेणतित्थकरमिति । एयासि एगूणतीसाए पगईणं
 अपुब्बकरणो खवगो तीसाए कम्मपगईणं बंधवोच्छेयसमए वट्टमाणो तिब्बाणुभागं बंधइ, एकं समयं । कहं ? तच्चंधकेसु
 अओ तो विसुद्धो णत्थि ति । सायावेयणीयजसकित्तिउच्चागोत्ताणं सुहुमसंपरायखवगो चरिमसमए वट्टमाणो उक्कोसाणु-
 भागं बंधइ, एकं समयं । कहं ? भण्णइ, दुचरिमसमयाओ चरिमसमए अणंतगुणविसुद्धो ति काउं । ' बंधंति तिरियमणया
 एक्कारस मिच्छभावेण' ति देवाउगवज्जाणि तिन्नि आउगाणि निरयदुगं विगलिदियतिगं सुहुमं अपज्जत्तकं साधारणमिति
 एयासि एक्कारसण्हं पगईणं उक्कोसाणुभागं तिरियमणुया मिच्छदिट्ठीणो बंधंति । कहं ? भन्नइ, तिरियमणुयाउवज्जाओ
 सेसाओ णववि पगईओ देवणेइगा भवपच्चएणं ण बंधंति । मणुयतिरियाउगाणं उक्कोसाणुभागो भोगभूमिगेसु होइ, तेसु
 देवणेइगा ण उववज्जंति ति अओ तेसु उक्कोसो ण लभइ ति । तम्हा तिरियमणुया सन्निणो मिच्छदिट्ठीणो तप्पाओगवि-
 सुद्धा तिरियमणुयाउगाणं उक्कोसाणुभागं बंधंति, तओ विसुद्धतरा देवाउगं बंधंति, अच्चंतविसुद्धो आउगं ण बंधइ, तम्हा
 तप्पाओगविसुद्ध ति । णिरयाउगस्स तप्पाओगसंकिलिट्ठो उक्कोसाणुभागं बंधइ, अच्चंतसंकिलिट्ठस्स आउगबंधो णत्थि ति ।
 णिरयगइणिरयाणुपुब्बीणं उक्कोससंकिलिट्ठो उक्कोसाणुभागं बंधइ एकं वा दो वा समया, उक्कीससंकिलेसस्स एत्तिओ
 कालोत्थि । विक्कलसुहुमतिकाणं तिरियमणुया सन्निणो मिच्छदिट्ठीओ तप्पाओगसंकिलिट्ठा उक्कोसाणुभागं बंधंति । तओ संकि-
 लिट्ठतरा नरयगइपाओगं बंधंति ति तम्हा तप्पाओगगहणं ॥ ७२ ॥

पंच सुरसम्मदिट्ठी सुरमिच्छो तिन्नि जयइ पयडीओ । उज्जोयं तयतमगा सुरनेइया भवे तिण्हं ॥ ७३ ॥

व्याख्या—‘पंच सुरसम्मदिट्ठि’ स्ति मणुयगई ओरालियसरीरं ओरालियअंगोवन्नं वज्जरिसभणारायसंघयणं मणुया-
 णुपुब्बी य। एपसि पंचण्हं पगईणं उक्कोसाणुभागं देवो सम्मदिट्ठी अञ्चंतविसुद्धो बंधइ एकं वा दो वा समया, विसुद्धिपवि
 एत्तिओ कालो, मिच्छदिट्ठीओ सम्मदिट्ठी अणंतगुणविसुद्धो त्ति। जेरइगावि सम्मदिट्ठिणो अञ्चंतविसुद्धा एताओ बंधंति,
 तेसि किं उक्कोसं ण भवति इति चेत्? उच्यते, जेरइगा तिब्बवेयणाभिभूतत्वात् संकिलिद्धतरा। अन्नं च तित्थकररिद्धिदं-
 सणवयणसुणणाओ देवाणं तिब्बा विसोही भवति, जेरइकाणं तं णत्थि, तम्हा देवेसु चैव उक्कोसो लब्भइ। ‘सुरमिच्छो
 तिभि जयइ पगईओ’ स्ति एगिदियआयवयावराणं उक्कोसाणुभागं ईसाणाओ हेट्ठिआ देवा बंधंति। कहं? भन्नइ, ते अञ्चं-
 तसंकिलिद्धा एगिदियपाओगं बंधंति त्ति काउं। आयवस्स तप्पाओगाविसुद्धो, कहं? जो एगिदियजाईए सव्वखुडुलं ठिइ
 बंधइ तव्वंधकेसु अञ्चंतविसुद्धो ‘सुंमपयडीण विसोहीइ’ सिवयणाओ। तओ विसुद्धो बेइदियजाइ बंधइ, तओ विसुद्धो तेइ-
 दियजाइ, तओ विसुद्धो चडरिदियजाइ, तओ विसुद्धो पंचिदियतिरियपाउगां, तओ विसुद्धो मणुयगइपाओगं बंधइ स्ति,
 तम्हा तप्पाओगागहणं ‘जयइ’ स्ति बंधइ। ‘उज्जोयं तमतमग’ स्ति उज्जोवणामं तमतमाए जेरइगो तिभि करणाई करेत्तु
 संमत्तं पडिबज्जिउकामो चरिमसमयमिच्छदिट्ठी उज्जोयणामस्स उक्कोसमणुभागं बंधइ। कहं? भवपणयाओ तिरियगइ-
 पाओगं बंधइ, तव्वंधकेसु अओ तव्विसुद्धो णत्थि त्ति काउं। ‘सुरनेरइया भवे तिण्हं’ ति तिरियगइसेबट्टसंघयणतिरिया-
 णुपुब्बीणं देवजेरइका सव्वसंकिलिद्धा उक्कोसाणुभागं बंधंति, तिरियमणुया अञ्चंतसंकिलिद्धा णिरयपाओगं बंधंति त्ति तेसु
 ण लब्भइ। छेवट्टस्सं उक्कोसो ईसाणंतेसु देवेसु ण लब्भइ। कहं? ते अञ्चंतसंकिलिद्धा एगिदियपाओगं बंधंति त्ति काउं। ७३॥

सेसाणं चउगइया तिवाणुभागं करिति पयडीणं। मिच्छदिट्ठी नियमा तिक्कसाउकटा जीवा ॥ ७४ ॥

व्याख्या—‘सेसाणं चउगइय’ स्ति भणियसेसाणं सव्वपगईणं उक्कोसाणुभागं चउगइकावि मिच्छादिट्ठीणो तिक्कसाया

तिव्यसंकिलिष्टा य जीवा बंधंति । कइ ? मअइ, सब्वेसिं सव्वाओ जोग्गाओ सि काउं । जाणावरणं वंसजावरणं असाय-
वेयणीयं मिच्छत्तं सोलसकसाया अपुंसकवेयमरइसोकमयवुगुच्छा हुइसंठाणं अप्पसत्थवज्जणवरसफासउवघायमप्पस-
त्यविहायगइमयिरव्वमुमुदुमगुस्सरवणाप्पअजसकिप्पिणीमागोसपंचय्येतराइनमिति । अप्पसिं कम्माणं वउंगइकावि मिच्छा-
दिट्ठिणो सव्वसंकिलिष्टा उक्कोसाणुभागं बंधंति । हासरइइत्थिवेवपुरिसवेयमाइअत्तकअसंठाणसंधयणाणं तप्पाओमसंकिलि-
ष्टो सि वत्तव्वं । जइ तिरियमणुया तो पिरयगइसहियं बद्धमाणा अप्पसिं उक्कोसमणुभागं बंधंति, जाव अट्टारससागरोवमको-
डाकोडीओ बंधंति । तओ विसुद्धतरा पंगिदियजाइसुहुमअपज्जत्तगसाहारणतिगसहियं तिरियगइणामं अट्टारससागरोवमको-
डाकोडीओ बंधंति । तओ विसुद्धतरा वेइदियजाइ सेवट्टसहियं अट्टारस किंचूणं । तओ विसुद्धतरा तेइदियजाइसहियं अट्टा-
रससागरोवमं किंचूणं । तओ चउरिदियसहियं अट्टारससागरोवमं । तओ वामणं कीलियं च पंचिदियजाइसहियं अट्टा-
रससागरा किंचूणा बंधंति, एवं जाव सोलससागरोवमकोडाकोडीओ बंधंति । तओ विसुद्धतरो खुज्जअद्धनारायसहियं
तिरियगइपाओगं सोलससागरोवमकोडाकोडीओ बंधइ जाव पन्नरस ति । तओ विसुद्धतरो अतीयसंठाणसंध-
यणसहियं मणुस्सगइपाओगं पन्नरससागरोवमकोडाकोडीओ बंधन्ति, तओ विसुद्धतरो साइणारायसहियं चोइससागरोवमको-
डाकोडीओ बंधन्ति, तओ विसुद्धतरो निगोहसंठाणवज्जणारायसंधयणसहियं बारससागरोवमकोडाकोडी बंधन्ति, अप्पसिं पंचवहं
संठाणं संधयणाणं अप्पप्पणो उक्कोसठिइबंधे उक्कोसाणुभागसंमघो होज्जा, असुमत्ताओ, तम्हा माइअंतिमवज्जाणं तप्पाओ-
मासंकिलिष्टो सि वत्तव्वं । जइ देवणेइगा तो पुब्बुत्ताणं उक्कोसं उक्कोससंकिलेसेणं तिरियगइहुइसेवट्टसहियं बंधंति,
तओ विसुद्धतरा वामणकीलियसहियं, ततो विसुद्धतरा खुज्जअद्धनारायसहियं, तओ विसुद्धतरा साइणारायसहियं, ततो
विसुद्धतरा निगोहसंठाणवज्जणारायसहियं उक्कोसं बंधंति । जइ ईसाणंता देवा तो पुब्बुत्ताणं उक्कोसं वीसं सागरोव-
मकोडाकोडी वावरपंगिदियजाइसहियं बंधंति । ततो विसुद्धतरा पंचिदियजाइतससेवट्टसहियं अट्टारस, तओ विसुद्धतरा

वामणखीलियसहियं किंचूणं अङ्गारससागरोवमकोडाकोडी बंधंति । तयो विसुद्धतरा सुज्जवणारायसहियं सोलससाम-
रोवमकोडाकोडीयो, तयो विसुद्धतरा मणुस्सगइसहियाणि ताणि चेव अइयसंठाणसंधयणाणि पन्नरससागरोवमकोडाकोडी ।
तयो विसुद्धतरा साविणारायसहियं चोइससागरोवमकोडाकोडी तयो विसुद्धतरा णिमोहवज्जणारायसहियं बारससा-
गरोवमकोडाकोडी । तम्हा एएसि तप्पाओमासंकिलिट्ठो ति वत्तब्बं, एत्थ सम्मदिट्ठिमिच्छदिट्ठि ति जं नामग्गहणं कुर्यं,
तं तेसु चेव सम्मदिट्ठिमिच्छदिट्ठिसु उक्कोसाणुभागपाओग्माणं पयडीणं जाणावणत्थं । तिच्चकसाउक्कड ति जं भणियं, तत्थ
इगविगलअसणिणपंचेदियअपज्जत्तगनरतिरियअसंखेज्जवासाउयमणुसोववायदेवा य एएसि सव्वाणुकोससंकिलिट्ठ ति उक्को-
साणुभागबंधप्पाउग्गा न भवन्ति ति तेसि पडिसेहणत्थं भणियं । उक्कोसाणुभागबंधो भणितो, इयापि जहन्नाणुभागबंधो भन्नइ ॥७४॥

चोइस सरागचरिमे पंचगमनियट्ठि नियट्ठिएकारं । सोलस मंदणुभागं संजमगुणपत्थिओ जयइ ॥ ७५ ॥

व्याख्या—‘चोइस सरागचरिमे’ ति पंच णाणावरणं चउ दंसणावरणं पंचण्हमंतराइगाणं एतेसि चोइसण्हं कम्माणं
सुहुमसंपरायखवगो चरिमसमए वट्टमाणो जहन्नाणुभागं करेइ, कहं ? तब्बंधकेसु अश्वंतविसुद्धो ति काउं, एगं समयं लभ-
ति । ‘पंचगमनियट्ठि’ ति पुरिसवेयस्स चउण्हं संजलणाणं य, अणियट्ठिखवगो अप्पप्पणो बंधवोच्छेदसमए वट्टमाणो
जहन्नाणुभागं करेइ एक्केकं समयं । कहं ? तब्बंधकेसु विसुद्धो ति काउं । ‘नियट्ठि एकारं’ ति णिहापयलाअप्पसत्थवन्न-
गंधरसफासउवघातहासरतिभयदुगुंच्छाणं एतेसि एकारसण्हं अपुव्वकरणखवगो एएसि अप्पप्पणो बंधवोच्छेदसमए वट्ट-
माणो जहन्नाणुभागं करेइ एक्केकं समयं, तब्बंधकेसु सव्वविसुद्धो ति । ‘सोलस मंदणुभागं संजमगुणपत्थिओ जयति’ ति
थीणगिद्धितिगं मिच्छत्तं संजलणवज्जबारसकसाया एएसि सोलसण्हं कम्माणं संजमं से काले पडिवज्जति ति तस्स जहन्
भवति । कहं ? थीणगिद्धितिगमिच्छत्तानंताणुपंचीणं एतेसि अट्ठण्हं कम्माणं चरिमसमयमिच्छदिट्ठि से काले संमत्तं संजमं च
जुगवं पडिवज्जिउकामो जहन्नाणुभागं करेइ । अप्पक्कन्नाणावरणाणं असंजयसम्मदिट्ठि से काले संजमं पडिवज्जिउकामो जइ

करेइ, कारणं भणियं । पण्णक्खाणावरणार्ण देसविरयस्स से काले संजमं पडिबज्जिउकामस्स जहन्नं भवति, कारणं भणियं ॥ ७५ ॥

आहारमप्पमत्तो पमत्तमुद्धो उ अरइसोगार्ण । सोलस माणुसतिरिया मुरनारगतमतमा तिन्नि ॥ ७६ ॥

व्याख्या—‘आहारमप्पमत्तो’ इति आहारगदुगस्स अप्पमत्तसंजओ से काले पमत्तभावं पडिबज्जिउकामो मंदाणुभावं करेति । कहं ? तच्चंधकेसु अञ्चंतसंक्किलिट्ठो इति काउं । ‘पमत्तमुद्धो उ अरतिसोगार्ण’ इति अरतिसोगार्णं पमत्तसंजओ से काले अप्पमत्तभावं पडिबज्जिउकामो जहन्नं करेइ । कहं ? तच्चंधकेसु अञ्चंतविसुद्धो इति काउं । ‘सोलस माणुसतिरिय’ इति चत्तारि आउगाणि गिरियदेवगतितदाणुपुब्बीओ वेउव्वियसरीरं वेउव्वियंगोवंगं विगलतिगं सुहुमं अपज्जत्तकं साहारणं इति एतेस्सि सोलसण्हं कम्माणं तिरियमणुया जहन्नाणुभागं करेति । कहं ? भन्नइ, गिरियाउगस्स जहन्नाणुभागं दसवाससहस्सियं ठितिं णिव्वत्तेतो तप्पाओग्गविसुद्धो बंधइ, विसुद्धस्स बंधो णत्थि इति । सेसाणं तिण्हमायुगाणं अप्पप्पणो जहन्नकं ठितिं णिव्वत्तेतो तप्पाओग्गसंक्किलिट्ठो जहन्नाणुभागं करेइ, अइसंक्किलिट्ठस्स बंधो णत्थि इति काउं । देवणेइगा तिरियमणुयाउगाणं जहन्नियं ठितिं ण णिव्वत्तेति, तेसु ण उव्वज्जंति इति काउं । निरयदुगस्स अप्पप्पणो जहन्नठिइं बंधमाणो तप्पाओग्गविसुद्धो जहन्नाणुभागं करेइ, तच्चंधकेसु अञ्चंतविसुद्धो इति काउं । विसुद्धयरा तिरियगइयाइं बंधंति इति तप्पाओग्गगहणं । वेउव्वियदुगस्स जहन्नाणुभागं निरयगइसहियं वीसं सागरोवमकोडाकोडिं बंधमाणो बंधति । कहं ? भन्नइ, तच्चंधकेसु अञ्चंतसंक्किलिट्ठो इति काउं । देवदुगस्स अप्पप्पणो उक्कोसठित्तिबंधमाणो तप्पाओग्गसंक्किलिट्ठो जहन्नं करेइ, तच्चंधकेसु अञ्चंतसंक्किलिट्ठो इति काउं । तओ संक्किलिट्ठतरो मणुस्सगतिआदिं बंधति इति तप्पाओग्गगहणं, विगलतिगसुहुमतिगाणं तप्पाओग्गविसुद्धो जहन्नं करेइ, जइ विसुद्धो तो पंचेदियजाइं बंधइ इति तेण तप्पाओग्गगहणं, एयाओ भवपच्चयाओ देवणेइका ण बंधंति इति । ‘मुरणारगतमतमा तिन्नि’ इति मुरणारमा तिन्नि तमतमा तिन्नि इति ओरालियसरीरं ओरालियंगोवंगं उज्जोवमिति एतास्सि तिण्हं जहन्नाणुभागं देवा णेरइगा तिरियगतिसहियं वीसं सागरोवमकोडाकोडिं बंधमाणा, तत्थवि उक्कोसे

संकिलेसे वट्टमाणा बंधंति, तब्बंधकेसु अच्चंतसंकिलिट्ठो त्ति काउं । तिरियमणुया अच्चंतसंकिलिट्ठा णिरयपाओगं बंधंति त्ति तेण तेसु ण लब्धमति, ओरालियअंगोवंगस्स ईसाणंतेसु देवेषु जहन्नं ण लब्धइ । कहं ? ते अच्चंतसंकिलिट्ठा एगिंदियजाति बंधंति त्ति । 'तमतमा तिसि' त्ति तिरियगतिरिरियाणुपुव्विणीयागोत्ताणं अहे सत्तमपुढविणेरइको सम्मत्ताहिमुहो करणाइं करेत्तु चरिमसमप मिच्छदिट्ठी भवपच्चण ते तिसिवि बंधइ, जाव मिच्छत्तभावो, तस्स सव्वजहन्नो अणुभागो भवति । कहं ? तब्बंधकेसु अच्चंतविसुद्धो त्ति ॥ ७६ ॥

एगिंदियथावरयं मंदणुभागं करेति तिगईया । परियत्तमाणमज्झिमपरिणामा नेरइयवज्जा ॥ ७७ ॥

व्याख्या—'एगिंदियथावरयं' ति एगिंदियजातियावरणामाणं जहन्नाणुभागं णेरइगे मोत्तूण सेसा तिगतिगावि परियत्तमाणमज्झिमपरिणामा बंधंति, परावृत्य परावृत्य पगतीओ बंधंति त्ति परियत्तमाणं, जहा एगिंदियं थावरयं, पंचिदियं तसमिति । तेसुवि जे मज्झिमपरिणामो जइ विसुद्धो तो पंचिदियजातितसणामाणं तिब्वाणुभागं करेति, अह संकिलिट्ठो तो एगिंदियजातियावरणामाणं अणुभागं तिब्बं करेति, तम्हा मज्झिमपरिणामो तुलादंडवत् । णेरइका मव्वपच्चण ण बंधंति त्ति ॥ ७७ ॥

आसोहम्मायावं अविरइमणुओ य जयइ तित्थयरं । चउगइउकडमिच्छो पन्नरस दुवे विसोहीए ॥ ७८ ॥

व्याख्या—'आसोहम्मायावं' ति आसोहम्मो त्ति सोहम्मग्गहणात् ईसाणोवि गहिओ, एकधेणित्वात् आसोहम्मा देवा आतवनामस्स सव्वसंकिलिट्ठा एगिंदियजाति वीसं सागरोवमकोडाकोडिं बंधमाणा आतपस्स जहन्नं अणुभागं बंधंति, तब्बंधकेसु अच्चंतसंकिलिट्ठो त्ति काउं । 'अविरइमणुओ य जयति तित्थकरं' ति असंजतसम्मदिट्ठी मणुओ णरकं बद्धासुगो णिरयाहिमुहो मिच्छत्तं से काले पडिवज्जाहि त्ति तित्थकरणामस्स जहन्नाणुभागं करेइ, तब्बंधकेसु अच्चंतसंकिलिट्ठो त्ति काउं । 'चउगतिउकडमिच्छो पन्नरस' त्ति पंचिदियजातितेजइकम्मइकसरीरं वज्जगंधरसफासा पसत्था अगुरुल्लपुपराघाय-उस्सासतसबायरपज्जत्तगपत्तेगणिम्मेणमिति । एतासि पन्नरसण्हं पगतीणं जहन्नाणुभागं चउगतिगावि मिच्छदिट्ठी

सम्बसंकिलिङ्गा बंधंति । कर्ह ? भवद्, तिरियमनुया मिरयगतिस्सदियं जहोसं ठिति बंधमाणा मतिसंकिलिङ्गा एतासि जह-
आणुभागं बंधंति, सुहाओ सि काउं । ईसाणंतवजा देवा पेवजगा विरियगपेविजयजाहसदियं बंधमाणा जहआणुभागं कर्हेति,
पंचेदियजातितसणामबजाणं ईसाणता देवा पगिदियजातिसदियं बंधमाणा सम्बसंकिलिङ्गा जहअं बंधंति, पंचिदियजाति-
तसणामाणं तत्थ जहअं ण लभमति । कर्ह ? विसुखतरो बंधति सि काउं । 'दुवे सिओहिं य' ति णपुंसगइत्थिवेदाणं जह-
अं चउगतिगा मिच्छदिट्ठी तप्पाओमाविसुखा बंधंति, तमो विसुखतरो पुरिसवेदं बंधंति चि काउं । तयन्नि णपुंसगवेदस्स
जहअं संकिलिङ्गतरो बंधद्, तमो विसुखतरो इत्थिवेदस्स ॥ ७८ ॥

सम्मदिट्ठी मिच्छो व अट्टपरियत्तमज्झिमो जयति । परियत्तमाणमज्झिममिच्छदिट्ठीओ तेवीसं ॥ ७९ ॥

व्याख्या—'सम्मदिट्ठी मिच्छो व अट्टपरियत्तमज्झिमो जयति' ति सातासातं यिरायिरं सुहासुहं असकित्तमज-
सकित्ति एतेसि अट्टण्हं कम्माणं जहआणुभागं सम्मदिट्ठी वा मिच्छदिट्ठी वा बंधति । कर्ह ? सातावेदणीतस्स उक्कोसिया
ठिती पञ्चरससागरोक्ककोडाकोडीओ तप्पाओमासंकिलिङ्गो बंधद्, तमो पमिति जाव असातस्स उक्कोसिता ठिडि चि ताव
संकिलिङ्गो संकिलिङ्गतरो संकिलिङ्गतमो य उत्तरुत्तरं बंधति, तेण एतेसु ठितिठण्णेषु जहअयं ण लभमति, तं संकिलिङ्गो सि
काउं । समऊणाओ उक्कोसठितिओ आदवेत्तु जाव असातस्स सम्मदिट्ठिजोग्गा जहअठिती ताव एतेसु ठितिठण्णेषु सम्म-
दिट्ठिमिच्छदिट्ठिजोग्गेषु सव्वेसुवि सव्वजहअगो परिणामो तत्तुलो लभमति, परियत्तिय परियत्तिय ठिइ बंधमाणस्स
सम्मदिट्ठिजोग्गस्स असायजहअठितिओ आदवेत्तु जाव सातस्स सम्मदिट्ठिजोग्गा जहअिया ठिति चि ताव विसुखो विसुखतरो
विसुखतमो य ऊणूणं बंधंति चि एतेसु ठितिठण्णेषु जहअयं न लभमति, जो एकं चेव पगतिं बंधद् सो संकिलिङ्गो वा
विसुखो वा भवति चि, तेण परियत्तमाणमज्झिमपरिणामगहणं, पगतीओ पगतिसंकमणे मंदो परिणामो लभमति चि । एवं
यिरायिरसुहासुहजसकित्तमज्झिमसकित्तिणं भावेयव्वं । 'परियत्तमाणमज्झिममिच्छदिट्ठीओ तेवीसं' ति मणुयगती तयाणुपुब्बी

छसंठाणं छसंघयणं विहायगतिदुगं सुभगदुभगं सुस्सरदुस्सरं आपज्जअणाएज्जं उच्चागोत्तमिति एतेसि तेवीसाए पगडीणं चउगतिगावि भिच्छादिट्ठी परियत्तिय परियत्तिय ते बंधमाणा मज्झिमपरिणामा जहन्नाणुभागं बंधंति । कहं ? भन्नइ, सम्म-
 दिट्ठीसु एतासि परिवत्तणं णत्थि त्ति काउं । कथं नास्ति इति चेत् ? भन्नइ, संमदिट्ठी जो मणुयदुगवज्जरिसभाणं बंधको सो देवदुगं ण बंधति, देवदुगबंधको मणुयदुगवज्जरिसभं ण बंधति । समचउरंसपसत्थविहायगतिसुभगसुस्सरआदेज्जउच्चागो-
 त्ताणं पडिक्खा सम्मदिट्ठीसु णत्थि त्ति तेण ण लब्भति । सुभपगतीणं अप्पप्पणो उक्कोसठितिओ आढवेत्तु जाव असुमपग-
 तीणं अप्पप्पणो सव्वजहन्निया ठिइ त्ति ताव एत्थंतरेसु सव्वठितिठाणेसु ण विसुद्धो णाधमो संकिलेसो पगतीओ पगतिसं-
 कमे लब्भति त्ति तेण एत्थ सव्वजहन्नाणुभागो तेवीसाए पगतीणं । छसंठाणच्छसंघयणाणंपि हुंडासंपत्तवज्जाणं अप्पप्पणो उक्कोसठितीओ आढवेत्तु समचउरंसवज्जरिसभनारायवज्जाणं जाव अप्पप्पणो जहन्निया ठिति त्ति एत्थंतरे सव्वजहन्नाणुभागो लब्भति । हुंडासंपत्ताणं वामणखीलियसंठाणसंघयणाणं उक्कोसप्पभिति जाव अप्पप्पणो जहन्नगो ठितिबंधो ताव एतेसु ठितिठाणेसु जहन्नगं लब्भति । समचउरंसवज्जरिसभाणं अप्पप्पणो उक्कोसठितीओ जाव णिग्गोहं वज्जनारायं जहन्निया ठिती ताव एतेसु ठितिठाणेसु जहन्नगं लब्भइ, हेट्ठओ विपक्खाभावात् विसुद्धत्वाच्च जहन्नाणुभागो ण लब्भति, जाओ तप्पाओग्ग-
 विसुद्धस्स संकिलिद्धस्स वा अक्खाताओ पगतीओ तासि सव्वासि एस कमो ॥७९॥ सामित्तं भणितं, इयाणि घातिसुभासुभठाण-
 पच्चयविपाका य पदंसिज्जंति, अणुभागसभाव त्ति काउं पढमं घातिसंज्ञा, सव्वाओ पगतीओ सामन्नेणं तिप्पगराओ हवंति, तं० सव्वघाती देसघाती अघाती त्ति । तत्थ सव्वघातिनिरुवणत्थं भन्नइ—

केवलनाणावरणं दंसणल्लकं च मोहवारसगं । ता सव्वघाइसन्ना हवंति मिच्छत्त वीसइमं ॥ ८० ॥

व्याख्या—‘केवलनाणावरणं’ ति केवलनाणावरणं चक्खुमचक्खुओहिदंसणवज्जाणि छावि दंसणाणि संजलणवज्जा-
 वारसकसाया एते सव्वघातिणामा भवंति, ‘मिच्छत्त वीसइमं ति । कहं ? णाणदंसणसद्वहणचारित्ताणि सव्वं घातेति त्ति

सम्बन्धाणो, केवलणाणावरणं सम्बन्धबोधावरणं, सेसचउणाणविसएस्सु तस्स आवरणविसयो णत्थि, अहं होज्ज अचेयणा जीवा होज्जा । “ सुद्धुवि मेहसमुदए होंति पमा धंदसुराण ” ति तेसि मेघाणं समाधादेव तारिस्सी सत्ती णत्थि, अहं सव्वं न किञ्चि दीसति, एवं केवलणाणावरणस्सवि सहाधादेव तारिस्सी सत्ती णत्थि अहं ण किञ्चि जाणइ स्ति । मेघावरियसेसपहाए अन्ने पुणो वाघायकरा कडकवाडादयो तरतमेण अहं ण किञ्चिवि दीसति तेहिपि तम्मत्ताभासं अत्थि, एवं केवलणाणावरियसेसस्स णेयविसयस्स तस्स य चत्तारि वाघातकरा मत्तिणाणावरणादयो, तेसि खयोवसमततरतमेण विज्ञाणविबुद्धी भवति, एगिदियादि जाव सव्वक्खओवसमलसिंसंपन्नोत्ति । एवं सव्वत्थ सव्वदेसघातिम्मि जोएज्जा । ‘ दंसणछक्कं ’ ति णिहापणं केवलदंसणावरणं च एतेसि उदए वट्टमाणो सव्वंपि पेक्खयव्वं ण पेक्खइ, सव्वस्स दंसणमावरेति ण दे-सस्स, जओ णिहावत्थायामवि केत्तियोवि अचक्खुदंसणविसयो अत्थि, एत्थावि पुब्बुत्तमेहदिद्वंतो दंद्वव्वो । अहंवा कोवि राया क-स्सवि रुद्धो सव्वस्सहरणादि अवराहाणुरूवं दंडं करेइ, एवं सम्बन्धातितम्मत्ते ठाति, दंडियसेसस्स दव्वस्स सरीरादिस्स वा अन्ने दायिकादयो विणासकरा तरतमेण उट्टेज्ज, जाव सरीरविणामो स्ति । एवं सम्बन्धातिअणावरिष दारिसणविसए अन्नं चक्खुदंसणावरणादिणो तिअि तद्देसमावरेति तेसि खयोवसमततरतमेण दारिसणवुद्धी भवति, एगिदियादि जाव सव्वक्खयो-वसमलसिंसंपन्नोत्ति । चक्खुअचक्खुओहिदंसणपाओग्गे अत्थे ण पेक्खइ स्ति ‘ केवलदंसणावरणोदयो ण भवति, किंतु तेसि चेव तिण्णमावरणेण ण पेक्खइ, एतेसि जे अण्पाओग्गे अत्थे ण पेक्खति स्ति सो केवलदंसणावरणोदयो, केवलस्स तथावरणस्सए छउमत्यविसयाऽणवबोह विषयमेदात् इति चेत् ? तन्न, सर्व्वज्ञेयावबोधलामे देशलाभानुप्रवेशात्, ग्रामलामे क्षेत्रलामादिवत् । (चारेत्त) ‘ मोह बारसगं ’ ति भगवया पंणीत्तं पंचमहव्वयसहियं अट्टारससीलंगसहस्सकलियं चारित्तं घापंति स्ति सम्बन्धाणो, ण देस [विरइ] आइणो, ता तेसि खओवसमविसेसेण मंसविरयादि जाव चरिमाणुमति स्ति यिर-

ति विसेसो न भवति । जइवि अञ्चतोदओ तहावि अयोगाहारादिवरिनि भवति, एत्थवि मेघदिट्ठतो । मिच्छत्तं सव्वत्थवीय-
रागोपदिट्ठतच्चपदत्थरुचिपडिघातं करेति त्ति सव्वघाती, तस्स स्वओवसमविसेसेण माणुस्स सद्दहणादि जाव जीवादीणं च
सद्दहणता । अञ्चतोदपवि केसिचि दव्वविसेसाणं सद्दहणता भवति, एत्थवि मेघदिट्ठतो ॥८०॥ इयाणि देसघातीओ भन्नति—

नाणावरणचउक्कं दंसणतिगमंतराइए पंच । पणुवीस देसघाई संजलणा नोकसाया य ॥ ८१ ॥

व्याख्या—‘नाणावरणचउक्कं’ ति केवलणाणावरणवज्जाणि चत्तारि णाणावरणाणि, चक्खुअचक्खुओहिदंसणावर-
णाणि, पंचवि अंतराइगाणि, चत्तारिवि संजलणा, णव नोकसाया, एते देसं घायंति त्ति देसघाणो, कहं? भन्नइ-आभिणि-
बोहियणाणावरणादीणि चत्तारिवि केवलणाणावरणीएण अणावरियणेयविसयदेसो तं घापंति त्ति देसघातिणो, पंचण्हमिदियाणं
मणोउट्ठाणं जे विसया ते आवरेति त्ति अभिणिबोहियणाणावरणं, तव्विसयातीते अत्थे न जाणति त्ति तस्सोदयो ण भवति ।
एवं सुयणाणविसया जे अत्था ते आवरेइ त्ति सुयणाणावरणं, रूव्विदव्वाणि ण जाणइ त्ति ओहिणाणावरणं, अरूवीणि ण
जाणइ त्ति तस्सोदयो ण भवति, अणंतानंतपपसियसंघविसए अत्थे आवरेइ त्ति मणपज्जवणाणावरणीयं तव्विसयअ-
तीए पोग्गले अरूविदव्वाणि ण जाणइ त्ति तदुदयो ण भवति त्ति । चक्खुदंसणादीणि तिभिवि दंसणाणि केवलदंसणावरणी-
येअ अणावरियदंसणविसयदेसो तं घापंति त्ति देसघातिणो । गुल्लडुकाणंतपदेसियाणि संघाणि आवरेति त्ति चक्खुदंसणा-
वरणं, सेसे पोग्गले अरूविदव्वाणि य ण पेक्खति त्ति तस्सोदयो ण भवति । सेसिदियमणोविसए अत्थे आवरेति त्ति अ-
चक्खुदंसणावरणं, तव्विसयातीते अत्थे ण पेक्खति त्ति तस्सोदओ ण भवति । ओहिदंसणं ओहिणाणवत्त । दानंतराइगा-
दीणि पंचवि देसं घापंति । कहं? भन्नइ-गहणधारणजोग्गाणि पोग्गलदव्वाणि ताणि ण देइ, ण लहइ, ण भुंजइ ण
परिभुंजइ त्ति, दानलाममोगपरिभोगंतरायिकाणि सव्वदव्वाणमणंतिमे भागे तेसि विसयो, कमेव बत्तघातंति त्ति देसघा-
इओ, सव्वदव्वाइ ण देति, ण लहति, न भुंजति त्ति, न परिभुंजइ त्ति, तेसि उदओ ण भवइ, अशक्यत्वात् ग्रहणधारणक्य ।

एतेसिं स्रयोवसमविसेसाओ अणेगा लद्धिविसेसा उप्पज्जंति । वीरियंतराहस्स देसघातित्तं कहं ? मन्नाइ-सम्भं वीरियं भावरेह
 ति, (सम्भघाई) एवं णत्थि, जओ एगिदियस्स वीरियंतराहगस्स कम्मस्स अट्ठुप्प वट्ठमाणस्सवि आहारपरिणामणकम्मगहणगत्य-
 न्तरगमणादि अत्थि, तओ पमिति वीरियविसेसं घातेति ति देसघाती, देसघाईयस्स स्रयोवसमविसेसेण एगिदियादि उत्तरुत्तरं
 वीरियबुद्धी अणेगमेयभिन्ना आव केवलि ति । केवलमि स्रयसंभूयं सव्ववीरियं, सव्वं वीरियं ण घातेति ति देसघाति । 'संजलणा
 णोकसाया य' ति लद्धस्स चारित्तस्स देसघाते वट्ठंति । कहं ? मन्नाइ-मूलत्तरगुणातिवारो एतेसिं उदयाओ भवति ति ।
 उक्तं च—“ सव्वेवि य अतियारा संजलणाणं तु उदयओ होति । मूलच्छेज्जं पुण बारसण्हमुदप कसायाणं ॥१॥ ” कसायसह-
 वत्तिणो णोकसाया ॥ ८१ ॥

अवसेसा पयडीओ अघाइया घाइयाहि पलिभागा । ता एव पुन्नपावा सेसा पावा मुणेयन्वा ॥ ८२ ॥

व्याख्या—‘ अवसेसा पयडीओ अघाइया घाइयाहि पलिभाग ’ ति सेसाओ वेयणियायुगणामगोत्तपगईओ अघाइयाओ ।
 कहं ? णाणदंसणचरित्तादिगुणे ण घातेति ति । ‘ घाइयाहि पलिभाग ’ ति घाइकसहशा इत्यर्थः । तेहिं सहिया तत्तुल्ला भवंति,
 जहा अचोरो स्वभावात् चोरसहयोगेन चोरो भवति, एवं अघातिणोवि घातिसहिता तग्गुणा भवंति, दोषकरा इत्यर्थः ।
 इदाणि सुभासुभ ति ‘ ता एव पुन्नपावा सेसा पावा मुणेयन्वा ’ ति ‘ ता एव ’ ति अघाइणो ‘ पुन्नपाव ’ ति बायालीसं पसत्थपगतीओ
 पुन्नं सुभमित्यर्थः । वेयणियाउगनामगोत्तेसु जाओ अप्सत्थपगतीओ ताओ पावं असुभमित्यर्थः । ‘ सेसा पाव ’ ति सेसाणि
 घातिकम्माणि पावाणि असुभानीत्यर्थः ॥ ८२ ॥ इदाणि ठाण ति—

आवरणदेसघायंतरायसंजलणपुरिससत्तरस । चउविहभावपरिणया तिविहपरिणया भवे सेसा ॥ ८३ ॥

व्याख्या—‘ आवरणदेसघायंतरायसंजलणपुरिससत्तरस ’ ति चत्तारि णाणावरणाणि, तिन्नि दंसणावरणाणि, पंच अंतराहगा,
 चत्तारिवि संजलणा, पुरिसवेद इति प्याओ सत्तरस कम्मपगतीओ ‘ चउविहभावपरिणय ’ ति पगठाणदुगठाणतिठाणचउठाण-

भावसंजुता । कहं ! अनियद्विअद्वाए संखेज्जेसु भागेषु गणेषु एतेमि कम्माणं एगट्ठाणिगो अणुभागबंधो भवति । सेसाणि तिन्रिवि-
ट्ठाणि संसारत्थाणं, तत्थ पव्वयराइसमाणकोहस्स चउट्ठाणिगो रसो भवति, भूमिराइसमाणकोहस्स तिठाणिओ, वालुगउदगराइ-
समाणकोहस्स दुट्ठाणिओ, घोसातकिणिवादीणं जातिरसतुल्लो एगट्ठाणिओ रसो, तस्सवि अणेगा मेदा, जहा पाणीयदुभागातिभाग-
चउट्ठामसंमिस्सादि जाव अंतिमो जातिरसलवो बहुपाणीयमिस्सो वा । दो भागा कट्ठिज्जमाणा २ एगभागावट्ठियो एरिसो
दुट्ठाणिओ रसो, तस्सवि अणेगमेया पूर्व्ववत् । तिन्रि भागा कट्ठिज्जमाणा २ एगो भागो अवट्ठियो एरिसो तिठाणिओ रसो;
तस्सवि अणेगमेया पूर्व्ववत् । चत्तारि भागा कट्ठिज्जमाणा २ एगभागावट्ठियो एरिसो चउट्ठाणिको, तस्सवि अणेगमेदा
पूर्व्ववत्, एवं सव्वाऽसुभाणं । सुभाणं तु कम्माणं दगवालुगराइसमाणेणं कोहोदणं चउट्ठाणिओ रसो वज्जति, भूमिराइ-
समाणेणं कोहोदणं तिठाणिगो रसो भवति, पव्वयराइसमाणेणं कोहोदणं दुट्ठाणिओ रसो भवति, एत्थ क्षीरेश्वुविकारादि
दृष्टान्ता योज्याः इति । ' तिविधपरिणया भवे सेस ' ति जाओ सत्तरसपगतीओ भणिताओ ताओ मोत्तूणं सेसाणं सुभाणमसुभाणं
च सव्वपगडीणं तिन्रि ठाणाणि भवंति, तं० चउट्ठाणिओ तिठाणिओ विट्ठाणिओ ति । एगट्ठाणिओ ण संभवति, कहं ? भन्नइ-
अनियद्विपमितीसु सेसाणं असुभपगतीणं वंधो णत्थि ति, तेण सेसअसुभाणं एगट्ठाणिओ रसो नत्थि । सुभपगतीणं कहं ?
भन्नइ-जाणि चैव संकिलेसठाणाणि ताणि चैव विसोहिठाणाणि पव्वयातिचउणोत्तरणपदवत् । संकिलेसठाणेहिं तो विसोहि-
ठाणाणि विसेसाहियाणि । कहं ? भन्नइ-जो खवगसेट्ठि पडिवज्जति सो ण णियद्वति, तेहिं विसोहिठाणेहिं विसोहिठा-
णाणि अधिकाणीति । खवगसेट्ठिवज्जेसु जाणि विसोहिसंकिलेसठाणाणि तेसु एगट्ठाणियरसभावो णत्थि । जो असुभपगतीणं
चउट्ठाणबंधको सो सुभपगतीणं दुठाणियं रसं वंधति । जो सुभपगतीणं चउट्ठाणबंधको सो असुभपगतीणं दुठाणबंधको,
खवगसेट्ठि पडुच्च एगट्ठाणबंधको वा, तेण सुभपगतीणं एगट्ठाणिओ रसो ण संभवति ॥ ८३ ॥ इदानीं पगतीणं पव्वयणि-
रुवणत्थं भन्नइ—

चउपचय एग मिच्छत्त सोलस दु पच्चया य पणतासं । सेसा तिपच्चया खलु नित्थयराहारवज्जाओ ॥ ८३ ॥

व्याख्या—‘चउपचय एग’ ति एगा पगती मिच्छत्तादिचउपचइका । कहं ? सातावेदणीयं मिच्छदिट्ठिम्मि बंधं एति ति मिच्छत्तपच्चइकं, सेसा पच्चया तदंतगया, सासणादि जाव असंजओ ति एतेसु मिच्छत्तअभावे वि बंधो अत्थि ति असंजमपच्चओ, सेसपच्चयदुगं तदंतगतं, पमत्तादि जाव सुहुमरागो एतेसु मिच्छत्ताऽसंजमाभावे वि बंधो अत्थि ति कसाय-पच्चयओ, उवसंतकसायादिसु तिसु एतेसु मिच्छत्ताऽसंजमकसायाऽभावेऽवि बंधो अत्थि ति जोगपच्चइगो ति । ‘मिच्छत्त सोलस’ ति जाओ मिच्छत्तंताओ सोलसपगतीओ ताओ मिच्छत्तपच्चयाओ, कहं ? मिच्छत्ताभावे बंधं ण एति ति । ‘दुपच्चया य पणतासं’ ति सासणसम्मदिट्ठी असंजमसम्मदिट्ठिअंताओ पंचत्तासं पगओ मिच्छत्तअसंजयपच्चयाओ । कहं ? एतेसि मिच्छदिट्ठिम्मि बंधो अत्थि ति मिच्छत्तपच्चइकाओ, सासणादिसु वि तिसु बंधो अत्थि ति असंजमपच्चतिकाओ । ‘सेसा तिपच्चया खलु’ ति सेसाओ नित्थकराऽऽहारवज्जाओ सव्वपगतीओ जाओ संजयाऽसंजयपमत्ताऽपमत्तअपुव्वाऽणियट्ठिसुहुमरागंताओ ताओ मिच्छत्ताऽसंजमकसायपच्चइकाओ । कहं ? मिच्छदिट्ठिम्मि बंधं एति ति मिच्छत्तपच्चइकाओ, असंजपगुवि बंधं एति ति असंजमपच्चइकाओ, कसायसहिणसुवि बंधं एति ति कसायपच्चइयाओ ति । नित्थकराऽऽहारणामाणं पच्चओ पुव्वुत्तो ॥ ८३ ॥ इयाणि विवाकनिरुवणत्थं भन्नइ—

पंच य छत्तिन्नि छ पंच दोन्नि पंच य हवंति अट्ठेव । सरिराई फासंता पयडीओ आणुपुव्वीए ॥ ८४ ॥

व्याख्या—पंच छ तिन्नि छ पंच दोन्नि पंच अट्ठ ति सरिरातिफासंता पगतीओ ‘आणुपुव्वीए’ ति सरिरा ५ संठाणा ६ अंगोवंगा ३ संययणा ६ वन्न ५ गंध २ रस ५ फासा ८ यथासंखेण वेतव्वाणि, पंच सरिराणि छसंठाणाणि ति (एवमाइ) ।

अगुरुलहुग उवयायं परघा उज्जोय आयव निम्मेणं । पत्तेयथिरसुभेयरनामाणि य पोमलविवागा ॥ ८५ ॥

व्याख्या—अगुरुलहुगं उवघायं प्ताघातं उज्जायं आतवणाम णिस्मेणं 'पत्तयथिरसुअंतरणामाणि य' त्ति पत्तंगं साहारणं थिराथिरसुभासुभणामाणि य एताणि सव्वाणि पोग्गलविवागाणि । कहं ? भन्नइ-पोग्गलो विवागो अस्सेति, पोग्गलेसु वा विवागो अस्सेति पोग्गलविवागा, पंचण्हं सररीरकम्माणं उदए वट्टमाणो तप्पाओग्गपोग्गले धेत्तूण सररीरत्ताए परिणामेइ त्ति सररीराणि पोग्गलविवागाणि । एवं गहिपसु चैव पोग्गलेसु संठाणअंगोवंगसंघयणवन्नगंधरसफामअगुरुलहुपराघायउव-
घायआयवउज्जावनिस्मेणनामपत्तेगथिरसुभाणि मेयरणि नामाणि विवागं गच्छंति त्ति पोग्गलविवागिणो पोग्गलधम्मा सव्वेवि करेत्तु ॥ ८५ ॥

आऊणि भवविवागा खित्तविवागा य आणुपुब्बीए । अवसेसा पयडीओ जीवविवागा मुणेयवा ॥ ८६ ॥

व्याख्या—'आऊणि भवविवागं' त्ति देहो भवो त्ति बुच्चइ देहमाश्रित्य आऊणि विवागं देति । आह-अंतरगतीए वट्टमाणस्म णिरयसररीरं णत्थि त्ति तत्थ आउगोदयो कहं ? भन्नइ-णिरयपाओग्गोदयसहिओ कम्मइगसररीरोदयो णिरयभवो बुच्चइ तम्हा ण दोसो, एवं सव्वत्थ । 'खेत्तविवागा य आणुपुब्बीओ' त्ति खेत्तमागासं तम्मि उदओ जेसि ते खित्तविवागिणो, अंतरगतीए वट्टमाणस्स चउण्हमाणुपुब्बीणं उदओ तदुपग्रहत्वात्, मीणरस जलवत् । 'अवसेसा पगतीओ जीवविवागा मुणे-
यव्व' त्ति पोग्गलविवागि आउग आणुपुब्बीओ य मोत्तूण सेसाओ सव्वपगतीओ जीवविवागाओ । कहं ? भन्नइ-णाणावर-
णोदयपरिणओ जीयो अस्माणी भवति, जीवस्मि अस्म विवागो त्ति जीवविवागी, मद्यपीतपुरुषपरिणामवत् । दंसणाव-
रणोदयणं अदंसणी, सायाऽसायोदयणं सुही दुक्खी, मोहोदया दंसणं चारित्तं च प्रति व्यामोहं गच्छति, गतिजाति-
ऊमासविहायगतितसथावरबादरसुहुमपज्जत्ताऽपज्जत्तगसुभगदुभगसुस्सरदुस्सरआएज्जअणाएज्जजसाऽजसतित्यकरउच्चाणीयपंच
अंतराइमिति एतेसि उदए वट्टमाणो जीवो तं तं भावं परिणमति, द्रव्याश्रयं प्रतीत्य स्फटिकपरिणामवत् । पोग्गलविवा-
गिआयुगाणुपुब्बीणं जीवविपाकत्ता जीवविपाकाओ कहं ण भवंति इति चेदुच्यते, तत्प्रधाननिर्देशात् जीवस्स होतमवि

पुत्रलमाश्रित्य विपाको, नारकतिर्यग्मनुष्याऽऽमरमवमाश्रित्य विपाकः, विग्रहगतावन्यत्रोदयाभावात् (तमाश्रित्य विपाकः,) पोगलमवखेत्तविवागिणो बुध्तिंति स्ति । उत्तरपयडिहितो सव्वत्थवि सव्वमूलपयडीणं समं परुवियव्वा सुभासुभपरुवणादीया ॥ ८६ ॥ अणुभागवंधो भणिओ । इयाणि पपसबंधस्स जहकम्मं पत्तस्स परुवणा किज्जइ । पुब्बं ताव ताई पोगलदब्बाई कहिं ठियाई ? कहं गेण्हइ ? करिसाई ? केरिसगुणोववेताई ? केत्तियाई ति ? तं णिरुवणत्थं भन्नइ—

एगपप्सो गाढं सव्वपप्सेहि कम्मणो जोगं । बंधइ जहुत्तहेउं साईयमणाइयं बावि ॥ ८७ ॥

व्याख्या— 'एगपप्सो गाढं' ति एगम्मि पप्से ओगाढं एगपप्सोगाढं, केण समं ? भन्नइ—जीवपप्सेहिं समं, एगम्मि आकासपप्से ठिए पोगलदब्बे 'सव्वपप्सेहिं' ति सर्वात्मप्रदेशैः जीवपप्साणं अन्नोन्नं सह संबंधो शुंखलावत्, तेण अन्नोन्नोपकारे वट्टंति स्ति, सव्वजीवपदेमेहिं सव्वजीवपदेसत्थे 'कम्मणो जोगं' ति कम्मणो जोगे पोगले येत्तूण कम्मत्ताए परिणामेइ । जीवपप्सबाहिरखेत्तट्टिए पोगले ण गेण्हइ, किं कारणं अनाश्रितस्य तत्परिणामावात्, जहा अग्गी तव्विसयट्टिए तप्पाओग्गे दब्बे अग्गिताए परिणामेइ स्ति, ण अविसयगए इति, तहा जीवोवि तप्पएसट्टिए गेण्हइ, ण परतो, कम्मणो जोगं ति बुत्तं । केरिसा कम्मजोग्गा ? केरिसा वा अजोग्ग स्ति जोग्गाजोग्गवियारंणत्थं वग्गणाओ परुविज्जंति—परमाणुवग्गणा अग्गहणवग्गणा, दुपएसियवग्गणा अग्गहणवग्गणा, तिपदेसियवग्गणा अग्गहणवग्गणा, एवं चउपएसियपंचल्लजावसंखेज्जाऽसंखेज्जपदेसियवग्गणा अग्गहणवग्गणा, अणंतपएसियवग्गणा अग्गहणवग्गणा, अणंतानंतपदेसियवग्गणाणं काइ गहणपाओग्गा, काई अग्गहणपाओग्गा, जे गहणपाओग्गा ते तिण्हं ओरालियवेउव्वियआहारगसरीराणं, आहारगवग्गणा जहन्ना, जहन्नाओ उक्कोसो केवइओ ? विसेमाहिओ, को विसेसो ? तस्सेवाणन्तिमो भागो, तस्सुवरिं एक्के रूवे छूढे अग्गहणवग्गणा जहन्ना, जहन्नाओ उक्कोसो केवइओ ? तो अणंतगुणो, को गुणकारो ? अभव्वसिद्धिएहिं अणंतगुणो सिद्धाणं अणंतइमो भागो, तस्सुवरिं एक्के रूवे छूढे

तेयिगसरीरवग्गणा जहन्ना, जहन्नाओ उक्कोसो केवइओ ? तो विसेसाहिओ, को विसेसो ? तस्सेव अणंतिमो भागो, तस्सुवरिं एक्के
 रुवे छूढे अग्गहणवग्गणा जहन्ना, जहन्नाओ उक्कोसो केवइओ ? अणंतगुणो, को गुणकारो ? अभव्वसिद्धिकेहिं अणंतगुणो सिद्धा-
 णमणंतइमो भागो । तस्सुवरिं एक्के रुवे छूढे भासादव्ववग्गणा जहन्ना, जहन्नाओ उक्कोसो केवतिओ ? विसेसाहिओ, को
 विसेसो ? तस्सेव अणंतिमो भागो । तस्सुवरिं एक्के रुवे छूढे अग्गहणवग्गणा जहन्ना, जहन्नाओ उक्कोसो केवतिओ ? अणंत-
 गुणो, को गुणकारो ? अभव्वसिद्धिएहिं अणंतगुणो सिद्धाणमणंतइमो भागो । तस्सुवरिं एक्के रुवे छूढे आणापाणुवग्गणा जहन्ना,
 जहन्नाओ उक्कोसो केवतिओ ? विसेसाहिओ, को विसेसो ? तस्सेव अणंतिमो भागो । तस्सुवरिं एगे रुवे छूढे अग्गहणव-
 ग्गणा जहन्ना, जहन्नाओ उक्कोसो केवतिओ ? अणंतगुणो, को गुणकारो ? अभव्वसिद्धिएहिं अणंतगुणो सिद्धाणमणंतिमो
 भागो । तस्सुवरिं एक्के रुवे छूढे मणोदव्ववग्गणा जहन्ना, जहन्नाओ उक्कोसो केवतिओ ? विसेसाहिओ, को विसेसो ? तस्सेव
 अणंतइमो भागो । तस्सुवरिं एगे रुवे छूढे अग्गहणवग्गणा जहन्ना, जहन्नाओ उक्कोसो केवतिओ ? अणंतको गुणो, को गुणकारो ?
 अभव्वसिद्धिकेहिं अणंतगुणो सिद्धाणं अणंतिमो भागो । तस्सुवरिं एगे रुवे छूढे कम्मइगसरीरवग्गणा जहन्ना, जहन्नाओ-
 उक्कोसो केवइओ ? विसेसो, को विसेसो ? तस्सेव अणंतिमो भागो । तस्सुवरिं एगे रुवे छूढे धुवाचित्तवग्गणा जहन्ना,
 जहन्नाओ उक्कोसो केवतिओ ? अणंतगुणो, को गुणकारो ? सव्वजीवाणं अणंतगुणो । तस्सुवरिं एक्के रुवे छूढे अधुवाचित्त-
 वग्गणा जहन्ना, जहन्नाओ उक्कोसो केवइओ ? अणंतगुणो, को गुणकारो ? सव्वजीवाणं अणंतगुणो । तस्सुवरिं एक्के रुवे छूढे
 पदमसुन्नवग्गणा जहन्ना, जहन्नाओ उक्कोसो केवइओ ? अणंतगुणो, को गुणकारो ? सव्वजीवाणमणंतगुणो । तस्सुवरिं एक्के
 रुवे छूढे पत्तेगसरीरवग्गणा जहन्ना, जहन्नाओ उक्कोसो केवतिओ ? असंखेज्जगुणो, को गुणकारो ? पलिओवमस्स असंखेज्जइमो
 भागो । तस्सुवरिं एगे रुवे छूढे बिया सुन्नवग्गणा जहन्ना, जहन्नाओ उक्कोसो केवइओ ? असंखेज्जगुणो, को गुणकारो ? अ-
 संखेज्जाणं लोगाणं असंखेज्जइमो भागो, सोवि भागो असंखेज्जा लोगा । तस्सुवरिं एक्के रुवे छूढे बायरनिगोयवग्गणा जहन्ना,

जहन्नाओ उक्कोसो केवत्तिओ ? असंखेज्जगुणो, को गुणकारो ? पल्लिओवमस्स असंखेज्जइभागो । तस्सुवरि एगे रुवे छूढे वत्तिता सुभ्रवग्गणा जहन्ना, जहन्नाओ उक्कोसो केवत्तिओ ? भन्नाइ, असंखेज्जगुणो, को गुणकारो ? अंगुलस्स असंखेज्जतिभाग-
मेनस्स खेत्तस्स जावइया आवलियाऽसंखेज्जइभागे समया तावइयाइ वग्गमूलाइ धेप्पंति तस्स चरिमवग्गमूलस्स असंखे-
ज्जइभागे जावइया आगासपपसा तेसि असंखेज्जइभागो गुणकारो । तस्सुवरि एगे रुवे छूढे सुद्धमणिगोदवग्गणा जहन्ना,
जहन्नाओ उक्कोसो केवत्तिओ ? असंखेज्जगुणो, को गुणकारो ? आवलियाए असंखेज्जइभागो । तस्सुवरि एगे रुवे छूढे चउत्थ
सुभ्रवग्गणा जहन्ना, जहन्नाओ उक्कोसो केवत्तिओ ? असंखेज्जगुणो, को गुणकारो ? असंखेज्जाओ सेढीओ पतरस्स असंखेज्जति-
भागो । तस्सुवरि एगे रुवे छूढे महाखंधवग्गणा जहन्ना, जहन्नाओ उक्कोसो केवत्तिओ ? असंखेज्जगुणो, को गुणकारो ?
पल्लिओवमस्स संखेज्जइभागो असंखेज्जइभागो त्ति पाठः । एतासि अत्थो जहा कम्मपगडिसंगहणीए, जाओ अगहणवग्ग-
णाओ ताओ सव्वाओ हेट्ठिलोवरित्तुलक्खणओ त्ति दुविहाओ हवंति । एतासु कम्मइगसरीरवग्गणाओ जाओ ताओ कम्म-
पाओंगाओ ताओ कम्मत्ताए बंधंति । 'जहुत्तहेउं' ति सामन्नविसेसपञ्चता पुव्वुत्ता तेहि बंधंति 'सारियमणाइयं
वाध' ति बंधवोच्छेदकाउं बंधंतस्स सातिओ बंधो, तस्मिं वा अन्नंमि वा कोले बंधवोच्छेदमकरेत्तु बंधंतस्स अणादिओ
बंधो संतत्या, अपिशब्दाद् ध्रुवाऽध्रुवावपि सूइया, कम्मइगसरीरवग्गणापाओंगा कम्मस्स, मेसाओ अजोग्गाओ ॥ ८७ ॥
कम्मजोग्गाणं दव्वाणं कण्णादिभिरुवणत्थं भन्नाइ—

पंचरसपंचवस्त्रेहि मंजुयं दुविहगंधचउपासं । दवियमणंतपएसं सिद्धेहि अणंतगुणदीपं ॥ ८८ ॥

व्याख्या—'पंचरस' ताई एकेकाई बंधखंधाई पंच वस्त्राई, दु गंधाई, पंच रसाई, निद्धण्हं, जिद्धसीयलं, लुक्खुण्हं,
लुक्खसीयलं मउयं लहुयमिति चउ फासाई, 'दवियं' ति एगदव्वं 'अणंतपदेसं' ति अणंताणंतपरमाणूणं संघातो, तं कियत्प-

१. भावे. २. 'बंध' इति नास्ति.क.

गिमाणं इति चेत् ? जीवेहि अणंतगुणहीणं, जीवा सिद्धाः, सुदृष्टानदर्शनसहितत्वात्, संपूर्णजीवलक्षणा इति, तेहि अणंतगुणहीणाणं परमाणूणं अमविपहि अणंतगुणम्भहियाणं समुदाएणं एको खंधो, सव्वेऽवि तल्लव्वणा खंधा जहा भणिता । केत्तया ते ? अभविताणं अणंतगुणा सिद्धाणमणंतभागमेत्ता खंधा एगसमएणं गहणं एंति कम्मत्ताए । ते य वंधगा मूलपगतीणं चड्विहा, तं० एगविहबंधगा, छविहबंधगा, सत्तविहबंधगा, अट्ठविहबंधगा य । जो एकविहं बंधति तस्स तस्मि समए जहणेण वा उक्कोसेण वा अजहन्नुक्कोसेण वा जोगेण गहियं दलियं सव्वमेव एक्कस्स वेयणिज्जस्स कम्मणो भवति । जो छग्यहं बंधति तस्स तमेव दलियं छण्हं कम्माणं छ भागा भवंति । जो सत्तविहं बंधति तस्स तमेव दलियं सत्तण्हं कम्माणं सत्तमेदं भवति । जो अट्ठविहं बंधति तस्स तमेव दलियं अट्ठण्हं कम्माणं अट्ठमेदं भवति । एगसमयगहियं दलियं अट्ठविधादिबंधत्ताए किह परिणमति इति चेत् ? उच्यते, तस्स अज्झवसाणमेव तारिसं जेण अट्ठविहाइं बंधत्ताए पाण्णमति, जहा कुंभकारो मृत्पिंडे मत्तगसरावादीणि णिव्वत्तेइ, तस्स तारिसो परिणामो, जहा एत्थ एक्कूवाइं अणेगद्वारि वा एसियाइं दब्बाइं णिष्काएमि त्ति एवं सव्वन्नुदिट्ठो परिणामो, एतेण परिणामेण संजुत्तस्स अट्ठविधादिताए दलियं परिणमति ॥ ८८ ॥ तहिपि एतस्स कम्मणो अमुकं अमुकं एत्तियं दलियंति, एवं विमत्तस्स दलियस्स पाण्णामणिरुवणत्थं भन्नइ—

आयुगभागो थोवो णामे गोए समो तओ अहिओ । आवरणमंतराए तुल्लो अहिगो य मोहे वि ॥ ८९ ॥

सव्वुवरि वेयणीए भागो अहिगो अ कारणं किं तु । सुहदुक्खकारणत्ता ठिईविसेसेण सेसाणं ॥ ९० ॥

व्याख्या—‘आयुगभागो’ त्ति जो अट्ठविहबंधको तस्स आयुगस्स भागो सव्वत्थोवो, णामगोत्ताणं दोण्हवि भागो तुल्लो, आउगभागाओ विसेसाहिओ । ‘आवरणमंतराए तुल्लो अहिगो य’ त्ति णाणावरणदंसणावरणमंतरायाणं भागो निहवि तुल्लो, णामगोत्तेहि विसेसाहिगो ‘मोहे वि’ त्ति मोहणिज्जस्स भागो विसेसाहिगो । ‘सव्वुवरि वेयणीए भागो

अहिगो चि मोहणिज्जभागाओ वेयणीयमाणो विसेसाहिको चि । 'कारणं किं तु' चि किं कारणं आउगादिवेदणीय-
पज्जवसाणाणं भागविभागो चि मन्नइ 'सुहदुक्खकारणत्त' चि वेयणीयस्स सव्वमहंतो भागो सुहदुक्खकारणंति बहुहि दलिपहि
सुहदुक्खाई फुडीमवन्ति, आहारवत्, जहा आहारे असणपाणखाइमाणं बहुहि दव्वेहि तिच्ची भवति, साइमेण योवेणवि,
असणाइ तुळं वेयणीज्जं साइमतुल्लाणि सेसाणि, विषवद्वा सेसाणि चि स्तोकमपि विषं स्फुटीभवति । 'ठिईविसेसेण
सेसाणं' ति सेसाणि आउगावीणि मोहपज्जवसाणाणि ठितिविसेसादेव तेसिं दलियविसेसो, एवं चेव आउगाओ णाम-
गोत्ताणं संखेज्जगुणं पावइ ? सच्चं, आउगाधारत्वात् शेषप्रपंचस्य, तम्हा आउगस्स बहुगं दलितं तहावि णामादयो धुवव-
धिणो चि काउं विसेहिकाणि । आह-णाणावरणादिहितो मोहणिज्जस्स भागो संखेज्जगुणो पावति ठितिविशेषत्वात्,
सच्चं, चरित्तमोहस्स चत्तालीसन्ति काउं णाणावरणाओ विसेसाहिय एव, मिच्छत्तदलियं चरित्तमोहस्स अणन्तिमो भागो चि
तं अहिकिच्च ण भणितं ॥ ८९ ॥ ९० ॥ इयाणि सादियणाइयपरुवणत्थं मन्नइ—

छण्हं पि अणुक्कोसो पएसबंधो चउव्विहो बंधो । सेसतिगे दु विगप्पो मोहाउ य सव्वहिं चेव ॥ ९१ ॥

व्याख्या—'छण्हं पि अणुक्कोसो पदेसबंधो चउव्विहो बंधो' चि णाणावरणदंसणावरणवेदणीयणामगोत्तमंतराइगाणं
एणसिं छण्हं कम्माणं अणुक्कोसगो पदेसबंधो सादियाइचउविगप्पो भवति । कहं ? मन्नइ-एणसिं छण्हं कम्माणं उक्कोसगो
पदेसबंधो मोहणिज्जस्स बंधे वोच्चिछन्नं सुहुमसंपराइगस्स उवसामगस्स खवगस्स वा उक्कोसे जोगे वट्टमाणस्स उक्कोसो
लब्धति एक्कं वा दो वा समया । हेट्ठिलोवि उक्कोसो जोगो लब्धति, तहिं आउगस्स मोहणिज्जस्स य भागो लब्धति चि
तहिं पि उक्कोसो पदेसबंधो ण भवइ । एत्थ दोण्हं विभागा एतेसु छसुवि पविट्ठत्ति काउं उक्कोसो लब्धति, स सादिओ
अधुवो य । बंधवोच्छेदं करेत्तु, पुणो बंधंतस्स अणुक्कस्स सादिओ, अहवा सुहुमरागस्स आदीप उक्कोसो
लब्धो, तओ उक्कोसो फिट्ठे अणुक्कोसं बंधंतस्स अणुक्कोसस्स सादिओ, तं ठाणमपत्तपुव्वस्स अणादिओ, ध्रुवाध्रुवौ

पुर्ववत् । ' सेसतिगे दुविगप्पो ' ति उक्कोसजहन्नाजहन्नेसु सादिओ अधुवो य । कंहं ? उक्कोसे कारणं भणितं । एतेसिं छण्हं जहन्नको पदेसबंधो सुहुमणिगोयस्स अपज्जत्तगस्स सव्वमंदवीरियलद्धिस्स पढमसमए वट्टमाणस्स सत्तविहबंधकस्स लब्भइ एकसमयं, ततो वितियसमयादिसु अजहन्नस्स सादिओ बंधो, पुणो परिब्भमिय संखेज्जेण वा असंखेज्जेण वा कालेण सुहुमणिगोदअप्पज्जत्तगअप्पलद्धिपढमसमयभावं पत्तस्म जहन्नो, एवं जहन्नाजहन्नेसु जोगेसु संसारत्था जीवा परिभमंति ति काउं सव्वत्थ सादिओ अधुवो य । ' मोहाउ य सव्वहिं चेव ' ति मोहाउगाणं उक्कोसाणुक्कोसजहन्नाजहन्नो पपसबंधो सादिओ अधुवो य । कंहं ? आउगस्स अधुवबंधत्तादेव मिद्धं, मोहणिज्जस्स मत्तविहबंधगस्स उक्कोसो पपसबंधो लब्भइ, सो सम्महिद्धिमिच्छदिट्ठीणं सामन्नो, तम्हा मिच्छदिट्ठिस्स लब्भइ ति काउं मिच्छदिट्ठी उक्कोसाणुक्कोसेसु परियत्तणं करेइ ति दोसुवि सादिओ अधुवो य । जहन्नाजहन्नभावणा सुहुमनिगोयजीवो जहा नाणावरणस्स तहा भाणियव्वं, तम्हा मोहणिज्जस्स मूलपगती पडुच्च चत्तारिवि सादिय अधुवा य ॥ ९१ ॥ इदाणि उत्तरपगतीणं भन्नइ-

तीसण्हमणुक्कोसो उत्तरपयडीमु चोव्विहो बंधो । सेसतिगे दुविगप्पो सेसासु य चउविगप्पो वि ॥ ९२ ॥

व्याख्या—' तीसण्हमणुक्कोसो उत्तरपगतीसु चोव्विहो बंधो ' ति पंचणाणावरणाणि, यीणतिगवज्जाणि छ दंसणावरणाणि, अणंताणुबंधिवज्जा- बारस कसाया, भयदुगुंछा पंचअंतराइगमिति एतासिं तीसाए कम्मपगतीणं अणुक्कोसो पदेसबंधो सादिआइचउविगप्पो भवति । कंहं ? भन्नइ-पंचण्हं णाणावरणाणं सुहुमसंपराइगस्स छव्विहं बंधगस्स पुर्ववत् भावना, मोहाउगमागोवि लब्भइ ति । चउण्हं दंसणावरणाणंपि एमेव मोहाउगमागा लब्भंति, सजातिय-भागलंभो य । णिहादुगस्स सत्तविहबंधगस्स उक्कोसजोगिस्स सम्महिद्धिस्स यीणगिद्धितिगमागो लब्भति ति असंजतादि अपुण्वकरणं तेसु उक्कासो लब्भति, एकं वा दो वा समया, सो य सादियो, अधुवो य । उक्कोसाओ परिवडं-तस्स बंधवोच्छेदाओ वा अणुक्कोसस्स सादिओ, समत्तभावे उक्कोसजोगं अपत्तपुण्वस्स अणादियो, धुवाऽधुवौ पुर्ववत् ।

अप्यश्चस्वाणावरणस्स असंजयसम्महिट्ठस्स उक्कोसजोगिस्स उक्कोसो भवति, मिच्छत्तअणंताणुबंधीणं भागो लब्भइ
 एकं वा दो वा समया । ततो परिवडंतस्स अवंधातो वा अणुक्कोसस्स सादिओ, असंजयसम्महिट्ठिभावे उक्कोसजोगं
 अपत्तपुव्वस्स अणादियो ध्रुवाऽध्रुवो पुर्ववत् । पच्चस्वाणावरणस्स संजतासंजतो उक्कोससजोगी उक्कोसं करेइ त्ति, मिच्छ-
 त्तअणंताणुबंधिअप्यश्चस्वाणावरणाणंपि भागो लब्भति त्ति एकं वा दो वा समया, मेसं जहा अप्यश्चस्वाणावरणस्स तहा
 भाणियव्वं । भयद्गुच्छाणं संमहिट्ठिस्स उक्कोमजोगिस्स असंयतादि जाव अपुव्वकरणो त्ति एतेसु उक्कोसो लब्भइ, एकं
 वा दो वा समया । कहं ? भन्नइ-मिच्छत्तभागो लब्भति त्ति । मेसभावणा जहा निदापयलाणं तहा भाणियव्वा । कोह-
 संजलणाए अणियट्ठिस्स चउव्विहबंधगस्स उक्कोसजोगिस्स उक्कोसो लब्भति, एकं वा दो वा समया । कहं ? भन्नइ-
 णोक्कमायभागो लब्भति त्ति काउं, उक्कोमाओ परिवडंतस्स बंधवोच्छेदाओ वा सादिओ, तं ठाणमपत्तपुव्वस्स अणादिओ,
 ध्रुवाऽध्रुवो पुर्ववत् । माणमजलणाए तस्सेव तिविहं बंधगस्स कोहसंजलणाए भागो लब्भति त्ति । शेषप्रपञ्चः पुर्ववत् । मायाए
 दुविहबंधकस्स माणभागो लब्भति त्ति । शेषं पुर्ववत् । लोभसंजलणाए तस्सेव एगविहबंधगस्स उक्कस्स जोगिस्स उक्कोमो
 भवति, मव्वमोहभागो तस्स त्ति । शेषं पुर्ववत् । पंचण्हमंतराइगाणं सुहुमसंपराइगस्स उव्विहबंधगस्स उक्कोमजोगे वट्टमाणस्स
 उक्कोसो लब्भइ । कहं ? माहाउग भागो लब्भइ त्ति । शेषं पुर्ववत् । 'मेसतिगे दूविगप्पो' त्ति उक्कोमजहन्नाजहन्नेसु सादिओ
 अधुवो य । कहं ? उक्कोमे कारणं पुव्वुत्तं, जहन्नाजहन्नेसु जहा मूलपगतीणं तहा भाणियव्वं । 'मेसासु य चउव्विगप्पोवि'
 त्ति थाणगिद्धितिगमिच्छत्तणंताणुबंधिणामधुवबन्धगाणं परियत्तमाणीणं च सव्वासि उक्कोमाऽणुक्कोसो जहन्तोऽजहन्तो
 य सादिओ अधुवो य । कहं ? भन्नइ-परियत्तमाणीणं अधुवबन्धित्वादेव सिद्धं, थाणगिद्धितिगमिच्छत्तणंताणुबंधीणं
 उक्कोमो सत्तविहबंधकस्स मिच्छहिट्ठिस्स लब्भइ, एकं वा दो वा समया, संमहिट्ठिस्स एतेसि बंध एव णत्थि, तओ
 परिवडंतस्स अणुक्कोसस्स सादिओ, तओ पुणो उक्कोमजोगं पत्तरम उक्कोसो, एवं उक्कोमाणुक्कोसेसु परिभमंति त्ति दोसुवि

सादिओ अधुवो य । णामधुवाणं णवणहवि मिच्छदिट्ठो सत्तविहवंधको उक्कस्सजोगो णामस्स तेवासवंधको उक्कोसं वंधंति,
एक्कं वा दो वा समया, सेसनामाण भागो तहि लब्धमि ति, सम्मदिट्ठिम्मि एतेसि उक्कोसो ण लब्धइ, तम्हा मिच्छदिट्ठो
उक्कोसानुकोसेसु परिम्मइ ति दोसुवि सादियो अधुवो य । एतेसि धुवबंधाणं अधुवबंधाणं वा सुहुमणिगोदाप्पजत्तकस्स
अप्पविरियलद्धिजुत्तस्स पढमसमए वट्टमाणस्स सव्वजहन्नो पदेसबंधो, तओ जहन्नाजहन्नेसु परिवत्तइ ति दोसुवि सादिओ
अधुवो य ॥ ९२ ॥ एवं सादियाणादियपरुवणा भणिया, इदाणि सामित्तं मूलुत्तरपगतीणं भन्नइ-

आउक्कस्स पणसम्म पंच मोहस्स सत्त ठाणाणि । सेसाणि तणुकसाओ वंधइ उक्कोसगे जोगे ॥ ९३ ॥

व्याख्या—आउक्कस्स पणसस्स पंच 'ति मिच्छदिट्ठि असंजतादि जाव अप्पमत्तमंजओ एतेसु पंचसुवि आउगस्स
उक्कोसो पदेसबंधो लब्धइ । कहं ? सव्वत्थ उक्कोसो जोगो लब्धइ ति काउं । अन्नं पढंति । आउक्कोसस्स पदेसस्स छ ति । सास-
णावि उक्कोसं वंधंति ति, तं ण, जेण अणंताणुबंधाणं मिच्छदिट्ठिम्मि उक्कोसो पदेसबंधो दिट्ठो ति, जइ सासणेवि अणंताणुबंधाणं
उक्कोसो पदेसबंधो होज, तो अणंताणुबंधाणं अणुक्कोसो सादियादिचउव्विहो वंधो लभेज, मिच्छत्तभागो लब्धइ ति । अन्नं च
'सम्मपणसुक्कडं मिच्छो' ति उवरिं भणिहिति तेण सामणस्स उक्कोसो जोगो न लब्धमि ति । तेण पंच जणा उक्कोसं करंति ।
'मोहस्स सत्तठाणाणि' ति सामणसम्मामिच्छदिट्ठिवज्जा मोहणजवंधका सत्तविहवंधकाले सव्वेसि उक्कोसपदेसबंधं वंधंति ।
कहं ? भन्नइ, सव्वेसुवि उक्कोसो जोगो लब्धमि ति । अन्नं पढंति । मोहस्स णव उ ठाणाणि 'ति सामणसम्मामिच्छेहि सह ।
नं ण संभवति । कहं ? सासणस्स कारणं पुव्वुत्तं, सम्मामिच्छदिट्ठिम्मि जइ उक्कोसो लभेज तो 'अज्जिबितियकसाए' ति
उवरिं भणिहिति नं ण भणेज्जा, असंजयसम्मदिट्ठिसम्मामिच्छदिट्ठिणं जोगं मोत्तुणं अन्नो अप्पतरादिविसेसो मूलुत्तरपग-
तिबंधे भेदो णत्थि ति तेण सत्त मोहणिज्जस्स उक्कोसपदेसबंधं वंधंति । सामणसम्मामिच्छेसु उक्कोसो जोगो ण लब्धमि ति

तेण ते ण गहिया । 'सेसाणि तणुकसाओ बंधइ उक्कोसगे जोगे' ति सेसाणि मोहाउवज्जाणि तणुकसाओ सुहुमसरागो उक्कोसजोगे वट्टमाणो उक्कोसं बंधति, कहं? मोहाउगाणं भागो लब्धति ति काउं, उक्कोसजोगाऽभावे तस्सवि उक्कोसो ण लब्धइ ति ॥ ९३ ॥ इयाणि जहन्नगसामित्तं भन्नइ—

सुहुमणिगोयाऽपज्जत्तगस्स पढमे जहन्नगे जोगे । सत्तण्हं तु जहन्नं आउगबंधेवि आउस्स ॥ ९४ ॥

व्याख्या—'सुहुमणिगोयाऽपज्जत्तगस्स पढमे जहन्नगे जोगे । सत्तण्हं तु जहन्नं' ति सुहुमस्स णिगोदस्स अणंतकाइ-गस्स अपज्जत्तकरस्स लद्धीए अप्पलद्धिस्स वीरियं पडुच्च पढमसमए वट्टमाणस्स आउगवज्जाणं सत्तण्हं कम्माणं जहन्नको पदे-सबंधो भवति, एककं समयं । कहं? अपज्जत्तका सव्वेवि असंखेज्जगुणेणं जोगेणं समए समए वडन्ति ति वितियसमयाइसु जहन्नगो पदेसबंधो न लब्धइ, सव्वजहन्नजोगी पढमसमए लब्धति ति काउं । 'आयुगबंधेवि आउस्स' ति सो चेव सत्तण्हं जहन्नकसायी अप्पणो आउतिभागपढमसमए वट्टमाणो आउगस्स पदेसबंधं जहन्नगं करेइ, एककं समयं । कहं? वीयसमए असंखेज्जगुणेणं जोगेणं वडति ति ण लब्धति ति ॥ ९४ ॥ मूलपगईणं (सामित्तं) भणियं, इयाणि उत्तरपगतीणं सामित्तं भन्नइ, तत्थ पुव्वमुक्कोसं भन्नति—

सत्तर सुहुमसरागो पंचगमनियट्ठि सम्मगो नवगं । अजई वितियकसाए देसजई तइयए जयइ ॥ ९५ ॥

व्याख्या—'सत्तर सुहुमसरागो' ति पंच णाणावरणाणं चत्तारि दंसणावरणाणं सातावेदणीयं जसकित्तिउच्चागोयं पंचण्हमंतरायिगाणं एतेसि सत्तरसण्हं कम्माणं सुहुमरागो उक्कोसे जोगे वट्टमाणो उक्कोसं बंधति । कहं? भन्नइ—सव्वेसि मोहाउगमागा लब्धति ति । चउण्हं दंसणावरणीयाणं जसकित्तीए य सजातिभागलंभो अत्थि ति हेट्ठओ उक्कोसं ण लब्धति, तदभावात् । 'पंचगमनियट्ठि' ति पुरिसवेदस्स चउण्हं संजलणाणं अणियट्ठी उक्कोसजोगे वट्टमाणो उक्कोसं पदेसबंधं बंधति । कहं? भन्नइ—अणियट्ठि पंचविहबंधको पुरिसवेदस्स उक्कोसं करेइ, हासरतिभयदुगुंछाणं भागो लब्धइ ति काउं । कोहसंजलणाए चउव्विहबंधको उक्कोसजोगी उक्कोसं करेइ, पुरिवेयस्स भागो लब्धइ ति काउं । माणस्स

तिविहबंधको उक्कोसं बंधइ, कोहभागो लब्धइ त्ति । मायाए दुविहबंधको उक्कोसजोगी उक्कोसं करेइ, माणभागो लब्धइ त्ति । लोहसंजलणाए पगविहबंधको उक्कोसं करेइ, सब्व मोहभागो तस्सेति । 'सम्मग्गो णवगं' ति णिहादुगच्छणोकसाय-
 तित्थकरणामाणं जो सम्महिट्ठी उक्कोसजोगी उक्कोसं पदेसं बंधति । कहं ? भन्नइ-णिहादुगस्स असंजतप्पमिति जाव
 अपुव्वकरणाद्वाए संखेज्जइमो भागो त्ति ताव पतेसु सव्वेसुवि उक्कोसो पदेसो लब्धति, थोणगिद्धित्तिगभागो लब्धति त्ति
 काउं, सम्मामिच्छस्स उक्कस्सजोगामावे तंमि ण लब्धति त्ति । हासरतिअरतिसोकभयदुगुंछाणं जे जे तच्चंधका सम्महि-
 ट्ठिणो ते ते उक्कोसजोगे वट्टमाणा उक्कोसं पदेसबंधं करेति, मिच्छत्तभागो लब्धति त्ति काउं, सव्वेसिं सामन्नं विसेसामा-
 वा । तित्थगरणामस्स देवगतिपाओग्गं तित्थगरसहितं पगूणतीसं बंधमाणानं उक्कोसजोगीणं असंजतादि अपुव्वंताणं
 उक्कोसो पदेसबंधो भवति, सव्वेसिं तप्पाओग्गं नि काउं, तीसएकतीसबंधेसु उक्कोसो पदेसबंधो ण लब्धति, बहुगा
 भागा भवंति त्ति काउं । 'अजई वित्तियकसाय' ति असंजयसम्महिट्ठी उक्कस्सजोगी अप्पच्चक्खाणावरणीयाणं उक्कोसं
 पदेसं बंधति त्ति । कहं ? मिच्छत्तअणंताणुबंधीणं भागो लब्धति त्ति, सम्मामिच्छे योगाऽल्पत्वादेव ण लब्धति । 'देसजई
 तइयए जयइ' ति संजतासंजओ पच्चक्खाणावरणाणं उक्कोसजोगी उक्कोसं पदेसं बंधति त्ति । कहं ? मिच्छत्ताऽणंताणु-
 बंधिअप्पच्चक्खाणावरणाणं भागो लब्धति, सेसेसु तदभावा ण लब्धति ॥ ९५ ॥

तेरस बहुप्पएसं सम्मो मिच्छो व कुणइ पयडीओ । आहारमप्पमत्तो सेसपएसुकहं मिच्छो ॥ ९६ ॥

व्याख्या—'तेरस बहुप्पएसं सम्मो मिच्छो व कुणइ पगतीओ ।' त्ति असातावेदणीयमणुयदेवाउमदेवदुगवेउब्बि-
 यदुगसमच्चउरंसवज्जरिसमणारायपसत्थविहायगतिसुभगसुस्सरादेज्जणामाणं पतेसिं तेरसणं पगतीणं सम्महिट्ठिस्स वा
 मिच्छहिट्ठिस्स वा सत्तविहबंधकस्स उक्कस्स जोगिस्स उक्कोसो पदेसबंधो भवति । कहं ? भन्नइ-जो असातं बंधति सो
 सम्महिट्ठी मिच्छाहिट्ठी वा सत्तविहबंधको, तेसिं दोण्हवि अविसिद्धो उक्कोसो जोगो, तेण दोसुवि उक्कोसपदेसबंधो

अविरुद्धो । एवं मणुस्सदेवाउगाणि दोण्हवि अविरुद्धाणि । देवदुगवेउव्वियदुगसमचउरंसपसत्थविहायगतिसुभगसुस्सराएज्जणा-
 माणि देवगतिपाओगं अट्टावीसं बंधमाणस्स बंधं एंति, हिट्ठिल्लेसु ण एंति, तेण सम्महिट्ठिमिच्छदिट्ठीणं उक्कोसजोगीणं उक्कोसो
 पदेसबंधो अविरुद्धो, एगूणतीसादिसु एतेस्मि उक्कोसो ण लब्धमिति, बहुगा भाग त्ति काउं । वज्जरिस्समणारायसंघयणं मणुयग-
 तिपाओगं वज्जरिस्समणारायसहियं एगूणतीसं बंधमाणस्स बंधं एति, हेट्ठिल्लेसु ण एति, तेण दोण्हवि उक्कोसजोगीणं
 उक्कोसो पदेसबंधो ण विरुद्धो, मिच्छदिट्ठिस्स तिरियगतीएवि समं लब्धमिति उज्जोवतित्थगर(वज्जरिस्सह)सहिण य तीसइ बंधे
 वज्जरिस्सहस्स उक्कोसो पदेसबंधो ण लब्धमिति बहुगा भाग त्ति काउं । 'आहारमप्पमत्तो' त्ति आहारकदुगस्स अप्पमत्तो त्ति
 अप्पमत्ताऽपुव्वकरणा य दोवि गहिता तेस्मि उक्कोसजोगीणं देवगतिपाओगं आहारकदुगसहितं तासं बंधमाणानं उक्कोसो
 पदेसबंधो भवति, एक्कतीसे उक्कोसं ण लब्धमिति बहुगा भागा भवंति त्ति काउं । 'सेसवदेसुक्कडं मिच्छो' त्ति भाणियसेसाणं
 कम्माणं उक्कोसपदेसबंधं मिच्छदिट्ठी बंधइ । कंहं ? यीणतिगमिच्छत्ताणंताणुबंधीणपुंसगित्थिवेद [निरयदुग] तिरियदुगणिर-
 यतिरियाउगणीयागोत्ताणं संमहिट्ठिस्स बंधो णत्थि, मिच्छदिट्ठी मत्तविहबंधको उक्कोसं बंधति, आउगभागो लब्धमिति त्ति काउं ।
 अन्नेसिपि संमहिट्ठिअयोगाणं (योगाणं च) एगतीणं सो चेव णामस्स जाओ तेवीसबंधे बंधं एंति, तास्मि तहिं चेव उक्कोसो,
 एगतीओ सव्वत्थोवाओ त्ति । आउगबंधकालं मोत्तूण उक्कोसजोगिस्स जासि तेवीसे बंधो णत्थि मणुयदुगविगलिदियपंचि-
 दियजातिओरालियंगोवंगसेवट्टपराघायउस्सामतसपज्जत्तकथिरसुभ[जसक्कित्ति] णामाणं एतास्मि उक्कोसो पदेसबंधो एणुवी-
 सबंधगस्स भवति, हेट्ठओ ण लब्धमिति, उवरिपि बहुकाओ एगतीओ त्ति उक्कोसो ण लब्धमिति । आयावुज्जोवाणं छुवीस
 बंधकेसु, निरयदुगअप्पसत्थविहायगइदुस्सरणामाणं अट्टावीसबंधगस्स उक्कोसो पदेसबंधो, उपरि बहुकाओ त्ति ण लब्धमिति,
 मज्झिल्लसंघयणसंठाणाणं एगूणतीसबंधगस्स उक्कोसो पदेसबंधो, उवरि ण लब्धमिति ॥ ९६ ॥ इयाणि उक्कोसजहन्नपदेस-
 बंधसामाणं सरुवणिरट्ठारणत्थं भन्नइ—

सन्नी उक्कडजोगी पज्जत्तो पयडिवंधमप्पयरो । कुणइ पप्पमुक्कोसं जहन्नगं जाण विवरीए ॥ ९७ ॥

व्याख्या—‘सन्नी उक्कडजोगी पज्जत्तो पयडिवंधमप्पयरो । कुणइ पदेसुक्कोसं’ ति जो मणोपुव्वं किरियं कोइ तस्स सव्वजीवेहितो निव्वा चेद्वा भवति त्ति सन्निग्गहणं । सन्नीसुवि जहन्नुक्कोसजोगिणो अत्थि त्ति तेण जहन्नजोगिवुदासत्थं उक्कोसजोगिग्गहणं । सन्नि अप्पज्जत्तगस्सवि तप्पाओगो उक्कोसो जोगो अत्थि त्ति तव्वुदामत्थं पज्जत्तगगहणं । सोवि सव्वाहिं पज्जत्तीहिं पज्जत्तयरो तस्स सव्वुक्कोसो जोगो लब्धइ त्ति सव्वुक्कोसजोगीसुवि जो पगतीओ बहुकाओ वंधइ तस्स भागा बहुगा हुंति त्ति थोकं दलियं लब्धइ । जहा दस कुंमा पंचण्हं दिस्सा ते चेव दिस्सा दसण्हं अद्धं लब्धति तेण पगतिवंधअप्प-तरबंधगगहणं ‘कुणइ पप्पमुक्कोसं’ ति सो तारिमो तव्वंधकेसु उक्कोसं पदेसबंधं बंधति, जहासंभवं एतेण वीजेण जहिं जहिं जस्स जस्स कम्मस्स उक्कोसो लब्धति तस्स तस्स तहिं तहिं चित्तेत्तु भाणियव्वं । ‘जहन्नगं जाण विवरीए’ त्ति असन्नीएसुवि जहन्नजोगी, तेसुवि सव्वाप्पज्जत्तको लब्धीए, तेसुवि बहुकाओ पगतीओ बंधमाणो सव्वपगतीणं तव्वंधकेसु जो एरिसो सो सो सव्वजहन्नं पदेसबंधं करेति । एतेण वीजेण वक्ष्यमाणं जहन्नगं णेतव्वं जहासंभवं ॥ ९७ ॥

घोलणजोगि असन्नी बंधइ चउ दोन्नि अप्पमत्तो उ । पंचासंजयसंमो भवाइ सुहुमो भवे सेसा ॥ ९८ ॥

व्याख्या—‘घोलणजोगि असन्नी बंधइ चउ’ त्ति णिरयदेवाउगं णिरयदुगं एतेसि चउण्हं कम्मणं असन्निपंचिदिओ सव्वाहिं पज्जत्तीहिं पज्जत्तको अपज्जत्तगस्स बंधो णत्थि त्ति, ‘घोलणजोगि’ त्ति परिवत्तमाणजोगी, वाक्कायचेद्वा तस्स अद्धंत-मप्पा भवति त्ति, अपरिवत्तमाणजोगिस्स निव्वा चेद्वा भवति, तत्थवि असन्नी पज्जत्तकपाओगे सव्वजहन्ने जोगे घट्टमाणो मूल-पगतीणं अट्टविहं बंधमाणो जहन्नं पदेसबंधं बंधति, हेट्ठिल्ला ण बंधति । भवपच्चयाओ सन्नीसु किं न भवति इति चेत् ? मन्नइ, असन्निपज्जत्तकउक्कोसजोगाओ सन्निपज्जत्तगजहन्नजोगो असंखेज्जगुणो त्ति तेण ण भवति, ‘दोन्नि अप्पमत्तो उ’ त्ति घोलणजोगी अप्पमत्तमंजओ अट्टविहबंधको णामपगतीणं एककतीसं बंधमाणो आहारकदुगस्स जहन्नगं पदेसबंधं बंधति ।

‘पेवासंजयसंमो भवाइ’ त्ति देवदुगं वेडवियदुगं तित्थकरणामाणं एएसि पंचण्हं असंजयसंमहिट्ठी भवातिसमए वट्टमाणो जहन्नगं पएसबंधं बंधति, कहं? भन्नइ, देवजेरइयाणं तित्थकरणासंधकाणं तओ चुताणं मणुएसु उववज्जताणं उप्पत्ति-पढमसमए चेव देवगतिपाओगं तित्थकरणासहितं एगूणतीसं वज्जमाणं सध्वजहन्नजोगीणं देवदुगवेडवियदुगाणं सव्व-जहन्नो पदेसबंधो । असन्निसु किं न भवति इति चेत्? भन्नइ—असन्नि अपज्जत्तकद्धाप वट्टमाणो देवगतिणेरइयागइपाओगे ण बंधइ, सन्नियपज्जत्तगजोगाओ असन्नियपज्जत्तगजोगो असंखेज्जगुणो त्ति काउं जहन्नगो पदेसबंधो ण भवति । तित्थकरणा-मस्स मणुओ तित्थकरणासंधको कालं काउं देवेषु उववन्नो तरस पढमसमए मणुयगतिपाओगं तित्थकरणासहितं तीसं वज्जमाणस्स सव्वजहन्नजोगिस्स सध्वजहन्नो पदेसबंधो, अन्नत्थ ण लब्धति । ‘भवाइ सुहुमो भवे सेस’ त्ति भवाइ त्ति दोण्हवि सामन्नं, निरयदेवाउगं देवदुगं निरयदुगं वेडवियदुगं आहारदुगं तित्थगरणामं च मोत्तूण सेसाणं सव्वपगतीणं सुहुमो अपज्जत्तगो भवादिसमए वट्टमाणो हीणवीरिओ अप्पण्णो ठाणे सव्वबहुकाओ पगतीओ बंधमाणो सव्वजहन्नजोगी सव्वेसि जहन्नं पदेसबंधं करेइ । णामे अपज्जत्तकसुहुमसाधारणाणं पणुवीसबंधगो, एगिदियआयावथावराणं छव्वीसं बंधको, मणुयदुगस्स एगूणतीसबंधको, सेसाणं णामपगतीणं तीसबंधको जहन्नगं पदेसबंधं करेति, सो चेव आउगाणं दोण्हं आउगतिभागादिसमए वट्टमाणो सव्वजहन्नं करेइ । कारणं पुव्वुत्तं । आदिशब्दात् गृहितं सामित्तं भणितं ॥ ९८ ॥ इदानीं पगतिठित्तिअणुभागपदेसाणं बंधकारणणिरूवणत्थं भन्नइ—

जोगा पयडिपएमं ठिइअणुभागं कसायओ कुणइ । कालभवस्वित्तपेक्खो उदओ सविवागअविवागो ॥ ९९ ॥

व्याख्या—‘जोगा पयडिपएसं ठिइअणुभागं कसायओ कुणइ’ त्ति जोगाओ पगतिबंधो पदेसबंधो य भवति, कहं? भन्नइ, जोगाओ पएसगहणं पदेसविरहिओ पगतीणं बंधो णत्थि, तेण जोगा पगतिपदेसबंधो । ठित्तिबंधं अणुभागबंधं च कसायतो करेइ । कहं? भन्नइ, कम्मस्स निवडस्स ठिइ रसभावो य कसायतो भवति, ते चेव ठित्तिअणुभागा । एत्थ

अद्वहणतंदुलदिहंतो, अद्वहणतुलो अणुभागो, तंदुलत्थाणीया पदेसा, जो रद्धो सो "चिरकालठाति, इतरो वा पगतीबलाति-
करणं । एवं बद्धस्स कम्मस्स विपाकरूवणत्थं भन्नइ 'कालमवसेसपेक्खो उदओ सविवाग अविवागो' ति पंच णाणा-
वरणा, उवरिल्ला चत्तारि दंसणावरणा मिच्छत्तं तेजइककम्मइगसरीरं वन्नगंधरसफासा मगुरुलहुगधिराधिरसुभासुभ
णिम्मेणं पंच अंतराइगमिति एताओ सत्तावीसं पगतीओ धुबोदयाओ सव्वकालं सव्वजीवाणं अरिथ । एताओ मोत्तूण
सेसाओ कालं भवं खेत्तं च पडुच्च उदयं देति । णिहापणगकसायणोकसायादयो कालाइ पेस्खिणो । णेरइगतिरिय-
मणुयदेवाणं जाणि एकंतप्पाओग्गाणि ताणि तं तं भवं पडुच्च उदयं देति ति भवापेक्खाओ । आकासं खेत्तं तं पप्प आणु-
पुव्विमादीणं उदयो । संखेवेणं एत्तिओ उदयभावो विभागतो अणेगमेयभिन्नो । 'उदओ सविवाग अविपागो' ति अप्पणो
सभावेण उदेति जो सो सविपाको, जहा मणुयस्स मणुयगति अन्नपगतीभावेणं उदये न देति ति । अविपाकी जहा तस्सेव
मणुयस्स सेसाओ तिन्नि गतीओ धिबुगसंकमेणं मणुस्सगतिउदयसमए मणुयगतिभावेण परिणता वेदिज्जंति ति अविपाकिणो ।
जत्तिया ते सव्वेवि अप्पणो जातिए वेदिज्जमाणम्मि परिणता तन्मावेण वेदिज्जंति अणुदिन्नस्स खयो ति ति ॥ ९९ ॥
इयाणि जोगठितिवंधज्जवसाणठाणाणं अणुभागवंधज्जवसाणठाणाणं च एतेहि बंधकारणाणं कज्जाणं च पगतिठितिअणुभाव-
पदेसाणं अप्पवहुगणिरूवणत्थं भन्नइ—

सेदिअसंखेज्जइमे जोगठाणणि (य) होंति सत्ताणि । तेसिमसंखिज्जगुणो पयदीणं संगहो सव्वो ॥ १०० ॥
तासिमसंखिज्जगुणा ठिईविसेसा हवंति नायव्वा । ठिईबंधज्जवसायाणिऽसंखगुणियाणि एत्तो उ ॥ १०१ ॥
तेसिमसंखिज्जगुणा अणुभागे होंति बंधठाणाणि । एत्तो अणंतगुणिया कम्मपएसा मुण्येव्वा ॥ १०२ ॥
अविभागपल्लिहेया अणंतगुणिया भवंति एत्तो उ । मुयपवरदिट्ठिवाए विसिट्ठमतओ परिकरिंति ॥ १०३ ॥

व्याख्या—‘संदिअसंखेज्जइमे जोगट्ठाणाणि (य) होति सव्वाणि’ इति ‘जोग’ इति जोगो वीरिबं कामो उच्छाहो परकमा-
 चेद्वा ससी सामत्यमिति एगट्ठं तेसिं ठाणाणि जोगट्ठाणाणि सव्वज्जहन्नाओ जोगट्ठाणाओ आदवेत्तु अणंतराऽणंतरं विसेसा-
 हियं जीगट्ठाणं एताए जोगबुद्धीए ताव गतव्वं जाव उक्कोसं जीगट्ठाणे ति । ‘संदिअसंखेज्जइमे’ इति ताणि सव्वाणि जोगट्ठाणाणि
 केत्तियाणि ? भन्नइ, लोकसेट्ठिए असंखेज्जतिमागे जत्तिया आकासपदेसा तत्तियाणि जोगट्ठाणाणि सव्वाणिधि । ‘तेसिमसं-
 खेज्जगुणो पगतीणं संगहो सव्वो’ इति तेहि जोगट्ठाणेहितो असंखेज्जगुणो पगतीणं समुदयो । कहं ? भन्नइ, ओहिणाण-
 ओहिदंसणावरणाणं पगतीओ असंखेज्जलोकाकासपदेसमेत्ताओ, तेसिं खयोवसममेदा तत्तिया चेव । चउणहमाणुपुब्बिणा-
 माणं असंखेज्जाओ पगतीओ, लोगस्स संखेज्जतिमे भागे जत्तिया आकासपदेसा तत्तियाओ । सेसापसिद्धा एते अहिकिञ्च
 जोगट्ठाणेहितो असंखेज्जगुणाओ पगतीओ एकेके जोगट्ठाणे वट्टमाणाणं एताओ सव्वाओ बंधंति इति ॥ ‘तासिमसंखेज्जगुणा
 ऽविसेसा हवंति नायव्व’ इति तासिं पगतीणं असंखेज्जगुणा ठितिविसेसा ठितिमेदा इत्यर्थः । कहं ? भन्नइ, एकेकाए
 पगतीए जहन्नकटितीओ आदवेत्तु ताव जाव उक्कोसठिती एतासिं मज्जे जत्तियाणि तरतमजोगेणं समयोत्तरवट्ठिताणि
 ठितिठाणाणि ठिइविसेसाणि ताणि पगतिसमूहेहितो असंखेज्जगुणाणि, एकेकंमि असंखेज्जमेदा लब्धंति इति काउं । ‘ठिइबन्ध-
 अज्झवसाणाणि असंखेज्जगुणाणि एत्तो उ’ इति ठिइविसेसेहितो ठिइबंधज्झवसाणठाणाणि असंखेज्जगुणाणि । कहं ? भन्नइ,
 ठितिं निवत्तंति जाणि अज्झवसाणठाणाणि ताणि ठितिबंधज्झवसाणाणि कसायोदयावि वुच्चंति, ताणि अंतोमुहुत्तमेत्तकालप-
 रिमाणाणि, तां च जहन्नके ठितिठाणे असंखेज्जलोकाकासपदेसमेत्ताणि जहन्नगादिणि आदवेत्तु उवरिमाणि छ(चउ)ट्ठाणवड्डियाणि,
 तओ समउत्तराए ठितिए ठितिबंधज्झवसाणठाणाणि अन्नाणि, असंखेज्जलोगागासपदेसमेत्ताणि, तओ विसेसाहियाणि, तओवि
 समउत्तराए ठितिए ठितिबंधज्झवसाणठाणाणि अपुब्बाणि असंखेज्जलोगागासपदेसमेत्ताणि तहितो विसेसाहिकाणि एवं
 सेट्ठीए नेयव्वं जाव उक्कोसिया ठिति इति ! एकेके ठितिठाणे असंखेज्जलोगागासपदेसमेत्ताणि ठितिबंधज्झवसाणठाणाणि

लभन्ति स्ति ठित्विसंसेहितो ठितिमज्झवसाणठाणाणि असंखेज्जगुणाणि ॥ 'तेसिमसंखेज्जगुणा अणुभागे होति बंध-
ठाणाणि' स्ति तेसि ठितिवंधज्झवसाणठाणाणं असंखेज्जगुणाणि अणुभागबंधज्झवसाणठाणाणि । कहं ? भन्नइ, ठिति-
बंधज्झवसाणठाणं णाम कसायोदयपरिणामो गामणगरादिपरिणामवत्, तेसि उच्चणीयमज्झिमकुहंबविहवविशेषवत् तेषु ठिति-
बंधज्झवसाणेषु तिव्वमंदमज्झिमपरिणामाणि मणेगमेदमिन्नाणि जहन्नेजेक्कसमयपरिणामपरिमाणानि, उक्कोसेणऽट्ठसमयपरिणाम-
परिमाणानि अणुभागबंधज्झवसाणठाणाणि असंखेज्जगुणाणि बुद्धन्ति, ताणि असंखेज्जलोकाकामपदेसमेत्ताणि एक्केकंमि ठिति-
बंधज्झवसाणठाणे, तेण अणुभागबंधज्झवसाणठाणाणि असंखेज्जगुणाणि भवन्ति । 'एत्तो अणंतगुणिया कम्मपदेसा मुणेयव्व' स्ति
'एत्तो' स्ति अणुभागबंधज्झवसाणठाणाहितो कम्मपोगला ते अणंतगुणा । कहं ? भन्नइ, कम्मपोगलगहणसमयं जो परिणामो सो
अणुभागबंधज्झवसाणठाणपरिणामो बुद्धति । किं कारणं ? भन्नइ, तमो परिणामविसेसामो तेषु पीगगलेसु रसविसिंसी भवति स्ति
ते च कम्मपोगला अभव्वसिद्धिकेहि अणंतगुणा सिद्धाणमणंतभागमेत्ता एक्केकंमि समयं गंहणी एति । एवमणुसंमयं
एक्केकंमि परिणाममि अणंतगुणिया हवति एत्तो उ' स्ति 'एत्तो उ' स्ति कम्मपोगलेहितो अविभागपलिच्छेदा अणंतगुणिता । कहं ?
भन्नइ, अहा अइहणाविसेसामो सित्थेसु रसविसेसो दिट्ठी, तथा अज्झवसाणविसेसामो कम्मपदेसु रसविसेसी भवति,
अज्झवसाणां अइहणतुल्लां तं तुल्लयाणीया कम्मपदेसा । जो एक्कंमि सित्थे रसो सो विमज्जमाणो २ भागं ण देह सो
अविभागपलिच्छेदो । एवं कम्मपदेसु जो अणुमागरसो सो केवलणाणेण विमज्जमाणो विमज्जमाणो भागं ण देति सो
अविभागपलिच्छेदो बुद्धति, तारिसा अविभागा पलिच्छेदा एक्केकंमि कम्मपदेसमि सब्बजीवाणं अणंतगुणा लभन्ति, उक्तं
च " गहणसमयंमि जीवो उप्पापउं गुणे सपच्चयती । सब्बजियाणंतगुणो कम्मपदेसेसु सब्बेसु ॥ १ ॥ " स्ति तेण
कम्मपदेसेहितो अविभागपलिच्छेदा अणंतगुणिता । 'सुयंपवरदिट्ठिवापं विसिद्धमंतयो परिकहेति' स्ति सुयं बुधालसंगं प्रवरं

प्रधानं सुप पवरं सुयपवरं, किं तत् ? उच्यते, दिट्ठिवादो, तस्मि दिट्ठिवाए दिट्ठिवादत्ये विशिष्टा प्रधाना प्रकृष्टा मतिबुद्धि-
वेषां ते विशिष्टमतयो दृष्टिवादार्यज्ञा इत्यर्थः, ते एव दिट्ठिवायत्यं तु परिकर्हति ॥ १०० ॥ १०१ ॥ १०२ ॥ १०३ ॥ इदानीं
उवसंहरणमिति मन्त्र—

एसो बंधसमासो बिंदुस्त्वेवेण वज्जिओ कोइ । कम्मप्पवायसुयसागरस्स णिस्संदमेत्ताओ ॥ १०४ ॥

व्याख्या—‘एसो’ स्ति जो मज्झिओ ‘बंधसमासो’ स्ति बंधाणं पगतिठित्तिअणुभागपदेसाणं संखेवो ‘बिंदुस्त्वेवेण वज्जि-
ओ’ स्ति पिंडोत्क्षेपेण पिंडेणैव उद्धरिय कम्मपवाए जहा ठितं तथा उद्धरिय ‘वज्जिओ’ मज्झिओ, ‘कोइ’ स्ति किंचिमेत्तं,
‘कम्मप्पवादसुत्तं’ स्ति कम्मविवागं जं भणइ सत्थं तं कम्मप्पवादं कम्मप्रकृतिरित्यर्थः, कम्मप्पवादसुत्तमेव सागरो कम्म-
प्पवादसुत्तसागरो, तस्स कम्मप्पवादसुत्तसागरस्स णिस्संदमेत्तको जहा घतघडादीणं णिस्संदो तुच्छो, तथा कम्मप्पवादसु-
त्तसागरस्स णिस्संदमेत्तो अत्यन्ताल्प इति मणियं भवति ॥ १०४ ॥ इदानीं आयरिओ मप्पणो गारवणिरहरणत्थं अस्सेसि
च बुद्धिपकरिसदरिसणत्थं छउमत्थबुद्धिलक्खणं च दरिसंतो मन्त्रति—

बंधविहाणसमासो रइओ अप्पसुयमंदमइणा उ । तं बंधमोक्खणिउणा पूरेऊणं परिकर्हेंति ॥ १०५ ॥

व्याख्या—‘बंधविहाणसमासो’ स्ति बंधस्स विहाणं-मेदो, तस्स समासो-संखेवो ‘रइओ’ गहियो, ‘अप्पसुयमं-
दमइणा’ मंदं-तुच्छं मति-बुद्धि, अल्पश्रुतेन मंदमतिना, रतितो स्ति एवं ज्ञात्वा सिद्धान्तविरुद्धं-विपरीतं वा ‘तं बंधमो-
क्खणिउणा पूरेऊणं परिकर्हेंति’ ति ‘तं-विरुद्धं विपरीतं वा बंधमोक्खणिपुणा-बंधमोक्खकुसला इत्यर्थः ‘पूरेऊणं परिकर्हेंति’
स्ति पडिपुत्तं करेतु भणेज्जा ।

इय कम्मपयडिपगयं संखेबुद्धिं णिच्छियमहत्थं । जो उवजुज्जड बहुसो सो णाहिति बंधमोक्खं ॥ १०६ ॥

प्यास्या—‘इय’ इति एवं कम्मपगडीपगयं-कम्मपगडिमहिगारं, संखेवुडिट्टं-संखेवेण कहियं, ‘णिच्छियमहत्यं’
ति परिच्छियमहत्यं, महार्यता कयमितिचेत् ? मज्झइ, एतेण बीएण सेसोवि महग्गयो सुहमहिगम्मइ ति, ओ पुरिसो
‘उवज्जुज्जइ’ भुज्जो भुज्जो चित्तेइ, सो पुरिसो ‘णाहिति’ जाणिहिति ‘बन्धमोक्खट्टं’ बन्धमोक्खसरुवं बन्धमोक्षार्यमिति ॥ १०६ ॥

॥ इति परमर्षिश्रीमच्छ्रीवशर्मसूरिप्रवरसंहृदयं
बन्धशतकं सचूर्णिकं समाप्तम् ॥